

566/2006/2


ТАФАККУР



ИЖТИМОЙ-ФАЛСАФИЙ,
МА'НВАЙ-МА'РИФИЙ
ЖУРНАЛ

ТАФАККУР

2/2006





*Ботир Зокиров катта талант сохиби,
юксак эжтирос фарзанди, XX асрнинг
ўта маданийли кишиси эди...*

*Абдулла ОРИПОВ,
Ўзбекистон халқ шоири*

БОШ МУҲАРРИР САҲИФАСИ

O'ZINGIZ НАМ O'QIGANMISIZ?



"Ҳаммамиз учун ҳурматли" Брежневдан қолган бир анекдот кўпчиликнинг ёдида бўлса керак. Бош котиблигу яна ҳоказо мансаб-мартабалари камлик қилибми, "Тикланиш" деган хотиранома ёзиб, сабиқ Иттифоқнинг биринчи рақамли "бош адиби"га ҳам айланган эди у зот. Газетаю радио-телевидениеда факат шу гап, не-не алломай замонлар факат шу асарни таърифлаган! Ўшанда донгдор муаллиф сиёсий жўраларидан бирига бундай маслаҳат соглан экан: "Ҳамма зўр-зўр деяпти, ўзим ҳам бир ўқиб кўрсаммикан шуни, нима дейсан?"

Аввалданоқ айтиб қўяйлик: давлату сиёсат арбобларига даъво қилгулик жойимиз йўқ. Уларнинг йўриғи ўзга. Бизни бутунлай бошқа ҳол ташвишга соляпти. Китоб битувчи кўпайди! Умрида қалам ушлаб кўрмагани ҳам адиблик даъвосида қўша-қўша китоб чиқаряпти. Бадиий асар ёзиш-ку ҳамманинг ҳам кўлидан келавермайди; майли, ёзсин, ўқитадиган одамини топса — ёзверсин, ҳаполи бўлсин!

Аммо биргина муаллиф ўттиз-қирқлаб монография, уч юз-тўрт юз илмий мақола ёзишига нима дейсиз? Илмий мақола-я! Бундай маҳобатли рўйхатни кўрганда киши ёқасини ушлаб қолади: Толстой бўл-э! Китобу рисола ёзиб берадиган ускуна-пускунаси бормикан ё? Суриштириб кўрсангиз, ҳурматли муаллифимиз кўпинча ё арбоб, ё катта бир илмий муассасанинг раҳбари ҳам бўлиб чиқади. Демак, у зот ё ўзи ёзмайди, ё ишхонасига ўҳшатиброк раҳбарлик қилмайди. Бунинг сирини илмий доираларда кўпчилик билади. Сири шундайки; ўша дарслигу қўлланмаларни олиб қарасангиз, муқовада камдан-кам ҳоллардагина бир кишининг имзосини учратасиз. Камида иккι ном, бўлмаса — уч-тўрт муаллифи! Хўш, буни аслида ким ёзган? Балоларга қолишдан кўркмай айтадиган бўлсак, китобнинг асоси аксарият ҳолларда номи рўйхатнинг охирироғида турган кимсага тегиши бўлади!

(Ҳадеб ўзгалардан олмай, ўзимиздан ҳам бир латифа қўшиб кетайлик. Қуён китоб ёзиб, маслаҳат сўрагани бўрининг олдига элтиби. "Нега бу ерда менинг номим йўқ?" деб бўривой ўзининг исмини қўшиб кўйибди. Кейин муаллиф китобини йўлбарсга олиб борибди. Йўлбарсвой ҳам исмларини тиркабдилар. Шерга навбат келганда у рўйхатни кўриб, "Қуён бу ерда нима қилиб юрибди?" дега унинг номини ўчириб ташлаган экан...)

Бундай асарнинг "устиди" кўпинча бутун бошли бир бригада меҳнат қиласди — ҳашар. Устоз учун, устознинг шон-шуҳрати йўлида. Устознинг ўзи эса қўлига қалам олиб бирор нима ёзишига ҳам шубҳа қиласиз.

Ундан кейин, ана, нашриёту таҳририятларда енг шимариб адабий негрлар, мардикорлар ўтириди...

Кимга керак бундай "эъжод"? Қўлингиздан келмаса, китоб ёзмай ўтсангиз ҳам бирор уришмайди. Дунёда ном қолдиришнинг бошқа йўллари кўп.

Тўғриси, бу қаллобликдан кўrsa биргина одам наф кўради — муаллифлар рўйхатининг бошида тургани!

Зарари эса — сиз билан бизники, китобхонники!

...Китобингизни ўзингиз ҳам ўқиганмисиз, устоз?

Ярдан Абдуллаев



Тафаккур

ИЖТИМОЙ-ФАЛСАФИЙ, МАЊНАВИЙ-МАЃРИФИЙ ЖУРНАЛ

НИМА ДЕЙСИЗ, ЗАМОНДОШ?

Табиийлик ва сунъийлик: чегара қаерда?
Професор Жуманазар БЕКНАЗАР
билин сұхбат.....4

МИЛЛАТ ВА МАЊНАВИЯТ

Саъдулла ОТАМУРОДОВ. Тажовуздан
сақланиш йўли.....14

РУХИЯТ САБОҚЛАРИ

Нурбой АБДУЛҲАҚИМ. Қалб
ҳақиқати.....20



Бош мұхаррир
Эркин АЪЗАМ

Таҳририят:

Нурбой АБДУЛҲАҚИМ
(бош мұхаррир ўринбосари)

Дамин ЖУМАҚҰЛ
(масъуль котиб)

Ольга ЖОЛДАСОВА
(бадиий безак бўлими мудири)

Шоҳ САНАМ
(мусаҳид)

Наргиза УСМОНОВА
(саҳифаловчи)

Журнални безашда мусаввирлар —
Акмал НҮР ва Тўра ШОМИРЗАЕВ
асарларидан ҳамда Машраб НУРИНБОЕВ
олган суратлардан фойдаланилди.

Жамоат кенгаси:

Дилором АЛИМОВА
Абдулла АЪЗАМ
Муҳсин АШУРОВ
Хуршид ДАВРОН
Нуриддин ЗАЙНИЕВ
Баҳодир ЗОКИР
Нажмиддин КОМИЛ
Султонмурод ОЛИМ
Хайридин СУЛТОН
Қобилжон ТОШМАТОВ
Нурислом ТЎХЛИЕВ
Абдураҳим ЭРКАЕВ
Тўлепберген ҚАЙИПБЕРГЕНОВ
Муртазо ҚАРШИЙ
Фарҳод ҲАМРОЕВ
Ибрөҳим ҲАҚҚҰЛ



ЮРАК ТИЛГА КИРДИ

Хосият РУСТАМОВА. Ер айланар
фалак чархида.....28

Нодира АФОҚОВА. Кўксимдин ўтдию
сорғорди хазон.....31

ТАҚДИРДАГИ ТАДБИРЛАР

Сергей ДОВЛАТОВ. Акам. Ҳикоя.....34

Муассис — Республика Мањнавият ва
маѓрифат кенгаси

Ўзбекистон Республикаси Матбуот ва
оҳборот агентлигига 120-рекам
билин рўйхатга олинган.

Матнларда фойдаланинган мисол,
кучирма ва маълумотлар ониклиги учун
муаллифлар жавобагардир.

Журналдан кўчириб босилганда манба
кайд этилиши шарт.

Манзилимиз: 700047, Тошкент шаҳри,
Мовароуннаҳр кўчаси, 6-йи



133-10-68
139-05-19

Журнал андоҳаси таҳририятнинг ком-
пьютер бўйинида тайёрланди.

“Шарқ” ношриёт-матбаса оқиҷядорлик
компанияси босмахонаси: 700029,
Тошкент шаҳри, Буюк Турон кўчаси, 41-йи

2006 йил 15 февраль куни босмахонага
топширилди. Когоз бичими 70x100 $\frac{1}{16}$,
6 босма тобок, 2276-буюртма. Нашр
адади 3000 нусха.

SAHIFALARIDA

саҳифаларида

САНЬАТ ФАЛСАФАСИ

Абдулла УЛУФОВ. Ўйга толдирувчи
ранглар.....48

БЮОКЛИК ТИМСОЛЛАРИ

Абдуфаур РАСУЛОВ. Ҳақиқатпараст....52
Ашурали ЖЎРАЕВ. Кўшиқ дунёси-
нинг Мажнуни.....57



ХУҚУҚИЙ ТАФАККУР

Раҳматуллоҳ қори ОБИДОВ. Аёл —
шайтоннинг қуроли эмас.....60

БОҚИЙ САРЧАШМАЛАР


Нажмиддин КОМИЛ. Ирфон нури.....68

МОҲИЯТ ЖИЛОЛАРИ

Ибодулла ЭРГАШЕВ. Бахт тўқис
бўладими?.....74

ЖАВОНДАГИ ЖАВОҲИР

Фаҳриддин НИЗОМ. Тўрт китоб
таърифи.....78



ТАЛҚИН ВА ТАДҚИҚОТЛАР

Мұхаббат ИСАЕВА. Янги аср фалса-
фаси ва инсон.....84

Дилбар РЎЗМЕТОВА. Раҳбар бўлиш
осонми?.....85

Фаридахон СОИФНАЗАРОВА. Осойишта
ҳаёт манбаи.....86

Фаҳриддин ЎСАРОВ. Кореяда таълим
тажрибаси.....87

Дилрабо МУҚИМОВА. Ахлоқ ва руҳият ...88

Кўлдош ПАРДАЕВ. “Ал-Ислоҳ” ва
таълим ислоҳи.....89

Фируз ВАЛИЕВ. Замонабоп луғатлар...90

Машхура РАШИДОВА. Сифат ва нафосат....91

Гулруҳ ТОШЕВА, Адҳамжон АШИРОВ.
Урф-удумлар замиридаги ҳикмат.....91


Улуғбек АБДУЛЛАЕВ. Фарғона
қипчоқлари.....93

Журналнинг инглизча муҳтасар
мазмуни.....126

НИМА ДЕЙСИЗ, ЗАМОНДОШ?



TABIYILIK VA CHEGARA SUN'ITYLIK: QAYERDA?



Тиббиёт фанлари доктори, профессор
Жуманазар БЕКНАЗАР билан
суҳбат

— Жуманазар ака, биламизки, қадим Шарқ ҳалқлари вужуд соғломлигига ҳам, руҳ баркамоллигига ҳам катта аҳамият билан қараган. Мизожни яхши билган, таомни ҳам шунга кўра истеъмол қилган. Руҳият тарбияси билан мунтазам шуғулланган...

Орадан асрлар ўтди. Биз аждодларимиз билган ҳақиқатларни ўзлаштириб, ҳаётга татбиқ этишимиз, уларнинг илмдаги ютуқларини янгилари билан бойитишимиз зарур эди. Лекин бундай бўлмади. Назаримда, бу соҳада ўша даврда эришилган муваққиятларни бойитиш ўёқда турсин, улар қолдирган меросни ҳам қониқарли даражада ўзлаштира олмаётганга ўҳшаймиз. Балки мулоҳазаларим баҳслидир. Бу ҳақда Сизнинг фикрингиз қандай?

— Шарқда руҳ тарбияси билан мунтазам шуғулланилгани бежиз эмас. Чунки руҳ баркамоллиги вужуд соғломлигининг ҳам бош шарти. Аслида, Шарқ тиббиётининг юксак даражада ривожлангани сабаби ҳам руҳ тарбиясига бўлган эътибор самарасидир.

Руҳан тетик одам осонликча хасталанмайди. Шу боис беморни даволашда инсон вужудининг касалликка қарши кураш имкониятларини сафарбар эта билиш муҳим аҳамиятга эга. Буни, тиббиёт таъбирича, “тирик организмни тирик хужайралар билан даволаш” дейилади. Бу усул билан муолажа этишда мизожнинг ўрни алоҳида. Шарқ табобатида мизожнинг иссиқ-

лик, совуқлик, намлиқ, құруқлық хусусиятлари мудом назарда тутилгани ҳам бунинг тасдиғидир.

Хар бир яралмишда ўзига хос ҳикмат бор. Жумладан, Ер юзида бир юз әллік минг турдан ортиқ үсімлік ва гиёх бўлса, уларнинг ҳар бири муайян хасталикни даволаш хусусиятига эга. Фақат инсон бу мўъжизалар сирини тўлиқ англай олмайди. Оддийгина мисол. Ловиянинг тузилишига эътибор беринг: худди буйракка ўхшайди. Энг мухими, буйракдаги тошларни эритиш, ҳайдаша ловия пўстлогининг дамламасидан кўра фойдалироқ нарса йўқ. Ёнғокни шаклан инсон миясига менгзаш мумкин: қаттиқ пўстлоги — бош суюги, юмшоқ пўстлоги — мия пардалари, мағзи эса миянинг айни ўзи. Буюк бобомиз Ибн Сино ёнғоқ мағзини кўпроқ истеъмол қилишни тавсия этади. Унинг ақлни пешлаш хусусиятини таъкидлайди. Бугунги кунга келиб маълум бўлдики, инсон организмида йод моддасининг етишмаслиги ақлий заифликни келтириб чиқаради. Ёнғоқ мағзи эса йод моддасига бой экани билан ажralиб туради.



Инсон вужудида мұхим бир аъзо борки, миттигина бўлишига қарамай, ҳаёт учун бенихоя зарур. Танада касаллар аломатлари пайдо бўлса, биринчи бўлиб кураш бошлайдиган бу аъзо буйрак усти безидир. У худди саримсоқ бўлагига ўхшайди. Саримсоқпен зиннинг инфекцияга қарши энг яхши муолажа воситаси экани бугун ҳеч кимга сир эмас. Қолаверса, саримсоқпен зиёд биокувватни бир неча баробар оширади, умрни узайтирувчи хусусиятга эга.

Оллоҳ таоло инсонга бекиёс неъматлар ато этган. Турли наботот турларнинг томирини, гулини, баргини, мевасини, поясини шаклан инсоннинг қайсиидир аъзосига ўхшаш қилиб яратгани, бу орқали үсімліктарнинг қандай хасталикка шифо эканига ишорат этгани ҳам Яратганинг меҳрибонлиги далилидир. Афсуски, инсон бу ишора моҳиятига ҳануз тўлиқ ета олган эмас. Унинг адашувлар гирдобида қолгани сабаби ҳам шунда.

Аслида, үсімліклар ҳам тирик организм. Улар ҳам ўзига хос тарзда эшигади, кўради, нафас олади, кўпаяди, қайғуради, ҳатто нола чекади. Эътибор берганмисиз, үсімліктарнинг синдирилган шохидан суюқлик чиқади — демак, ынглайди. Вақтида суформасангиз, сўлади. Мехр билан олма кўчатини ўтқазган, парваришлаб ўстирган боғбон вафот қилса, олма дарахти шу йили

Рукнимизнинг бу галги меҳмони — илғор зиёли замондошларимиздан бири, таңыкли тибиёт олими, профессор Жуманазар Бекназар. Бу ном ортиқча таъриф-тавсифга мұхтож эмас. Олимнинг "Итироб комидан", "Тош балоси", "Гулдек нозик", "Мехр қүёши" каби тибиёттга оид асарларини бугун китоб дўконларидан топиш маҳол — улар аллақачон ўқувчининг мулкига айланган. Икки юздан ортиқ илмий мақола, йигирмадан зиёд илмий ихтиrolар муаллифи экани, минглаб хасталар унинг жарроҳлик операцияси шарофати билан соғлом ҳаётга қайtgани олимнинг шуҳрати наинки мамлакатимизда, ҳатто хорижда ҳам ёйилишига сабаб бўлди.

Жарроҳ деганда, одатда оқ ҳалат кийган бўлса-да, раҳм-шафқатдан бирмунча йироқ одам кўз ўнгимизда гавдаланади. Қалбida шеърият аталмиш нафис санъатга ошнолик борлиги, жарроҳ бўлса-да, Жуманазар Бекназарнинг кўнгли гулдай нозик экани далилидир. Унинг қаламига мансуб "Ватан — ёниқ юрагим" шеърлар тўплами, салмоқлигина ҳаждидаги "Қамай достони" ҳам шундай хулоса чиқаришга асос бўла олади.



ди. Боболаримиз буни дориворларни Куръон йигиб, тоза, бежирим жойлаган. Улар "тирик билан даволаш" қоидаси-

Замонавий тибиёт эса, мёвий усулда синтез қилиб, улар воситасида хужайраларга таъсир этиш йўлини танлади. Бундай дорилар одам организмидаги модда алмашинув жараёнини сунъий равишда тезлаштиради ёки секинлаштиради. Оқибатда организм зўриқади. Аникроқ айтадиган бўлсак, организм уддалashi лозим бўлган ишни синтезлаштирилган дори бажаради. Натижада, инсон вужуди ана шу кимёвий дорилар келтирган ёки келтираётган зааррга қарши курашиш билан овора бўлади-қолади. Оқибатда, шундай кимёвий дориларни узок муддат истеъмол қилган организм иммунитетини қисман ёки бутунлай йўқотади. Буни исботлаш у қадар мушкул эмас. Антибиотик ва гормонлар билан узок вақт даволанган bemornining аҳволини кузатиш кифоя.

— Доривор ўсимликларнинг нечоғлик фойдали эканига Шарқ табобати тарихида мисоллар кўп. Замонавий тибиёт, хусусан, Farb тибиёти ҳам буни тасдиқлайдими?

— Шифобахш ўсимликларнинг кимёвий усулда олинган дорилардан кўра фойдалироқ эканини замонавий Farb тибиёти ҳам эътироф этаётир. Биргина мисол. Машхур биохимик Р. Лассвотер 1970 йили инсон организмидаги эркин радикаллар муҳим ўрин тутишини исботлади. Улар ҳаётнинг равон кечишини таъминловчи биохимик жараёнлар натижасида пайдо бўлади. Эркин радикаллар тезда нейтралланади, яъни заарсиз ҳолга келтирилади. Бу муҳим вазифани антиоксидант деб аталувчи мураккаб моддалар бажаради. Ташки ёки ички омиллар боис организм кучсизланса, худди шу модда ишлаб чиқилиши кескин пасаяди. Бундай ҳолда ташқаридан тайёр, табиии антиоксидантлар қабул қилиниши зарур. Уларнинг энг кучли, энг таъсирчани эса С витаминидир.

Америкалик биохимик А.Сент-Дурди ўтган асрнинг ўттизинчи йилларида биофлавоноид деб аталувчи бирикмаларни кашф қилди. Ҳатто бу илмий кашфиёти учун Нобель мукофотига сазовор бўлди. Энг аҳамиятлиси, биофлавоноиднинг шифобахшлик хусусияти С витаминига нисбатан ҳам ўн барабар кўпроқdir.



ҳосил бермайди, ҳатто куриб қолиши ҳам мумкин. Демак, наботот ҳам қайғуради. Улар худди инсон каби күёш нуридан баҳра олади, шабнамда ювинади, кечгача ўзига биокувват йиғади. Шунинг учун дориликка гиёҳ тераётганда яхши гаплардан гапириш, кўнгилда эзгу ният, муҳаббат бўлиши зарур. Уларни ҳеч қачон қўполлик билан юлиб, кесиб олмаслик керак.

Чунки набототда ҳам ўлимолди кўркуви бор. Агар шу ҳолга тушса, ўсимликтин қуввати, шифобахшлик хусусияти йўқолажуда яхши билган. Шу боис тиловати, яхши дуолар билан халтачаларга тур-тури билан организмни тирик ҳужайралар га қатъий риоя қилган.

табиии бўлмаган дориларни ки-мёвий усулда синтез қилиб, улар воситасида хужайраларга таъсир этиш йўлини танлади. Бундай дорилар одам организмидаги модда алмашинув жараёнини сунъий равишда тезлаштиради ёки секинлаштиради. Оқибатда организм зўриқади. Аникроқ айтадиган бўлсак, организм уддалashi лозим бўлган ишни синтезлаштирилган дори бажаради. Натижада, инсон вужуди ана шу кимёвий дорилар келтирган ёки келтираётган зааррга қарши курашиш билан овора бўлади-қолади. Оқибатда, шундай кимёвий дориларни узок муддат истеъмол қилган организм иммунитетини қисман ёки бутунлай йўқотади. Буни исботлаш у қадар мушкул эмас. Антибиотик ва гормонлар билан узок вақт даволанган bemornining аҳволини кузатиш кифоя.

А.Сент-Дурди витаминларни илмий ўрганиш натижасида лимон шира-
сидан олинган С витаминининг фаоллиги тоза С витаминдан кўра юқори
эканини аниқлади.

— Жуманазар ака, бу кашфиётнинг аҳамияти нимада? Иложи бўлса, сод-
дароқ тушунириб берсангиз?

— Тасаввур қилинг, сиз тамоман нотаниш шаҳарга бориб қолдингиз. Дей-
лик, шаҳарни яхши биладиган йўлбошловчингиз бўлса, ҳожатингиз тезроқ
битади, муддаонгизга осонроқ эришасиз. Худди шу каби бирор препарат-
ни — дори моддасини истеъмол қилганда, у организмдаги хилма-хил тўсиқ-
ларни енгигб ўтиб, керакли хужайрага тезроқ етиб бориши, таъсир қилиши
лозим. Бу жиҳатдан табиий биофлавоноидларга тенг келадиганини топиш
маҳол.

Табиий С витамины эса “йўлбошловчи” сиз бўлгани учун керакли хужай-
рага етиб бормайди. Маълум бўладики, ҳар қандай доривор модданинг ўз
“йўлбошловчи”си бўлиши шарт. Акс ҳолда улар беморнинг дардига мал-
ҳам бўла олмайди.

Шифобахш гиёҳларда қайсиdir даражада биофлавоноид бўлади, албат-
та. Шу боис улар инсон вужудидаги 13 триллиондан ортиқ хужайра ораси-
дан касалмандини дарҳол топади ва айнан шуни даволайди. Биофлавоно-
идлар хужайрада пайдо бўлган чиқинди — тошқолларнинг чиқиб кетишига
ҳам энг қулай шароит яратади. Натижада хужайралар зўриқмасдан бир меъ-
ёрда ишлайди. Аста-секин биокувватини тиклаб олади.

Кимёвий усул билан олинган дорилар эса, хоҳ содда бўлсин, хоҳ мурак-
каб, хужайра ичига унинг қобиги, яъни сиртқи пардаси орқали — “девордан
ошиб” киради. Тошқолларнинг чиқиб кетишига эса мутлақо шароит қолмайди.
Энди уларни чиқариб юбориш учун хужайра катта энергия талаб этади.

Демак, гап қайси шифобахш моддани истеъмол қилишдагина эмас, бал-
ки унинг организмга сингишида. Киши организм мини витамин билан бойи-
тиш мақсадида поливитамин қабул қила бошлади дейлик. Бундай ҳолда пе-
шоб ранги ўзгаради. Чунки витамин “йўлбошловчи”си бўлмагани, тенти-
раб юргани учун организмга сингмайди. Натижада организмнинг ўзи уни
ортиқча кимёвий бирикма сифатида буйрак орқали ажратиб, чиқариб таш-
лайди — қабул қilmайди.

— Демак, инсон вужуди фақат ва фақат табиийликка мойил; сунъий йўл
билан олинган бўлса, ҳатто дори ҳам унга шифо бўлиши қийин. Фикрингизни
тўғри англадимми?

— Ҳар бир инсон вужудида тенгсиз тик-
ланиш қуввати бор. Бу кучларни ўйфотиш-
да табиий неъматларнинг ўрни алоҳида.

Тасаввур қилинг, чўлда ёлғиз кетаётган
одам сувсизлик азобида қийналди,
ҳатто хушидан айрилди. Бошқа
бир сайд ўни бу аҳволда
кўриб бир пиёла сув ичиради.
Хушсиз одам ўзига келади.
Иккинчи пиёла сувдан эса қув-



ватга эниб, манзилига етиб олади. Унинг нажот топиши учун бир пиёла сув кифоя қилади. Ҳақиқатан ҳам, инсоннинг ҳар бир хужайраси сув ичида бамисоли ҳовуздаги балиққа менгзайди.

Бошқа бир ҳол. Дейлик, токқа чиққан одам қор даралари орасида адашиб, роса совқотди. Қўл-оёқлари музлаб, дармони қочди. Худди шу чоқда булут тарқаб, қүёш чараклайди. Унинг нурларида исинган одам ҳушига келади.

Ёки файритабиий ҳодисаларга қизиқувчан одам фор тубига бориб қолди. Айтайлик, у ерда тўпланган газлар кам кислородли мұхит пайдо қилгани боис ҳушидан айрилди. Нафас олиши қийинлашди, юрак уриши сустлашди. Худди шу пайт кучли шамол туриб, форга ҳам ёпирилиб тоза ҳаво киради. Ҳушсиз одам ўзига келиб, тирик қолганига шукроналар айтади.

Булар ҳаммаси ҳаёттий мисоллар. Шундай бўлиши мумкинлигини ҳеч ким инкор этолмайди. Шундан кейин ҳам покиза таом, тоза сув, тоза ҳаво, қўёшнинг ҳаётбахш нури шифо бўлолмайди деб айтинг-чи!

— Шайх Саъдий “Гулистон” асарининг муқаддимасида инсоннинг ҳар бир нафасида икки неъмат мавжудлигини, бир нафас учун икки марта шукр айтиш вожиблигини таъкидлайди. Яъни нафас олиниши — бир неъмат, худди шу нафаснинг қайтиб чиқиши — иккинчи неъмат. Бинобарин, мансаб-мартабанинг қай бир поясига кўтарилмасин, дунёнинг нечоғлик агаддиз бойлигига эга бўлмасин, ёхуд қанчалик жисмоний қувватга эришмасин, инсоннинг ҳаёт-мамоти масаласини биргина нафас ҳал қила олади. Бошқача айтсак, нафас ололмаса ҳам, чиқаролмаса ҳам, инсон ҳаёт билан видолашишга мажбур. Лекин, таассуфлар бўлсинки, инсон бу ҳақда ҳар доим ҳам ўйлайвермайди...

— Ҳаёт — соғломлик кезларида энг кам эсланадиган, хасталикка дуч келганда эса, у ҳақда ғамхўрлик энг юқори чўққига кўтариладиган буюк мўъжизавий неъмат. Ана шу неъматнинг барқарорлиги, биринчи навбатда, руҳий тарбияга боғлиқ. Бу — мутафакир боболаримиз чиқарган хулоса. Шайх Саъдийнинг Фикри бунинг яна бир далилидир.

Руҳий тарбияга эътибор бермай, фақат қорин ғамида бўлиш наинки жисмоний хасталикка олиб келади, бу ҳол инсоннинг маънавий камолотига ҳам ҳалолатли таъсир кўрсатади.

Инсон руҳияти гўззаликдан беҳад ҳаловат топади. Табиатнинг нафис чиройига боқар экансиз, мия ҳужайраларига кўзларингиз орқали кираётган биоозиқ руҳингизни шунчалик қувватлантирадики, бундан кичик таначалар шу қадар кўп озиқ оладики, гўё бир силкинсангиз, фазоларни забт этадигандек кайфият ҳосил бўлади. Олинган биоқувват натижасида очилган “дарча”дан хасталикнинг ирkit тошқоллари чиқиб кетади.

Шарқда қадимдан суратга ҳам, сийратга ҳам бир хил эътибор берилгани сабаби шунда. Меъморий обидаларнинг санъат даражасида зийнатлангани, кийимларга нафис нақшлар билан зеб берилгани, қўлёзма китобларнинг бетакрор усулда безатилгани бунинг исботидир.

Ибн Сино замонида юксак даражада ривожланган, Амир Темур ва темурийлар ҳукмронлиги даврида ўша мақомни сақлаб қола билган тиббиёт илми, афсуски, хонликлар асрида таназзулга юзланди. Ҳозир ҳам аждодлардан мерос тиббий ҳазинани бойитишга-ку салоҳиятимиз етмайди, ҳатто борини ҳам тўлиқ ўзлаштира олганимиз йўқ. Шундай бўлгач, бу ҳазинадан ҳалқни баҳраманд қилиш даъвосида бўлиш, аябрөқ айтганда, нокамтарликдир.

Хитойда салсабил ва занжабилнинг шифобаҳаш хусусиятларини намойиш қилувчи икки музей фаолият кўрсатмоқда. Демак, хитойликлар наинки бу икки ўсимлиқ, умуман, наботот оламининг тиббий хусусиятларини ўрганишга шу қадар аҳамият беради.

Шифобаҳаш ўсимликлар ҳақида Куръони карим оятларида, муборак ҳадиси шарифларда ҳам ноёб маълумотлар бор. Биз бу ҳақда нимани биламиз? Деярли ҳеч нарса! Тиббий меросни ўзлаштириш даражамизга шунга қараб баҳо бераверинг.

Энг ачинарлиси, касалликнинг олдини олиш ўрнига, унинг аломатлари пайдо бўлишини кутадиган, шундан сўнггина кимёвий синтез натижасида олинган дориларни тавсия этадиган Farb тиббиётiga ҳануз маҳлиёми! Инсоннинг ҳам жисмоний, ҳам руҳий баркамоллигини назарда тутадиган Шарқ табобати эса, фақат ҳавас билан хотирланадиган бўлиб қолди, холос.

— Бугун расмий тиббиёт билан бирга норасмий тиббиёт — ҳалқ табобати ҳам фаоллашиб бораёттир. Сизнингча, бу икки йўналишнинг ўзаро муносабати қандай бўлиши керак? Ҳозирги ҳолат мутахассис сифатида Сизни қаноатлантирадими?

— Тиббиётни расмий ва норасмийга ажратиш тўғри эмас деб ўйлайман. Чунки расмий аталаётган тиббиёт йўқ жойдан бирданига пайдо бўлиб қолган эмас. Дастрраб ҳалқ табобати заминида томир олиб, аста-секин тармоқланган. Расмий тиббиёт ҳалқ табобати ютуқларини ўрганиш, унинг илмий назариясини тадқиқ этиш натижасида ўз концепциясига эга бўлди. Айниқса, қалтис кечувчи касалликларни бартараф этишда, жарроҳликка оид хасталиклар операцияси борасида эришилган ютуқлар таҳсинга лойиқ.

Фикримча, расмий ва норасмий тиббиёт деб ажратиш ўрнига ҳар икласининг мақомини белгилашда холис ёндашиш, оформачиликка йўл бермаслик керак.

Хасталик бир кунда пайдо бўлмайди. Организмдаги касалликка мойиллик ташки ва ички муҳитнинг салбий таъсири оқибатида тобора кучайиб боради. Бу — касалликнинг функционал даври ёки функционал ривожланиш босқичи дейилади. Касалликни шу даврдаёқ аниглаш мумкин. Бунинг учун организмдаги биохимик жараёнларни таҳлил этиш кифоя. Ҳатто айрим касалликларнинг пайдо бўлишини бир ёки икки йил олдин билиш имкони бор. Худди шу даврда ҳалқ табобати тавсия этган муолажа воситаларидан фойдаланиш кўзланган натижани беради. Яъни касаллик ривожланмай туриб олди олинади.

Мабодо касаллик функционал ҳолатдан органик даврга ўтса, уни даволашда расмий тиббиёт эришган ютуқлар кўпроқ кўл келади. Хасталикнинг оғир босқичи бартараф этилгач, энди бемор тузалди, деб хотиржамликка берилиш катта хато. Чунки синтез қилинган дорилар айнан ҳужайраларга этишмаётган моддалар ўрнини босади, холос. Ана шу синтез қилинган моддалар концентрацияси ҳужайра ёки қонда камайиб, сўнгра йўқ бўлса, касаллик қайталанади. Бунинг олдини олиш учун ҳужайрадаги этишмаётган моддани организмнинг ўзи ишлаб бериши зарур. Яъни организмда тикла-



ниш жараёни кечиши лозим. Бунда ўсимликлардан олинган табийи мудла-жа воситаларигина кўзланган натижани беради.

Кўриниб турибдики, халқ табобати ва расмий тиббиёт бир-бирига хала-қит бермайди, аксинча, бир-бирини тўлдиради.

— Халқимиз хасталикни Худонинг синови деб билади. Беморлик — тиб-бий маданиятга риоя этмаслик натижаси, дегувчилар ҳам бор. Хасталикка чалинганда бадавлат одамнинг-ку даволаниш имкони кенг. Тиббиёт ҳам қай-сирид даражада бозорга мослашаётган бугунги замонда қўли қисқа одам-нинг даволаниши мушкуроқ. Шундай одамларни қўллаб-куватлашнинг, уларга кўмак беришнинг қандай йўлларини тавсия этган бўлардингиз?

— Ҳар бир инсоннинг иммунитети туғилган маҳалидаги соғлиги дара-жасига боғлиқ. Қомати ҳавас қилгудек, ақлирасо бўйлиб туғилган инсон бутун умр касаллик нима эканини билмай ўтиши мумкин. Халқимиз бундай одамларни “ҳа, унинг лойи пишиқ-да”, “суяги иликка тўлиқ” дея таъриф-лайди. Бундай одам ташқи муҳитнинг ҳар қандай таъсирига — хоҳ у эколо-гик бўлсин, хоҳ ижтимоий — чидамли бўлади. Ҳолбуки, касаллик бу — орга-низм ички муҳитининг ташқи омилларнинг салбий таъсирига мослаша ол-май зўриқишидир. Ана шу зўриқиши оқибатида организмнинг ботиний муво- занати бузилади. Буни ўзи бартараф эта олмаган организм ташқаридан ёрдам сўрайди. Тана ҳароратининг ошиши, ҳолсизланиш, оғриқ, иштаха-нинг йўқолиши — булар барни ташқи ёрдам сўралаётгани аломатидир.

Бундай ҳолда инсон руҳий кувватини сафарбар эта олса, касалликдан фор-риг бўлиши мумкин. Илмий тил билан айтганда, функционал ривожланиш даврида касалликнинг олдини олиш осонроқ. Бунинг учун ҳар бир инсон орга-низмнинг ички ўзгаришлари сабабини англай олиши, унинг мувозанатини тиклаш йўлларини билиши зарур.

Қолаверса, инсон саломатлиги масаласи хусусий ҳодиса эмас, муҳим ижтимоий аҳамиятга молик муаммо. Шу маънода, ҳар қандай давлат, ижти-моий келиб чиқишидан қатыназар, ҳар бир фуқаронинг саломатлиги ҳақида қайғуриши керак. Мамлакатимизнинг чекка ҳудудларида ҳам қишлоқ врачи-лик пунктларининг, “тез ёрдам” тиббий марказларининг фаолият кўрсатат-гани, 2005 йилнинг “Сиҳат-саломатлик йили”, 2006 йилнинг эса “Хомийлар ва шифокорлар йили” деб аталгани, бу ишларга Президентимизнинг шах-сан ўзи бош-қош бўлаётгани эришган ва эришаётган ютуқларимизнинг асо-сий омилидир.

Шунга қарамай, айрим муаммоларимиз ҳам бор. Бу кўпроқ, сиз айтмоқ-чи, тиббиётнинг ҳам бозорга ихтисослашаётгани билан боғлиқ. Айрим до-риларнинг нархи одамларнинг харид имконияти кўтармайдиган даражада. Баъзи чекка ҳудудлarda мутахассислар тақчиллиги мавжуд. Борининг ҳам савияси етарли эмас. Натижада аҳолининг эҳтиёжмандроқ қатлами ҳар доим ҳам зарур даражада тиббий ёрдам ололмаётган бўлиши мумкин.

Бу муаммонинг энг қулаги ечими, фикримча, хайрия ёрдамларини кучай-тиришдир. Биламизки, холис хайрия хизмати кўрсатиш халқимизнинг қон-қонига сингиб кетган. Бу олижаноб фазилат “Хомийлар ва шифокорлар йи-ли”да янада яққолроқ намоён бўлишига шубҳа йўқ.

Шунингдек, ҳомийлар кўмагида юқори малакали хизмат кўрсатадиган хусусий шифохоналар қурилиши тайин. Уларга ҳукумат томонидан муайян имтиёзлар, енгилликлар берилиши муаммонинг ечилишида қўл келар эди.

Үз навбатида, масаланинг илдизи барибир одамлар ўртасидаги меҳр-оқибатга, муруватта бориб тақалади.

— Улуғ Чүлпон 1914 йили ёзган бир мақоласида “Оврупонинг мўдасидан, шишиасидан, бузук ахлоқидан сақланинг. Онларга бул жиҳатдан тақлид этманг. Оврупонинг мўдаси, шишиаси ва бузук ахлоқи сизларни хонавайрон, беватан, асир, кул қиласидур” деб ёзган эди. Таассуфлар бўлсинки, бу иллатлар бизнинг ҳаётимизга шитоб билан кириб келди. Энг ачинарлиси, Оврупонинг тараққий этишимиз учун зарур бўлган жиҳатларини эмас, маънавий-ахлоқий таназзулга олиб борадиган хусусиятларини ўзлаштиришга зўр берётганга ўхшаймиз...

— Дунёдаги ҳеч бир миллат бошқа халқлардан буткул ажралган ҳолда, факат ўз қобигида ривожлана олмайди. Шунингдек, ҳеч бир илмий фараз, тадқиқот ёхуд илмий йўналиш йўқ жойдан бирданига пайдо бўлиб қолмайди. Ньютоннинг бошига олма тушиши учун, аввало, шу олма экилиши, ҳосил қилиши, Умар Хайёмнинг “Тўртбурчак ички бурчакларининг йифиндиси 360° га тенг бўлмаслиги ҳам мумкин” деган фаразни айтиб, исботлаши учун “тўртбурчак” тўғрисидаги дастлабки тушунча бўлиши зарур эди.

Шу маънода, XIX асрнинг иккинчи ярмидан бошлаб Оврупо фан-техникиси, технологияси бизга ҳам кириб келгани тараққиётимизга таъсир кўрсатганини эътироф этиш керак. Бу ҳақиқатни Чўлпон ҳам, бошқа маърифатпарвар зиёлилар ҳам таъкидлагани аён. Шу баробарида, “Оврупонинг мўдаси, шишиаси ва бузук ахлоқи” бизнинг асрлар давомида шаклланган, юксак мақомга кўтарилиган миллий маънавиятимизга заҳа етказгани ҳам рост.

Тарихдан маълумки, бизнинг диёrimизда жинсий йўллар билан юкувчи касалликлар бўлмаган, шаҳват безининг катталашиб, азоб бериши учрамаган. Мабодо бундай касалликлар тарқалган бўлганида, улуғ бобокалонимиз Ибн Сино уни муолажа қилиш йўлларини ҳам ёзиб қолдиради. Ҳолбуки, “Ал-Қонун”да бундай хасталиклар тўғрисида биронта ҳам қайд учрамайди.

Сўзак ва заҳм касалликлари Оврупо билан борди-келдилар оқибати экани маълум. ОИТС (орттирилган иммун танқислиги синдроми) дардига мубтало бўлганлар 100 фоиз нобуд бўлишини билсак-да, республикамиизда бундай беморлар сони беш мингдан ошгани бу иллатнинг зумрад тупроғимизда ҳам томир отаётганини кўрсатади.

Порнографик нашрлар ва суратларнинг тарқалаётгани, “ зангори экран”-да фаҳшни тарғиб этувчи кўрсатувлар берилаётгани ёш авлод маънавиятининг таназзулига сабаб бўлиш хавфи бор. Бунга етарли даражада тиббий далиллар мавжуд.

Аёлларнинг кийим танлашда тобора очиқликка ружу қўяётгани жинсий заифликни келтириб чиқарувчи асосий омиллардан бири, дейиш мумкин. Отаонасиз этимлар сонининг кўпайиб бораётгани ҳам жинсий тарбиянинг аянчли даражада овруполашаётгани исботидир. Қариялар уйларининг йилдан-йил кўпаяётгани ҳам миллий-маънавий илдиздан узоқлашилаётгани оқибати.

Катта шаҳарларимизда стриптиз майшатхоналарининг тонггача фаолият кўрсатаётгани ёшларни тобора майший бузуклик гирдобига тортаётир. Пи-ровардида, жинсий заифлик иллатига мубтало бўлганлар сони кўпаймоқда.

Табиийки, бундай ҳол ёш авлоднинг турмуш тарзига салбий таъсир кўрсатади. Бу иллатларнинг олдини олиш учун барча имкониятларни сафарбар этиш ҳар бир зиёлининг, юрт истиқболига бефарқ бўлмаган ҳар бир виж-

донли инсоннинг бурчидир. Куруқ маърузабозлик, мажлисбозлик билан бунга эришиб бўлмайди. Бунинг учун мактабданоқ, ҳатто болалар боқасиданоқ фарзандларимиз қалбига, шуурига шарқона ахлокни сингдиришга асосий эътиборни қаратишимиз зарур.

— Сиз тиббий фаолият билан бирга бадиий ижод билан ҳам шуғулланасиз. Шеърларингиз, “Камай достони” асарингиз ижод аҳли томонидан илиқ кутиб олинди, эътироф этилди. Бадиий ижодни Яратганинг инояти деб биласизми ёки шунчаки “хобби”?

— Бадиий ижод — кўнгил мулки. Туйгулар юрагингизга сифмай қолганида, уларни қофозга тўкиб солиш эҳтиёжга айланади. Ижод — ана шундай эҳтиёж тақозоси. Уни шунчаки эрмак деб ўйлайдиганларнинг фикрига зинҳор кўшилиб бўлмайди.

Шунингдек, адабиёт чиройли сўзлар намойиш этиладиган кўргазма эмас. Ҳар қандай бадиий асарда сўз гўзал бадииятга ва теран маънога йўғрилган бўлиши керак.

Ёзганларим ана шу талабларга тўлиқ жавоб беради десам, муболаға бўлар. Лекин баҳолиқудрат шунга интиламан. Тўлиб кетганимда, ёзмасликнинг имкони бўлмаганда ёзаман. Кўпроқ ҳалқ оғзаки ижодидан, устоз шоирлар асарларидан илҳом оламан. Ижодий машқларим кимгадир маъқул бўлаётганини сезсам, буни ёзилажак ишларга масъулият деб қабул қиласман.

— Сизнинг тарих ҳақидаги суҳбатларингиз жуда мароқли. Тарих ҳақиқатларини унча-мунча мутахассисдан яхшироқ билсангиз керак. Шунча ишу ташвишлардан ортиб тарихни ҳам ўрганишга вақтни, қунтни қаердан топасиз? Тарихни ўрганиш мутахассиснинг-ку бурчи, Сиздек эътироф этилган тиббиёт олими мозийни билиши шартми? Сизнингча, тарихимизнинг қайси жиҳатларидан қай йўсинда ибрат олишимиз керак?

— Тарих — миллат ҳаётининг кўзгуси. Ўзи мансуб бўлган миллат тарихини билмаган одамни саҳрова йўлдан адашиб, аросатда қолган ночор кимсага қиёслаш мумкин. Бундай кимсани хоҳлаган томонга бошқарса бўлади. Унга исталган саробни обиҳаёт дейилса — ишонади. Бундай аянчли ҳолга тушиб қолмаслик учун тарихни теранроқ ўрганиш керак. Мен тарихга оид китоблар мутолаасинигина назарда тутаётганим йўқ. Тарихдан хуласалар ҳам чиқариш керак. Акс ҳолда уни ўрганишнинг заррача фойдаси бўлмайди.

Мен тиббиёт ходимиман. Назаримда, бу соҳа кишисига тарихни ўрганиш икки баробар кўпроқ масъулият юклайди. Чунки мен юрт тарихини ўрганиш баробарида унинг узвий қисми бўлган тиббиёт тарихини ҳам билишим шарт. Шу боис сал бўш вақтим бўлса, тарихга оид китоблар мутолааси билан шуғулланаман. Тарихдаги миллатимизнинг бўлинишига, парчаланишига сабаб бўлган омиллар қалбимни изтиробга солади. Шундай буюк миллатда иттифоқ туйғусидан кўра бўлинишга мойиллик кўпроқ бўлгани буғунги авлодга етарли хуласа бериши зарурлиги ҳақида ўйлайман.

Шу маънода, касбидан, хунаридан, шуғуланаётган соҳасидан қатъи назар, миллатнинг ҳар бир фарзанди унинг тарихини билиши шарт деб ҳисоблайман.

— Абдурауф Фитрат “Раҳбари нажот” асарида ёш авлод тарбияси миллат тарбияси эканини куйинчаклик билан тъькидлайди. Устоз Авлонийнинг

фикрича, "тарбия ё ҳаёт — ё мамот, ё саодат — ё фалокат масаласи". Шуб-ҳасиз, бугун ҳам шундай. Таълим-тарбия соҳасидаги ислоҳотлардан кўзланган мақсад ҳам шу. Бу соҳада муайян ютуқларга эришганимиз рост. Лекин муаммолар ҳам етарли. Сизнингча, бу муаммолар нималарда кўринади? Уларни қай усуллар билан бартараф этиш мумкин?

— Ёш авлод тарбиясига бефарқ қараш миллат истиқболига нисбатан ло-қайдлик билан баробардир. Фитрат, Авлоний ва улар билан замондош жадид боболаримизнинг бу масалага алоҳида эътибор бергани сабаби ҳам шунда.

Бугун бизда ёш авлод тарбиясига давлат сиёсати даражасида эътибор кўрсатилаётir. Ёшларнинг миллатимиз истиқболига камарбаста, салоҳиятли бўлиб вояга етиши учун имкон қадар шароит яратилмоқда. Шунга қарамай, муаммолар ҳам йўқ эмас. Мен илм олишга сарфланиши керак бўлган азиз вақтини бозор раастасида ўтказаётган ёки интернет-кафеларда беҳуда ўйинларга сарфлаётган ёшларни кўрсам, ачиниб кетаман. Айрим қишлоқ мактабларида пахта мавсумида ўкувчилар ойлаб далада юришига, баъзи маҳаллий раҳбрарларнинг эскича усуллардан ҳамон воз кечолмаётганига гувоҳ бўлганимда, пайкалларда ўтган ўсмир даврим ёдга тушади.

Пахтани йиғиб олиш усули ҳозир ҳам мен мактабда 8-9-синфда ўқиган 1959-60 йиллардагидан кескин фарқ қилмайди. Қирқ-эллик йил давомида бу муаммонинг ечимсиз келаётгани шу соҳага оид илмнинг орқада қолганидан бўлса керак. Демак, ёшларимизда техникага оид фанларга қизиқишини кучайтириш зарурати бор.

Модомики биз ёруғ келажакка интилар эканмиз, ёш авлод қалбида илм-га чексиз рағбат уйғотишимиз зарур.

Нурбой ЖАББОРОВ сұхбатлашди.



МИЛЛАТ ВА МАЪНАВИЯТ

Саъдулла ОТАМУРОДОВ

TAJQONIYOTGAN SAQOLAMISH YO'LI

Бугунги кунда хавфсизликни таъминлаш, хатарларнинг олдини олиш қанчалар мураккаб, нозик ва қалтис бир масала...

Ислом КАРИМОВ

“Глобаллашув” тушунчаси, унинг маъно-мазмуни ва инсоният тараққиётидаги ўрни масаласига қизикиш ортиб бормоқда. Бу бежиз эмас, албатта. Чунки глобаллашув жараёни ер юзидаги мамлакат ва халқларни шу даражада узвий боғлаб кўймоқдаки, буни башарият тарихида шу пайтга қадар ҳеч қайси восита амалга ошира олмаган. Бу жараён шунчалик кучайиб бормоқдаки, ҳозирданоқ дунёнинг бирон бир худуди унинг таъсиридан холи қолаётгани йўқ.

Ўтган асрнинг охирларида пайдо бўлган “глобаллашув” атамаси жаҳон мамлакатлари иқтисодий ва молиявий ҳаётининг ялпи умумлашиб бораётганини ифода этар эди. Бугунги кунга келиб эса у кенг қамровли тушунчага айланди. У давлатлар ва халқлар ҳаётининг барча соҳала-

рида ялпи умумлашув жараёнини англатмоқда. Гарчанд глобаллашув жараёни бирданига пайдо бўлиб қолмаган, балки инсон яралган пайтдан бошлаб содда ва табиий шаклда давом этиб келган бўлсада, ҳозирги вақтда инсоннинг ўз манфатлари йўлида табиий ривожланиш жараёнига зўравонларча аралашуви натижасида шиддатли равишда тезлашиб кетди.

Албатта, бир томондан қараганда, бу жараённинг ижобий жиҳатлари ҳам йўқ эмас. Чунончи, кўпгина мамлакатларга фантехника, технология ютуқларининг жадал кириб келиши глобаллашув туфайли. Бу эса уларнинг иқтисодий ҳаёти ривожига, халқлар турмуш даражасининг ортишига ижобий таъсир кўрсатмоқда. Шу тариқа башариятнинг умумий интеллектуал салоҳияти юксалишига ёрдам бермоқда.

Иккинчи томондан, глобаллашувнинг салбий оқибатлари ҳам кўзга яқол ташланмоқда. Жумладан, ривожланган ва ривожланаётган мамлакатлар ўртасида иқтисодий тафовутларнинг кучайиши, айниқса, замонавий телекоммуникация, компьютер, интернет воситалари орқали бирон бир худудга хос миллий-маънавий қадриятларни ўзга халқларга сингдириш ва шу йўл билан жаҳонда нафақат иқтисодий, балки миллий-маънавий ҳукмронликни ўрнатишга уриниш ҳоллари ҳам кузатилмоқда. Бу жараён XXI асрга келиб XX асрдагига қараганда ҳам кенг қамров касб этди, таъсир имкониятини оширди. Энг ёмони, кўпина ривожланган мамлакатлар

ланәётган мамлакатлар юксак тарақкий этган мамлакатларга боғланиб қолишга, яна ҳам аниқроғи, қарамлика маҳкум бўлаёттир. Бошқача айтганда, глобаллашув босқинчиликнинг янги бир шаклини бошлаб бермоқда.

Албатта, бу ҳали ҳолва. Энг даҳшатлиси — ана шу техника ва технология, ишлаб чиқариш муносабатлари билан бирга бегона маънавий ҳаёт, турмуш маданияти унсурлари ҳам кириб келади. Агарда улар халқнинг миллий туйғу ва дунёқараши, менталитетига зиён етказмаса, миллат ривожига салбий таъсир кўрсатмаса, албатта, хавотирланишга ҳожат бўлмаса эди. Афсуски, ёт маънавий таъсирлар мил-



жаҳонда иқтисодий интеграцияни кучайтириш, фан-техника, технология, таълим соҳасида ривожланаётган мамлакатларга ёрдам бериш, демократик қадриятларни кенг ёйиш баҳонасида миллий-маънавий таъсир ўтказишга ҳаракат қилмоқда. Шу жихатдан қараганда, глобаллашув жараёни эндиғина ривожланиш йўлига кирган ёки ривожланаётган мамлакатлардан кўра юксак тарақкий этган давлатлар манфаати учун кўпроқ хизмат қилмоқда. Кудратли давлатлар, улкан имкониятларига таянган ҳолда, кам тарақкий қилган мамлакатларнинг моддий ресурсларини ўзлаштирумокда, бозорларини эгалламоқда. Бу эса иқтисодий заиф мамлакатларнинг тараққиёт борасида мустақил йўл тутиш имкониятларини чеклаб кўяёттир. Чунки ишлаб чиқаришни ташкил қилиш ва амалга ошириш учун зарур техника, технология ҳамда илмий ишланмалар ривожланаётган мамлакатларнинг ўзида тайёрланмай, четдан олиб келинмоқда. Шу тариқа ривож-

лий маънавият ва дунёқараш ўрнини эгаллашга уринади. Бундан ташқари, энг замонавий телекоммуникация, компьютер, интернет каби воситалар орқали миллий ўзига хосликка зид, уни барбод қилишга қаратилган, замирида фақат фойда олишдан бошқа ҳеч қандай ибратли мақсад бўлмаган оммавий маънавият ва маданият намуналари — ахлоқсиз фильмлар, телесериаллар, аҳмоқона шоу-томушалар кириб келаверади.

Бу жараёнда миллий тил, миллий қадрият ва қарашлар, гўёки етим қўзидек, бир четга чиқиб қолади. Агарда бунинг вақтида олди олинмаса, миллий ўзига хосликнинг барбод бўлиш ҳавфи кучайиб бора-веради. Бу эса бутун инсоният учун катта фожиадир. Чунки инсон боласининг улуғлиги, аввало, унинг ўз миллатини англashi, ундан фахрланиб яшашида намоён бўлади. Миллий туйғу миллат олдида катта масъулият билан яшаш, меҳнат қилиш, фидойи бўлишга ундейди. Бу туйғу эртан-

ги кунга ишончни орттиради. Демак, миллиятни англамаган инсон ўзининг кимлигини билмаган манқуртдир. Инсониятни асраш қанчалик буюк ва муқаддас иш бўлса, миллатни асраш ҳам шундан кам эмас. Миллатнинг вакили эканини ҳис этиб яшаш муқаддас туйғудир. Ўзини англаган, қадрлашни билган инсонгина бундай фазилатга эга бўлади.

Миллий ўзига хосликка қарши таъсирнинг авж олиши нафақат юзага келаётган таҳдидни англаш, балки унинг олдини олиш учун амалий фаолиятни кучайтиришни ҳам тақозо этади. Бу борада, айниқса, миллий маънавий иммунитетни шакллантириш мухим аҳамият касб этади.

Миллий маънавий иммунитет миллатнинг барқарор ривожланиши учун зарур бўлган интеллектуал салоҳиятнинг мавжудлиги, унга эҳтиёжнинг ортиб бориши ва ҳар қандай ташқи таҳдидларга қарши тура оладиган, улардан кучли ҳамда устун бўлган миллий маънавий имкониятдир. Бошқача айтганда, миллий маънавий иммунитет ташқи таъсирга бериладиган жавоб, унга қарши тура оладиган маънавий-рухий куч-куватдир. Миллий маънавий иммунитетни ривожлантириш ва мустаҳкамлашда куйидаги омилларни шакллантириш ҳамда улардан самарали фойдаланиш амалий аҳамиятга эга бўлади.

Биринчидан, миллий интеллектуал салоҳиятни ривожлантириш ва ундан самарали фойдаланиш. Бунинг учун таълим ва миллий тарбияни ривожлантириш, урфодат, анъана ва қадрияларни умумбашарий қадрияларга ўйғун ҳолда ёшлар дунё-қарашининг ажралмас қисмига айлантириш. Токи ёшлар умумбашарий қадриялар билан бирга ўз миллати қадрияларининг бойлиги ва гўзаллигини ҳам чукур ҳис этсин. Уларга миллий маънавиятнинг асосий манбаси сифатида қарайдиган бўлсин. Аммо бу осон эмас. Чунки бугун жаҳонда инсон қалби ва онгини эгаллаш, миллат маънавиятини ёт фоялар билан алмаштириш, охир-оқибатда миллионлаб одамлар устидан маънавий ҳукмронлик ўрнатиш учун жуда катта маблағ, куч-кудрат ишга солинмоқда.

Баъзан бундай вазиятда ҳаётий тажри-

бага эга бўлмаган, моддий жиҳатдан қийналаётган айрим ёшлар нажотни ташқаридан излашга ҳаракат қиласди. Бундан ташқари, ёшларга хос қизиқувчанлик, оқибатини ўйламасдан иш тутиш ҳам миллий маънавий иммунитетнинг заифлашувига сабаб бўлади.

Юксак интеллектуал салоҳият миллий маънавий иммунитетни шакллантириш ва мустаҳкамлашнинг асосий омили ҳисобланади. Унинг юксалишига эришиш орқали ёшларнинг маънавий эҳтиёжини миллий маънавий бойликларимиз билан қондиришимиз, уларни турли фоявий хуружлардан ҳимоя қилишимиз мумкин. Бу вазифани амалга оширишда миллатнинг ақл-зие салоҳияти ўзагини ташкил қила-диган зиёлилардан самарали фойдаланиш, уларни фаоллаштириш, бунинг учун зарур чора-тадбирларни кўриш лозим бўлади.

Миллий интеллектуал салоҳияти юксак бўлган миллатгина мамлакатни тараққиётга олиб борувчи миллий фояларни ишлаб чиқиши ва уларни амалиётга татбиқ қилиши мумкин. Жаҳон тажрибаси шуни кўрсатадики, интеллектуал салоҳияти ривожланмаган миллат жаҳолатга маҳкум бўлиб яшайди. Демак, миллий интеллектуал салоҳиятни ошириш, у ҳақда доимий фамхўрлик қилиш миллий маънавий иммунитетни изчиллик билан мустаҳкамлашнинг асосий шарти ҳисобланади.

Шунинг учун ҳам турли таҳдидлар кучайиб бораётган ҳозирги даврда мамлакатимизда миллий интеллектуал салоҳиятни ошириш масаласига катта эътибор берилмоқда. Юртимизда барпо этилаётган янги-янги мактаблар, лицей ва коллежлар, замонавий олий ўқув юртлари, маданият муассасалари, амалга оширилаётган қатор давлат дастурлари — барчаси ана шу мақсадга хизмат қиласди.

Иккинчидан, миллий маънавий иммунитетни шакллантиришнинг яна бир омили миллатнинг манфаат ва мақсадларини ўзида ифода этадиган миллий тараққиёт фоясини ишлаб чиқиш ва уни ҳаётга татбиқ этишdir. Миллий тараққиёт фояси реал ҳаёт талабаридан узоқ бўлиб, миллатнинг орзу-интилишларини акс эттир-

маса, қуруқ назариядан иборат бўлиб қолади, ҳеч қачон моддий кучга айланмайди. Миллий ривожланиш фояси миллий фоянингайнан ўзи эмас, балки миллатни аниқ мақсад сари интилишга, юксак тараққиётга даъват қиласидиган, уларни ҳаётий эҳтиёжга айлантирадиган илмий-назарий концепциядир. Миллий фоя кўпроқ миллий ўзликни ифода этадиган, унга амалий маъно-мазмун бағишлайдиган манба ҳисобланади. Миллий фоя ўзгармас ва асосий манба бўлса, миллий тараққиёт фояси миллат эҳтиёжи, уни ривожлантириш вазифаларининг кўламига қараб та-комиллашиб, ҳаётий тажриба ва талаблар туфайли кенгайиб, уларни ўзида акс этириб боради.

Мамлакатимизда мустақилликнинг дастлабки йиллариданоқ бу масалаларга катта эътибор берилди. Президент Ислом Каримов томонидан Ўзбекистоннинг тараққиёт концепцияси ҳамда миллий истиқлол фояси асосий тушунча ва тамойиллари ишлаб чиқилди. Бу яхлит таълимот ҳозирги вақтда халқимиз маънавий ҳаётининг узий бир қисмига айланиб кетди.

Таъкидлаш лозимки, миллий тараққиёт фояси миллатнинг шаклланиши, ривожланиши ва юксалишида мухим манба бўлиб қолаверади. Халқ ва миллат ҳаётida содир бўладиган туб бурилиш босқичларида унинг таркибий қисми бўлган фоялар устувор даражага кўтарилиши мумкин. Юртимизнинг мустамлака ҳолатига тушиб қолиши ва озод бўлиши миллий истиқлол фоясининг шаклланишига ҳамда унинг етакчи фояга айланишига олиб келгани бунга мисол бўла олади. Бугун халқимиз ана шу фояни моддий кучга айлантириди, истиқлолни қўлга киритди ва мустақил тараққиёт йўлидан бораётир. Шу маънода бугун миллий истиқлол фоясини миллий маънавий иммунитет асоси сифатида ёшларимизнинг қалби ва онгига сингдиришимиз талаб этилмоқда.

Бугун халқимизнинг юксак мақсад-муддаоларини ўзида ифодалаган миллий тараққиёт фояси истиқлолимизни янада мустаҳкамлаш, иқтисодий юксалишга эришиш, миллий хавфсизликни таъминлаш механизмлари, миллий интеллектуал са-

лоҳиятни ошириш, миллий мерос, урф-одат ва қадриятларни замон талаблари асосида бойитиш, миллат маънавиятига қарши қаратилган таҳдидларга тайёр бўлиш, глобаллашув шароитида миллий ўзига хосликни асраш, унинг таъсири остида юзага келиши мумкин бўлган бузгунчи "маънавият"га нисбатан миллий маънавий иммунитетни шакллантириш, жаҳон ҳамжамиятидан муносиб ўрин эгаллаш каби ўта мухим вазифаларни назарда тутади.

Учинчидан, миллий маънавий иммунитетни шакллантириш ва мустаҳкамлашнинг мухим омиллари қаторида демократик қадриятлар ҳам мухим ўрин тутади: Демократия нафақат жамият аъзоларининг ҳокимият бошқарувида кенг миқёсдаги иштироки, айни пайтда инсон ҳукуқ ва эркинликларининг таъминланишини ҳам тақозо этади. Чунки эркин инсонгина иқтисодий ва ижтимоий-сиёсий эҳтиёжларини қондира олиши мумкин. Шунинг учун ҳам инсон ҳукуқ ва эркинликлари миллатнинг иқтисодий, ижтимоий-сиёсий тараққиётида мухим аҳамиятга эга.

Аслида демократик қадриятлар тизимињнинг асосини ҳам ҳар бир Фуқаронинг эркин фаолияти учун яратилган имкониятлар ташкил қиласиди. Чунки эркинлик сиёсий ҳукукларнинг тўлақонли мавжудлиги ва улардан амалда фойдалана билиш билангина чекланиб қолмайди. Балки инсоннинг ўз хоҳишига кўра яшашини ҳам тақозо этади. Бу ҳар бир инсон учун нафақат катта имконият, айни вақтда масъулият ҳамдир. Чунки жамиятда барқарорлик етарли, давлат турли хавф-хатарлардан холи бўлса, ҳар бир инсон эркинлигининг дахлсизлиги таъминланади.

Демократик қадриятлар ривожининг секинлашуви ёки орқага кетиши инсон эркинлигига ҳам салбий таъсир кўрсатади. Бунинг натижасида инсон жамият



ҳаётидаги жараёнларга бепарво қарайдиган, улар учун масъулиятни давлат зиммасига юклайдиган бўлиб қолади. Бундай вазиятда ўз-ўзидан маънавий иммунитет заифлашади, айниқса, ҳаётий тажрибага эга бўлмаган ёшларда вазиятни тўғри баҳолай олмаслик ҳолатлари кучайиб боради. Бу эса охир-оқибатда жамият ва фуқаро ўртасидаги муносабатларда мувозанат йўқолиб, фуқаро масъулиятсизлигининг кучайиши, маънавий иммунитеттинг барбод бўлишига олиб келади.

Босиклик, вазминлик, жамоа фикри устуворлигига эришган миллат миллый маънавий иммунитетида консерватизм кучли бўлади. Аммо бундай иммунитет ҳам ҳаёт талаби билан замонга мослашиб боради. Табиийки, бу миллат истиқболига қаратилган хавфнинг олдини олишга ёрдам беради. Кўриниб турибдики, миллый-маънавий иммунитетни шакллантиришда умумэътироф этилган демократик қадриятларнинг инсон эркинлиги билан боғлиқ устувор йўналишларини ривожлантириш мухим амалий аҳамиятга эга.

Тўртингчидан, миллый маънавий иммунитеттни шакллантиришда миллый тарбиянинг аҳамияти катта. Хўш, миллый тарбиянинг ўзи нима? Миллый тарбия миллый мерос, урф-одат, анъана ва қадриятлар орқали ўшларда миллый онг, дунёқараш ва руҳиятни шакллантириш, уларнинг ўзлигини англатиш, ҳалқ ва Ватан олдидаги масъулиятини юксалтириш борасидаги фаолият йўналишини билдиради. Кўриниб турибдики, миллый тарбия фақат миллый маънавиятни ривожлантириш билан чекланмасдан, миллый маънавий иммунитетни шакллантиришнинг ҳам мухим омилидир.

Миллый тарбия оиласдан бошланади, маҳалла ва таълим тизимида давом эттирилади. Миллый онги ривожланган, ўзлигини анлаган, дунёқарashi шаклланган инсон ҳалқи ва Ватанини улуғлайди, элъюрт олдидаги масъулиятини тушуниб, унинг манфаатини химоя қиласди. Ватан, ҳалқ инсон учун энг олий неъмат, улуф маънавий бойлик эканини доимо ҳис этиб яшайди. Лекин бугунги глобаллашув жараёни миллый тарбияга ҳам салбий таъ-

сири ўтказа бошлади. Бугун маънавий ҳаётилизга ёт урф-одат ва анъаналар, ахлоқизизлик таҳдид солмоқда. Албатта, биз ўзимиз учун мақбул бўлган одат ва анъаналарни қабул қилишимиз мумкин. Аммо уларни кўр-кўронада қабул қилиш жаҳолат аломатидир.

Масалан, асрлар оша қон-қонимизга сингиб кетган ота-онани улуғлаш, оиласни муқаддас сақлаш, фарзанднинг бурччи, каттага ҳурмат, кичикка иззат, ўзаро меҳр-оқибат, иффат, ор-номус, ҳаё каби фазилатлар, устоз ва шогирдлик одоби каби эзгу қадриятларга содиқ қолиш миллый тарбиямизда мухим аҳамиятга эга. Аммо бугун Оврупога хос индивидуализм, ота-онанинг ҳолидан хабар олмаслик, ҳатто улар вафот этганда охирги манзилга кузатишга ярамаслик, акаука, опа-сингиллар ўртасидаги яқинликнинг йўқлиги сингари менталитетимизга ёт бўлган қатор хусусиятлар глобаллашув туфайли миллатимиз ҳаётига кириб келмоқда.

Иқтисодий муаммоларни бугун бўлмаса, эртага албатта ҳал этиш мумкин. Лекин миллый маънавий иммунитетимиздан, ўзлигимиздан маҳрум бўлиб қолсак, уни тикилаш осон кечмайди. Шунинг учун ҳам Президентимиз “Мафкура полигонлари ядро полигонларига нисбатан ҳам кўпроқ кучга эга” деб ҳаммамизни foявий ва маънавий хатарлардан огоҳ этган эди.

Миллый тарбияда нимани кимлардан олиш эмас, балки ниманидир кимгадир бериш масаласи эътибор марказида туриши лозим. Бу борада жаҳонда энг юксак тараққиётга эришган, ўзининг миллый қадриятларини асраб-авайлаб, авлоддан-авлодга мерос қилиб келаётган японлар тажрибасидан ўргансак арзиди. Миллый фуурор ва ифтихор, миллат истиқболи учун курашда кучли яқдиллик бўлгани учун ҳам бу ҳалқ шундай тараққиётга эришди. Япон маънавиятида, ҳатто бугунги глобаллашув замонида ҳам, ташқи таъсир аломатларини сезиш қийин. Ишлаб чиқаришни ташкил қилиш, илфор техника ва технологияларни яратиш ҳамда жаҳон бозорларини эгаллашда японлар учун миллый тарбия мухим

ўрин тутгани кўпчиликка аён. Биз бундай тажрибадан самарали фойдалансак, асло ютқазмаймиз.

Шу муносабат билан глобаллашувнинг бугунги миллий ҳаётимизга таъсиридан ҳимояланишда миллий истиқлол фояси асосий тушунча ва тамоилларини кенг тарғиб этиш, таълим тизимида бу борада яратилган дарслик ва ўқув қўлланмаларини ўқитиш сифатига эътибор бериш зарур, деб ўйлайман.

Бешинчидан, миллий маънавий иммунитетни шакллантириш ва мустаҳкамлашнинг яна бир омили — замонавий ахборот воситаларидан самарали фойдаланишдан иборат. Албатта, ахборот воситалари кенг қамровли бўлиб, фақат радио, телевидение, матбуот нашрлари, компьютер, интернет билан чекланмайди. У кутубхона ва музеилар, бадиият ва санъат асарлари, кўргазма заллари, китоб, телефон, видео, аудио каби кўпдан-кўп воситаларни хам қамраб олади. Мустақиллик йилларида юртимизда замонавий ахборот воситаларини ривожлантириш борасида жуда катта ишлар амалга оширилди. Аммо яратилган кулагай имкониятлардан самарали фойдаланяпмизми, деган саволга ижобий жавоб бериш қийин. Замонавий ахборот воситаларидан фойдаланиш қанчалик самарали бўляпти, бу соҳада ким мониторинг олиб боряпти, ютуқ ва камчиликларимиз нимадан иборат, келажакда қандай ишлар қилишимиз лозим? Бу масалалар билан ким шуғулланмоқда? Хуллас, замонавий ахборот технологияларидан талаб дарражасида фойдалана олиш миллий тарбиямиздаги асосий вазифалардан бўлиб қолмоқда.

Бундан ташқари, миллий маънавий иммунитетимизни мустаҳкамлашга хизмат қиласидан, ёт фоя ва мафкураларнинг мөҳиятини очиб борадиган бадиий юксак асарлар яратиш ҳам кўнгилдагидек эмас. Яратилаётгандарни ҳам кенг томошабин ва китобхонларгача етиб бормаяпти. Бунинг ўрнига аҳоли гавжум майдонлар, кўча ва хиёбонларда хорижий мамлакатларда яратилган, аксарияти миллий маънавияти-

мизга зид фоялар ҳамда ахлоқсизликни тарғиб этадиган видео ва нашр маҳсулотлари сотилаётганини кўрамиз. Харидорларни (улар асосан ёшлар) китоб, журнал ва газеталарда эълон қилинаётган мақолаларнинг мазмуни эмас, балки улардаги беҳаё расмлар кўпроқ қизиқтираётгани кўпчиликка аён. Айтиш мумкинки, бугун юртимизга турли йўллар билан келтирилаётган хорижий мамлакатларнинг китоб, журнал ёки газеталари ҳамма вақт ҳам аҳоли маънавиятини бойитишга хизмат қиласидан.

Албатта, бу ўринда гап уларни сотишни ман қилиш ҳақида кетаётгани йўқ. Бу нашрларнинг миллий маънавий иммунитетимиз заифлашишига таъсир ўтказаётгани, бу муаммога қарши зарур чоралар кўриш, унинг олдини олиш йўлларини топиш тўғрисида кетмоқда. Бу борада миллий ҳаёт тарзимиз, меросимизни кенг тарғиб қиласидан китоб дўконларини кўпайтириш, мустақиллик йилларида яратилган китобларни оммалаштириш, одамларнинг фикрлаш савиясини ошириш муҳим аҳамият касб этади. Энг яхши бадиий ва илмий асарларни босмадан чиқариш ва оммалаштирища давлат идоралари билан бирга, хорижий мамлакатларда бўлгани каби, ҳомийлар, нодавлат ташкилотлар имкониятларини жалб қилишга эришиш зарур бўлади.

Бугун биргина Тошкент шаҳрида ўзимизда чоп этилган китоб ва вақтли матбуот маҳсулотларига қараганда хориждан келтирилиб, аҳолига сотилаётгандан нашрлар бир неча баробар кўп экани бизнинг ҳозирданоқ фикр мусобақасида, ахборот майдонида имкониятни бой бериб қўяётганимизни кўрсатади.

Хуллас, дунё миқёсида глобаллашув жараёни авж олаётган бугунги кунда миллий маънавий иммунитетимизни мустаҳкамлашга ёрдам берадиган барча имконият ва воситалардан самарали фойдаланиш миллий ўзлигимизни сақлаб қолиш, уни ҳар қандай ташқи таъсилардан ҳимоя қилишда катта амалий аҳамиятга эга бўлиб қолаверади.

РУХИЯТ САБОҚЛАРИ

Нурбай АБДУЛҲАКИМ

QALB НАQIQAТЫ

"Инсон вужудида бир парча эт бор. Мабодо у айниса, бутун вужуд айнииди. Агар у соғлом бўлса, бутун вужуд соғлом бўлади. У қалбдир". Муборак ҳадисда қалбга шундай таъриф берилганиёқ бу "бир парча эт"нинг нечоғлик аҳамиятили эканига далил бўла олади. Бундан ҳам эътиборлиси — "қалб" сўзи Куръони каримда бир юз ўттиздан зиёд ўринда зикр этилган. Шунинг ўзи ҳам қалб инсон ҳаётида қанчалик мухим ўрин тутишини кўрсатади.

"Қалб" сўзи араб тилидан олингани маълум. Уни туркийлар "кўнгил", форсийлар "дил" дейди. Замонавий ўзаро синоним ҳисобланади. Юқорида келтирилган ҳадисда қалбнинг айниши ҳам мумкинлиги зикр этиляпти. Энг даҳшатлиси, бу ҳол бутун вужуднинг айнишига сабаб бўлиши. Демак, бунинг нуқси одамнинг ташки қиёфасида ҳам зуҳур этади. Бу эса Шарқда кенг тарқалган қиёфа илмининг (яни, одамнинг юз тузилишига, ташки кўринишига қараб унда яхши ёки ёмон сифатлар устувор эканини билиш) пухта заминга эга экани далилидир.

Имом Фаззолий "қалб" сўзининг икки хил маъносини таъкидлайди. Биринчи — инсон вужудининг чап томонига мойил жойлашган санубар шаклидаги ичи ғовак бир парча эт. Бу — қалбнинг зоҳирий маъноси. Бундай қалб факат инсонда эмас, хайвонларда ҳам мавжуд.

Иккинчиси — латиф раббоний-руҳоний яратик. Алломанинг таъкидлашича, бу латифликни орифларгина идрок эта олади. Панд-насихат ана шу латиф яратиқка қаратилади. Итоб ва жазо ҳам унга тегишли бўлади.

Күнгил — Каъбадан улуг

Куръони каримда “қалбун салимун” ибораси кўп бор қўлланган. “Салим” — соғлом, тоза демакдир. Шунинг учун бу жумлани шайх Алоуддин Мансур “тоза дил” деб таржима қилган. “Шуаро” сураси 88-89-оятларида, жумладан, бундай дейилади: “У Кунда (қиёмат куни назарда тутиляпти — **Н. А.**) на молу давлат ва на болачака фойда бермас. Magar Оллоҳ хузурига тоза дил билан келган кишиларгагина (фойда берур)”. (Оятлар маъноси шайх Алоуддин Мансур изоҳли таржимаси асосида берилди — **Н. А.**)

Ҳазрат Навоий асарларида “қалб” сўзи ўрнида аксар унинг соғ туркий синоними — “кўнгил” қўлланган. “Хамса”нинг илк достони — “Ҳайрат ул-аброр”нинг маҳсус боби кўнгил таърифига бағишлиянгани ҳам ушбу фикрни тасдиқлайди. Кўнгилни жисм гулшанининг гулғунчасига, сирлар бўстонининг булбулига қиёслаган улуг Навоий унга яна қуидагича таъриф беради:

Каъбаки, оламнинг ўлуб қибласи,
Қадри йўқ андоқки кўнгул каъбаси
Ким, бу — ҳалойикқа эрур саждагоҳ,
Ул бири — Холиққа эрур жилвагоҳ.

Яни, оламнинг қибласи бўлишига қарамай, Каъба кўнгил каъбасичалик қимматгә эга эмас. Сабаби, Каъбатуллоҳ — яралмишлар саждагоҳи бўлса, кўнгил — Ҳақ таолонинг жилвагоҳи. Шу боис мутасаввуф олимлар мавжуд борлиқни олами кубро — улуғ олам деб атагани ҳолда, кўнгилни олами сурро — кичик олам деб ҳисоблаган. Улар кичик оламда катта оламда бўлган ҳамма нарса мавжудлигини тъкидлаган. Шу жиҳатдан, ҳазрат Навоийнинг “Кимки бир кўнгли бузуқнинг хотирин шод айлагай, Онча борким, Каъба вайрон ўлса обод айлагай” деган мисралари замидида теран маъно бор. Бинобарин, бутун борлиқ, бутун мавжудот инсон учун яралган, унинг манфаатига хизмат қилади. Инсон, ҳазрат Навоий таърифика “борчадин шариф”. Шу боис унинг бузуқ кўнглини шод айлаш Каъбатуллоҳнинг вайрон бўлиб қолган деворини қайта тиклаш баробаридаги улуғ савобдир.

Мабодо бунинг тескариси бўлса-чи? Бирор кимса шод кўнгилни вайрон этса-чи? Шубҳасиз, у Каъбатуллоҳнинг муҳташам биносини бузишдан ҳам кўра оғирроқ гуноҳга ботади. Шунинг учун ҳам улупларимиз вайрон кўнгилни обод этишга алоҳида эътибор берган. XIX аср охири — XX юзийиллик бошларида яшаб ижод этган шоир Муҳайирнинг қуидаги байтлари ҳам бунинг исботидир:

Каъбани қилмоқ зиёрат гар муюссар
бўлмаса,
Эй Муҳайир, айлагин вайрон кўнгилларни
тавоф.

Вайрон кўнгилларни тавоф қилиш замирида қандай маъно бор? Муборак ҳадислардан бирида мазлум, яъни озурдадил инсонлар дуоси билан Ҳақ таолонинг ижобати ўртасида парда йўқлиги зикр қилинади. Шу жиҳатдан зулм кўриб, кўнгил шишиаси дарз кетган, тушкун кайфиятдаги кишининг дилини овлаш энг хайрли ишдир.

“Ул кўнгулгаким, — деб ёзади ҳазрат Навоий, — қаттиғ сўздин решдек бўлғай, аччиғ тил заҳролуд нишдек бўлғай. Кўнгулда тил синони жароҳати битмас, анга ҳеч нима марҳам ерин тутмас. Ҳар кўнгулки, тил синонидин жароҳатдур, ҳам юмшоқ сўз ва ширин тил анга марҳам ва роҳатдур. Мулоим такаллум ваҳшийларни улфат сори бошқарур, фусунгар афсун била йилонни тўшуқдин чикорур” (Навоий. “Махбуб улкулуб”. Муқаммал асарлар тўплами, 14-т. Т., “Фан”, 1998, 93-бет).

Яни, қаттиғ сўз кўнгил шишиасини синдиради, аччиғ тил эса бамисоли учига заҳар сурилган ханжар кабидир. Кўнгилга тил найзаси билан етказилган жароҳат битмайди, уни ҳеч нарса билан даволаб ҳам бўлмайди. Бундай кўнгилга фақат юмшоқ сўз ва ширин тилгина малҳам бўла олади. Мулоим сўз ваҳшийларни ҳам улфатга айлантиради, сеҳрли таъсири билан илоннида инидан чиқариши мумкин.

Шу боис инсон кўнгил жароҳатининг ягона малҳами бўлган ширин сўзга одатланмоғи қанчалар яхши! Зоро, “Туркистон мулкининг шайхул машойихи” (Навоий таърифи — **Н. А.**) ҳазрат Яссавий бундай насиҳат қилади:

Суннат эрмиш, кофир бўлса
берма озор,
Кўнгли қаттиқ дилозордан
Худо безор —

Шоҳ Машраб эса қуидагича ўгит беради:

Мардумозори қилиб, бўлма Ҳудонинг
душмани,
Осмонға етса бошинг, қилмагил
моумани.

Демак, ҳар иккала мутафаккир яқдил эътироф этганидек: “кўнгли қаттиқ дилозор (Машраб шеърида мардумозор) — Ҳудонинг душмани”. Бундайлардан одамги на эмас, Худо ҳам безор.

Бу эътирофларнинг бари кўнгилнинг мартабаси чиндан ҳам улуғ (ҳатто Каъбадан ҳам) эканига далолат қилади.

Кўнгил бир маъданурки...

Қалбнинг тенгизиз неъмат экани ҳақида наинки ўзбек адабиётида, балки дунё адабиётида ҳам кўплаб дурдона асарлар ёзилган. Жумладан, “Туркистон вилоятининг газети” 1890 йил 30-сонида рус шоири А.Фетнинг “Одам кўнгли авсофи” шеъри эркин насрый таржима қилиниб чоп этилган. Шеърда бундай мисралар бор:

Одамзод кўнгли бир маъданурким,
Аксари анда кўп қувват ва куч ниҳондор.
Ул маъданда ҳар хил баҳоси йўқ
асл жавоҳирот,
Чунончи, олтун ва кумуш бордур.
Гоҳо анда темур ва жузв бўлса ҳам
кўб фойда турадур.

Асл мақсад ул жавоҳиротни
Ул маъдандин не тариқа (олтун) қилиб
олмоқдадур.

Лекин баъзилар кўнгли тагигача кавласанг —
фаҳм бехудадур.
Чунки андин қум ва тошдин бошка ҳеч нима
тополмайсан.

Кўнгил маъданга қиёсланган, инсон ҳаётининг моҳияти эса бу маъдандан олтинни ажратиб олишда, демакки, ҳак йўлни топиб, ўзидан яхши ном қолдиришда, деган муҳим хулоса рамз ва тимсоллар билан ифодаланганди бу шеър маъри-

фатпарвар шоир Зокиржон Фурқатда катта таассурот қолдиради. Натижада газета-нинг ўша йилги 40-сонида айни шеърга Фурқат ёзган шарҳ чоп этилган.

“Одамзоднинг кўнгли, — деб ёзади Фурқат, — мисоли бир маъданурким, ул маъдандин олтун ва кумуш чиқадур. Ва баъзи кўнгул бир маъданурким, андин мис ва қалай чиқадур. Ман ўйлайманки, агар иксир (кимё — **Н.А.**) илмидан баҳра топса, анинг шарофати бирла мис ва қалайлик мартабасидин чиқиб, тилло ва кумушнинг даражасига етадур: Андин одамзодга кўп фойдалар етадур. Мунга ўхшаш илмисиз кўнгулдин кишига наф етмайдур. Агар етса ҳам оз етадур. Агар ўшандоқ кўнгулга риёзат воситаси бирла илм ҳосил қилсалар, бул паст мартабадин чиқиб, аъло даражага етиб, мис ва қалайлар олтун ва кумуш бўлғон киби кўб фойдалик ва қувватлик бўладур. Бас, мис ва қалай кўнгуллик одамга лозимурким, риёзат кўрасида (оловида — **Н.А.**) кўнгулларини гудоз бериб (ёндириб — **Н.А.**), ғилу ғаш рутубатидин тозалаб, қобили асбоб қилсалар ва балки илм иксирин бирла олтун ва кумушга мубаддал қилсалар”.

Фурқатнинг шарҳи шуниси билан аҳамиятлики, унда инсоннинг комиллик даражаси қалб тарбиясига нечоғлик аҳамият беришига боғлиқ экани хусусида қимматли мулоҳазалар билдирилган. Бунинг учун “риёзат воситаси бирла илм ҳосил қилиш”нинг зарурлигига алоҳида урғу берилган.

Демак, кўнгилни “ғилу ғаш рутубатидин тозаламоқ”, уни олтин ва кумушга айлантириш инсоннинг ўзига боғлиқ.

Дил қорайиши мумкинми?

Халқимиз ёмонликни ҳаётий аъмолига айлантирган айрим кимсаларни «кўнгли кора», «кора юрак» дейди. Уларнинг қилмишига шу орқали баҳо беради. Хўш, кўнгил чиндан ҳам қорайиши мумкинми?

Зокиржон Фурқат бир шеърида бундай ёзади:

Каройғон дилга бергил нури покингдин зиё,
ё раб,
Кетиб занги гунаҳ ойинадек топсун жило,
ё раб.

Эътибор берсангиз, бу ғазалда ҳам “қаройғон дил” ҳақида сўз бораётир. Бу шунчаки шоирона ташбехми ёки дил ҳақиқатан ҳам қораядими? Бу масалага қуидаги ҳадиси шариф ойдинлик киритиши мумкин: «Кимки бирор гуноҳ иш қилса, қалбида қора нуқта пайдо бўлади. Агар гуноҳидан пушаймон бўлиб, тавба қилса, бу қора нуқта кетади. Мабодо тавба қилмай, гуноҳ амаллардаги давом этаверса, қора нуқталар зиёда бўлиб боради».

Демак, кўнгил ҳақиқатан ҳам қораяди. Бунинг олдини олиш ёки унга кенг йўл бериш одамзоднинг ўз ихтиёрида. Шу боис улуғларимиз бу масалага алоҳида эътибор қаратган.

Фиёсиддин Хондамир “Макорим ул-ахлоқ” асарида ҳазрат Навоийга бундай таъриф беради: “Ул ҳидоят ва иқбол осмонининг күёши... ҳеч қачон ҳиммат этагига, дунё молига муҳаббат губорини, бу жаҳон ашёсига қизиқиш гардини юқтирумаган” (Хондамир. Макорим ул-ахлоқ. Fafur Fulumномидаги Бадиий адабиёт нашриёти, Т., 1967, 62-63-бетлар).

Эътибор беринг: мол-дунёга муҳаббат киши қалбида губор, моддий ашёларга қизиқиш эса кўнгилда гард пайдо қилиши ҳақида сўз юритилмоқда. Ҳазрат Навоийнинг муборак қалби бундай губору гардлардан пок бўлгани таъкидланадаётир.

Сориф олтин касрати кўнгилни айлайдур
қаро,
Чунки сафро бўлса голиб, ўзга савдо
тортадур.

Фурқат қаламига мансуб ушбу байтда эса кўнгил қорайишининг сабаби ҳақида сўз бормоқда. Шоир фикрича, бунинг боиси — “сориф олтин касрати”, яъни бойликни кўпайтириш иштиёки. Байтда “сафро” билан “савдо” сўзларини бир сатрда икки хил маънода кўллаб, ийхом санъати орқали мазмуннинг бениҳоя теран, бадииятнинг бетакор бўлишига эришилган. “Сафро” — сарик ранг ва инсон вужудидаги модда маъноларида кўлланган. “Савдо” эса ҳам қора рангни, ҳам танадаги моддана англатади.

Табобат илми жисмда сафронинг кўпайиши савдонинг ортишини тасдиқлайди. Бу жиҳатдан, байтда илмий ҳақиқатнинг

бадиий талқинини ҳам кузатиш мумкин. Бинобарин, Фурқатга “Зубдат ул-хукамо” (“Ҳакимларнинг сараси”) унвони бежиз берилмаган.

Мақсадга қайтсак. Демак, аждодларимиз келган хулоса бўйича, дунё матоҳини кўпайтиришга бўлган ҳирс кўнгилни қорайтиради. Машхур қудсий ҳадисда Оллоҳ таолонинг дунёга хитобан бундай дегани зикр этилади: “Кимки Менинг хизматимни қилса, сен унинг хизматини қил. Кимки сенинг хизматингни қилса, уни фақат шу билан овора қилиб кўй”.

Тарих шоҳид, қачонки инсон Ҳақ таолонинг хизматини қилса, дунё сарвати унинг оёқлари остида бўлган. Ҳам Ҳақ ризосиги, ҳам дунёга эришган. Қачонки инсон дунёнинг ортидан кувса, унга ҳеч қачон етолмаган (ниманини кувсангиз, у кочади, бу — табиатнинг ўзгармас қонуни). Натижада бундай киши ҳам дунёдан, ҳам Ҳақ ризосидан мосуво бўлган.

Бошка бир қудсий ҳадисда мол-дунё ўлаксага, унга ҳирс қўйган кимса эса ўлаксахўр махлукка қиёсланади. Шундай бўлгач, дунё матоҳини кўпайтиришга ўчлик дилни қорайтириши ҳеч қандай таажжуфотмайди.

Ҳар қандай жиноят замирида нафс куткуси туради. Фурқат таъбири билан айтганда, нафс бандаси — қалби гуноҳлар зангидан қорайган кимса. Бундай кимсалар жамият учун бамисоли обод экинни пайҳон қилувчи зааркунанда кабидир.

Қабиҳ амаллар боис дилнинг қорайишини бошқа миллатларга мансуб олимларнинг илмий тажрибаларида ҳам кўриш мумкин. Бу борада рус олими С. Лазарев келган хулоса, айниқса, аҳамиятлидир. Олимнинг фикрича: “Инсон юрагининг ёнида бир парча эт бор — худди жомга ўхшайди. Агар одам бошқаларга ёмонлик қилса, хаёлида фақат қабоҳат бўлса, бу жомга тўхтовсиз қоп-кора суюқлик томчилаб туради. Натижада, бу “қабоҳат суюқлиги” турли ёмон хасталикларни келтириб чиқаради. Бундай кишининг хаёли мудом бадбин ўйлар билан банд бўлади. Қабоҳат нуқси ҳатто унинг юз-кўзида ҳам акс этади.

Мабодо инсон ёмонликдан қайтиб, яхшиликка юзланса, қалбига бир ёруғлик

инади. Жисмидә беморликка қарши күчли иммунитет вужудга келади. Хасталикдан фориғ бўлади. Қиёфаси кўркам тус олади.

Алқисса, хасталик ҳам, беморлик ҳам инсоннинг ўзига — ниятига, аъмолига, рух тарбиясига бўлган эътиборига боғлик” (С. Н. Лазарев. Диагностика кармы. Санкт-Петербург, 2000, с. 173).

Маълум бўладики, Бобур бобомизнинг

“Яхши киши кўрмагай ёмонлик ҳаргиз,
Хар кимки ёмон бўлса, жазо топқусидур”

деган холосаси теран ҳаётий заминга эга.

Муҳрланган қалб фожиаси

Қалб ҳам муҳрланиши мумкинми? Мумкин! Куръони каримнинг бир қанча оятлари буни тасдиқлайди. “Фоғир” сураси 35-оятида, жумладан, бундай дейилади: “Оллоҳнинг оятлари ҳақида бирон ҳужжат-далилсиз талашиб-тортишадиган кимсалар Оллоҳ наздида ҳам катта нафрата дучор бўлурлар. Оллоҳ ҳар бир мутакаббир ва зўравоннинг қалбини мана шундай муҳрлаб қўяр”.

Демак, Оллоҳнинг оятлари ҳақида бирон бир ҳужжат-далилсиз мунозара қилиш, ўзи билмагани ҳолда бошқалар билан талашиб-тортишиш — қалбнинг муҳрлангани аломатидир. Саййид Маҳмуд Тарозий — Олтинхўнтура мазкур оятни қуидагича тафсир қилган: “Яъни, ҳар кимда ушбу сифатлар бўлса, ул кишини Худо ҳам, ҳалқ ҳам ёмон кўрур ва анинг дилига шақоват муҳри урилур”. Шақоват — баҳтсизлик демақдир. Аён бўладики, қалбга муҳр солиниши — оғир мусибат.

Муборак ҳадислардан бирида қуидагиларни ўқиймиз: «Қалб очик кафтга ўхшайди. Ҳудди бармоклар битта-биттадан букилганда кафт ёпилгани каби, қалб ҳам ҳар гуноҳ содир этилганда ёпилиб боради. Ҳатто охирида буткул бекилиб қолади. Мана шу қалбнинг муҳрланишидир».

Бу ҳақда Ҳасан Басрий айтган қуидаги сўзлар ҳам инсонни мулоҳазага ундейди: “Банда ва Оллоҳ ўртасида гуноҳлардан иборат маълум чегара бор. Агар банда шу чегарага етса, Оллоҳ унинг қалби-

ни муҳрлаб қўяди. Кейин у яхшиликка муваффақ бўлолмайди”.

Маълум бўладики, қалб муҳрланишининг асосий сабаби — гуноҳ амалларга ружу қўйиш. Гуноҳга илҳомлантирувчи куч эса нафси ҳаводир. «Жосия» сурасининг 23-оятида ҳавоий нафсни ўзига “илоҳ” қилил олганларнинг ҳоли қуидагича баён этилган: “(Эй Муҳаммад алайхиссалом), ҳавоий нафсни ўзига “илоҳ” қилил олган ва Оллоҳ уни билган ҳолида йўлдан оздирраб, қулоқ ва кўнглини муҳрлаб, кўз олдига парда тортиб қўйган кимсани кўрганмисиз? Бас, уни Оллоҳ (йўлдан оздиргани)дан сўнг ким хидоят қила олур?! Ахир, эслатма-ибрат олмайдиларми?”

Қалб хасталиги жисм хасталигидан кўра оғирроқдир. Имом Фаззолий бунинг уч сабабини кўрсатади. “Биринчи сабаби шуки, — деб ёзди аллома, — бемор ўзининг бемор эканини билмайди. Иккинчи сабаб — қалб хасталигининг оқибати, жисм хасталигининг оқибатига тескари ўлароқ, бу оламда юзага чиқмайди. Жисмоний хасталикнинг оқибати эса ўлим экани ва инсон табиати ундан қочиши кундай равшан. Аммо ўлимдан кейинги нарсалар инсонга қоронғи.

Бинобарин, гуноҳларнинг оқибати қалбнинг ўлими билан натижаланади. Лекин бу ўлимни бу дунёда бу кўзлар билан кўриб бўлмайди. Қилмишларининг гуноҳ эканини билса-да, камдан-кам одам гуноҳдан тийилади. Шунинг учун улар қалб хасталигини Оллоҳга ҳавола этиб, ўзлари факат бадан хасталиги муолажаси билан банд бўлиб қолаётганини кўрасан...

Учинчи сабаб — қалб хасталигининг муолажаси оғирдир. Бу хасталикни табибсиз даволаб бўлмайди. Табиблар ким? Албатта, олимлардир. Ағфуски, асримиз олимларнинг ўзлари хасталикка чалиниб, ўзлари давога муҳтоҷ бўлдилар... Энди улар ҳалқни бу касалликдан огоҳ этишга қодир эмас эдилар. Нега? Чунки ўзларига нисбатан ҳақли равишда бундай гаплар айтилишидан чўчир эдилар: “Сизга нима бўлди? Ўзингиз бу дарддан қутуолмай туриб, яна бизга ундан қандай ҳалос бўлиш йўлини ўргатмоқчилигиз?” (Абу Ҳомид Фаззолий. Иҳёу улумиддин. Тавба китоби. Таржимон — Рашид Зоҳид. Т., Мовароуннаҳр, 2003, 118-119-бетлар).

Хасталанган қалб ҳақиқатни англаш баҳтидан бенасибdir. Унга ҳақиқатни очик-равшан ҳужжат билан баён этсангиз ҳам фахмламайди. Бу ҳам етмагандек, ўз ғафлатини — огоҳлик, жаҳолатини — билимдонлик деб гумон қиласи. Бундай бад-баҳтларнинг ҳоли “Аъроф” сурасининг 179-оятида таъсирчан ифодаланган: “Аниқки, Биз жин ва инсдан кўпларини жаҳаннам учун яратганимиз. Уларнинг диллари бор-у, англай олмайди, кўзлари бор-у, кўра олмайди, кулоклари бор-у, эшитмайди. Улар чорва кабидир, йўқ, улар (беақл, бефаҳмлиқда чорвадан ҳам) адашганроқдир. Ана ўшалар ғафлатда қолган кимсалардир”.

Ғафлатнинг зидди — огоҳлик. Чинакам маърифат эгаларининг ҳатто зоҳир кўзи кўр бўлса-да, қалб кўзи очиқ бўлиши мумкин. Ҳазрат Навоийнинг Адиг Аҳмад Юғнакий ҳақидаги эътирофи ҳам буни тасдиқлади: “...кўзлари бутов эрмишки, асло зоҳир эрмас эрмиш... Ҳақ субҳанаҳу ва таоло агарчи зоҳир кўзин ёпуқ яратқандур, аммо кўнгли кўзин бафоят ёруғ килгандур... Аксар турк улусида ҳикмату нукталари шоевдур” (Навоий. Насойим улмуҳаббат. — Муқаммал асарлар тўплами, 17 том. Т., 2001, 426-бет).

Бу сўзлар қалб кўзининг аҳамияти зоҳирий кўз фазилатидан асло кам эмаслиги далилидир. Демак, “зоҳир кўзининг бутов”лиги инсон камолотига зинҳор тўсиқ бўла олмайди. Мавлоно Жалолиддин Румий “кўзни юмгил, кўзга айлансин кўнгил” деган машҳур ҳикматида аслида зоҳирпрастликни қоралайди. Қалб кўзи бафоят равшан бўлгани учун ҳам Адиг Аҳмаднинг ҳикмат ва нукталари (ҳикматга йўғрилган сўзлари) “аксар турк улусида шоев” бўлди (шуҳрат қозонди). Қалби муҳрланган ғофилларнинг зоҳир кўзи очиқ эса-да, қалби кўр бўлиши мумкин. Бу ҳақиқатни Куръони карим оятлари ҳам тасдиқлади. Жумладан, “Ҳаж” сурасининг 46-оятида таъкидланишича: “...кўзлар кўр бўлмас, балки, кўкракларидағи кўнгиллар кўр бўлур”.

Савол туғилади: қалб хасталигининг давоси борми? Бу ҳақда мўътабар манбаларда нима дейилган? Бундан қандай хуласалар чиқариш керак?

Қалб хасталигининг давоси

Қалбда гуноҳлар туфайли пайдо бўлган қора нуқта тавба шарофати билан кетиши, бундай ҳолда, Фурқат таъбири билан айтганда, қалб ойнадек жило топиши ҳақида юқорида фикр юритилган эди. Аён бўладики, қалб хасталигига тавба орқалигина малҳам қўйиш мумкин. “Дарҳақиқат, уни (қалбни) поклаган киши нажот топади”, дейилади “Ваш-шамс” сураси 9-оятида.

Муборак ҳадислардан бирида зикр этилишича, “Расууллоҳ соллаллоҳу алайҳи васаллам: “Банда гуноҳ қиласи, кейин шу гуноҳи туфайли жаннатга киради”, деди. “Бу қандай бўлади, ё Расууллоҳ?” деб сўрайдилар. “Содир этган гуноҳи доимо кўз ўнгига туради. Гуноҳдан тавба қиласи, ундан қочади, ҳатто жаннатга киради”, деди пайғамбар алайҳиссалом (Ибн Муборак ривояти)”.

Яна бир ҳадисда айтилишича, “Гуноҳдан тавба қилувчи киши гуноҳи йўқ киши кабидир”. Имом Фаззолийнинг “Тавба” китобида келтирилган бир ривоят мазмунига кўра, Оллоҳ таоло иблисни лаънатлаган чоқда малъун Иблис Одам фарзандларини ҳақ йўлдан адаштириш учун изн сўрайди. Изн берилади. “Улуғлигингга қасамки, — дейди Иблис, — то жони жасадини тарқ этмагунча Одам фарзандларининг қалбидан чиқмайман”. “Улуғлигим ва буюклигимга қасамки, — дейди Ҳақ таоло, — то руҳи танасида экан, бандаларим учун тавба эшиги очиқдир”.

Гуноҳлардан, демакки, қалб хасталигидан сақланиш, олимларнинг фикрича, биринчи навбатда, ҳавфу ражо билан бўлади. Ҳавф — кўркув, ражо — умид демакдир. Муборак ҳадисларда ҳавфу ражога иймон қушининг икки қаноти дея таъриф берилади.

Мутафаккир аждодларимиз қалбда ҳар доим ҳавфу ражо бўлиши учун Ҳақ таолони мудом зикр этиш зарурлигини таъкидлайди. Мумтоз адилларимиз ижодидан бунга оид кўплаб мисоллар келтириш мумкин. Жумладан, ҳазрат Навоий “Хайрат ул-аброр” достонида Султон Бадиуззамон баҳодирга насиҳат қилиб бундай ёзади:

Жумла жаҳон фониий мутлак дурур,
Боқийи мутлақ тиласанг — Ҳақ дурур...
Бўймаса Ҳақ ёдидин огоҳлик,
Билки, гадоликча эмас шоҳлиқ.
Бўйса гадо Тенгридин огоҳлиғи,
Бордур анга икки жаҳон шоҳлиғи.

Мумтоз шоирларимиз ижодида “Ҳақ ёдидин огоҳлик” (Навоий таърифи) қанчалик улуғланса, нечоғлик таъриф этилса, бундан фафлатда бўлиш шунчалик қоралянади. Қалб хасталигининг бош сабаби айни шу фафлат экани мудом уқтирилади. Муҳаммад Ризо Оғаҳийнинг “Гулшани давлат” асаридан олинган куйидаги мисралар ҳазрат Навоий байтларига ҳар жиҳатдан уйғундир:

*Бир нафас Ҳақ ёдидин огоҳлик,
Айлагандин яхши юз ийл шоҳлиқ.*

Ҳақ ёдидан огоҳлик кўнгилда мудом хавфу ражо бўлишини таъминлайди. Бу эса қалб хасталигини даволашнинг энг мақбул усули.

Инсон қалби билан ҳазиллашманг сиз...

XX аср бошларига келиб адабиётнинг вазифаси ҳақидаги кўзқарашнинг янгилашини қалб тушунчасига ҳам ўзгача — ижтимоий моҳият юклади. Энди наинки инсон қалби, ҳатто “миллатнинг ҳисли кўнгул тарихи” (Чўлпон таъбири — **Н.А.**) ҳақида ҳам сўз юритиш бошланди. Жумладан, адабиётта таъриф берар экан, Абдулҳамид Чўлпон бундай ёзади: “Адабиёт чин маъноси илиа ўлган, сўнган қаралган, ўчган, ярадор кўнгулга руҳ бермак учун, фақат вужудимизга эмас, қонларимизга қадар сингишган қора балчиқларни тозалайдирғон, ўткур юрак кирларини ювадурғон тоза маърифат суви... бўлғонликдан бизга фоят керакдир” (Чўлпон. Адабиёт надир. Т., Чўлпон нашриёти, 1994, 37-бет).

Табиийки, Чўлпон “ярадор кўнгулга руҳ бермак” ҳақида сўзлар экан, алоҳида шахс кўнглини эмас, “миллатнинг ҳисли кўнгли”ни назарда тутган. Шу боис шоир “Сўйган чоқларда” шеърида “эски жароҳатли қалб” ҳақида баҳс юритади.

Йашал эски жароҳатли қалбимни
Сатрларнинг наштари-ла тилардим.

“Яшайиш” шеърида эса сўнгсиз изтироб туйғуси ифодаланган:

Кўзим очилди, бироқ кўрмади гўзалликни,
Кўнгулда яъс ила кўрдим бутун тубанликни.

Яъс — умидсизлик маъносини беради. Лирик қаҳрамоннинг кўзи очилган, лекин бирон бир гўзаллик кўрмаган. Кўнгилда эса ижтимоий муҳитдаги тубанликлар боис умидсизлик кайфияти туғилган. Шунинг учун шоир бундай уйғонищдан кўра уйқуни афзал билади. Куйидаги сатрлар шу ҳақда:

Нечун очилди кўзим, қайга кетди уйқуларим?
Бу уйғонища тўлиб-тошди, ошди қайгуларим.

Чўлпон кўнгилнинг кишанлар билан дўстлашгани ҳақида ҳам ёзди. Лекин бу моҳият эътибори билан қалбнинг, юқорида таъкидланган каби, муҳрланишидан фарқ қилади. Шоир кўнгилга мурожаат этар экан, дили ҳақоратдан ҳам оғримайдиган даражага етган (демак, қалби ўлик ҳолга келган), таназзул лойига ботган миллат кўз ўнгиди туради:

*Кўнгул, сен мунчалар нега
Кишанлар бирла дўстлашдинг?
На фарёдинг, на додинг бор,
Нечун сен мунча сустлашдинг?*

Умуман, Чўлпон шеъриятида кўнгил образи ўзига хос талқин этилган. Шоир кўнгилга миллат миқёсидаги ҳодиса сифатида ёндашган.

XX асрнинг 60-йилларида худди шу миқёсдаги талқин оташин шоиримиз Абдулла Орипов ижодида кузатилади. Шоирнинг биргина “Инсон қалби” шеърининг ўзиёқ ушбу фикрни тасдиқлайди.

*Инсон қалби билан ҳазиллашманг сиз,
Унда миллат яшар, унда тил яшар.
Унда аждод фахри яшайди сўзсиз,
Унда истиқомат қиласди башар.*

Абдулла Ориповгача қалб ҳодисасига бундай ёндашув кузатилмаган эди. Шоир

татқинида қалб — наинки инсоннинг, балки бутун бир жамиятнинг мавжудлик шарти. Миллат ҳам, тил ҳам унда яшайди. Ажоддилар фахри, ҳатто башариятнинг ўзи ҳам қалбда мужассам бўлиши мумкин.

Инсон қалби билан ҳазиллашманг сиз,
Унда она яшар, яшайди Ватан.
Уни жўн нарса деб ўйламанг ҳаргиз,
Хайҳот! Кўзғалмасин бу қалб дафъатан!

Бу қадар шиддатли ифода моҳиятини, сабабини англаш учун шеър ёзилган даврни мушоҳада этмоқ зарур. Инсон қадри бениҳоя арzonлашган, Ватанга муҳаббат туйғусини мавҳумлаштиришга интилиш кучайган шўролар тузумининг гайримиллий сиёсатига исён ўлароқ яралган эди бу шеър.

Қалбнинг қўзғалиши... Шоир бежиз бундан огоҳлантираётгани йўқ. Бинобарин, қалбнинг қўзғалиши жамиятнинг тараққиёт йўналишини мутлақо янги ўзанга буриб юбориши мумкин. Шу жихатдан, бундай талқин XX юзийилликда бу тушунчанинг моҳияти ҳақиқатан ҳам мутлақо ўзгариб кетганини кўрсатади.

Хулоса ўрнида

Инсон ҳаёти ва фаолиятини қалбдан айри тасаввур этиб бўлмайди. Шарқ фалсафаси ва адабиётида бу мавзу етакчи мақомда келгани сабаби ҳам шунда. Шу боис Имом Фаззолий бир эмас, икки — “Мукошафат ул-қулуб” (“Қалбларнинг очилиши”) ва “Китобу шарҳи ажойиб ал-қалб” (“Қалб ажойиботлари шарҳига оид китоб”) асарини айни мавзуга бағишилаган. Шунинг учун ҳам улуғ Навоий “Маҳбуб ул-қулуб” (“Кўнгилларнинг севгани”) номли маҳсус асар ёзган.

“Кўнгул бадан мулкининг подшохидур, — деб ёзади ҳазрат Навоий. — Анга сиҳнат — мунга ҳам сиҳнат, анга табоҳи — мунга ҳам табоҳи. Бас, улким — кўнгул мулкининг соҳиби жоҳи бўлғай — шоҳлар шоҳи бўлғай. Бадан салоҳ (куввати) ва фасоди (заифлиги) кўнгул салоҳ ва фасодига тобеъ. Мулк обод ва хароблиги шоҳ адл ва зулмиға ро-

жеъ. Подшоҳ — мулк баданининг жонидур ва кўнгул — бадан мулкининг султони” (Навоий. Маҳбуб ул-қулуб. 88-бет).

Яъни, баданни мамлакатга қиёсласак, кўнгил — бу худуднинг ҳукмдори. Агар кўнгил соғлом бўлса, бадан ҳам соғлом, кўнгил хаста бўлса, бадан ҳам хаста. Модомики шундай экан, кўнгил мулкидаги бойликтнинг чинакам эгаси даражасига кўтарила олган одамгина бу шоҳни (кўнгилни) ўзига бўйсундиради — шоҳлар шоҳи бўлади. Бадан қуввати ёки заифлиги кўнгил ҳолатига боғлиқ. Кўнгил қувватли бўлса, бадан ҳам қувватли ёки аксинча, кўнгил заиф бўлса, бадан ҳам заифдир. Бу бамисоли мамлакат ободлигию хароблиги подшоҳнинг адолати ёхуд зулмига боғлиқ бўлгани кабидир.


Мутафаккир бобомизнинг бу фикри Имом Фаззолий қарашларига тўлиқ мутаносибдир. “Қалб изтироблари шарҳига оид китоб”да Фаззолий аъзо ва сезгиларнинг қалбга бўйсунишини фаришталарнинг Оллоҳга итоат этишига муқояса қиласди.

Нега инсоннинг итоатига қиёсланмаган, деган табиий савол туғилиши мумкин. Чунки фаришталарнинг фитратида Худонинг амрига бўйсунишдан ўзга хусусият йўқ. Инсон табиатида эса қай даражададир исён бўлади.

Имом Фаззолий фикрича, фазаб ва шахват бадан мамлакатининг душманларидир. Фазаб ва шахватни қалбга бўйсундирмок зарур. Уларга йўл бериш бу мамлакат раиятини муқаррар ҳалокатга элтади. Илм, хикмат ва тафаккур билан қувватлансагина, бу мулк саодатга ноил бўлади.

Муборак ҳадислардан бирида қалб биёбондаги япроқка менгзалади. Шамол қай тарафга эсса, япроқ ўша ёққа ғилиади. Бу — қалбнинг ўзгарувчанлигига ишора. “Инқи-лоб” сўзи билан ўзакдош экани ҳам “қалб”нинг ўзгарувчанлигини тасдиқлади. Қалбнинг эзгуликка хизмат қилиши, ҳазрат Навоий таъбири билан айтганда, инсоннинг “кўнгул мулкининг соҳиби жоҳи” бўла олишига боғлиқ. Зоро, шундагина инсон ҳаётида мазмун бўлади. Фақат шу ҳолдагина шахс маънавияти, камолоти ҳақида орзу қилиш мумкин.

Хосият РУСТАМОВА



Yer aylanar falak charxida

Барчанинг жони ҳалак,
Дала-түзда иш қизин.
Ким — хўрозу ким — лайлак,
Ким — ҷумоли, ким — қузгун.
Бир товуш ўйқ, бирор гап,
Эшитилмас бирор сўз.
Далаларни оралаб —
Ер ағдариб юрап куз.

* * *

Тўс-тўполон. Шох-шаббалар тушар синиб,
Қушининг бари кириб кетар ин-инига.
Бир қўзичоқ адаштириб онасини —
Талпинади бошқа қўйнинг елинига.
Қўзи шўрлик маърайверар чопиб ҳар ён —
Қўйлар ўзин олар пичан панасига.
Кўп қўйларнинг орасида бўлар сарсон —
Ҳаёт уни дуч қилгунча онасига.



ТУШ

Күк — бахтиёр,
Ер — мулзам,
Қуши — учишига өзгөлгөн.
Бир учиб күрай десам
Оёқ-құлым бөглөнгөн.
Одамзод яшар экан
Доим түгік мушт каби.
Ё дараҳтга осилған
Қафасдагы қуши каби.
Бир куни уйғонаман,
Күзим очилар бирдан.
Хеч нарса қолмаса ҳам,
Из қолади занжирдан.

* * *

Доим чархнинг измида зүгум,
Ер айланар фалак чархида.
Қилич әртак айтади узун —
Дум-думалоқ бошлар ҳақида.

* * *

Түс-түполон. Шамол ҳовлида
Деразамга урап қорларни.
Менинг шамолларим олдида
Қадри йүқдір бу шамолларнинг.
Деразамнинг шундоқ ортида,
Ёғаверар ёмғир әрта-кеч.
Менинг ёмғирларим олдида
Ёмғир эмас бу ёмғирлар ҳеч.

САМОДИЛГА

Күзингда қубонч ўйнар,
Йүқолиб кетар қайғу.
Мен бир қун бу ҳаётнинг
Шомига етаман-ку.
Санайсан бармогингда:
Бир, икки, уч, саккиз, ўн.
Болажон, саногингда
Тугаб-тугамайди кун.
О, митти юрагингда
Шамол эсар, югурар.
Сен санаб бўлгунингча
Тонглар отиб улгурап.

* * *

Бугун уйдан чиққим йўқ,
Нечун пойлаб турар йўл?
Дарахтлар ҳам ўйнаб шўх
Ойнамга узатар қўл.
Кўчага чорлар ёмғир:
“Юринг, кетдик тоғларга!”
Уйда қолмоқда ахир
Фозил Ҳусни Догларжа¹.
Жавондан тушиб келар
Кацо Рацин² — қирмизи.
Бошдан-оёқ кўк кияр —
Пастернак³ ва Табидзе⁴.
Қаранг, менинг кўп дардим,
Моцарт⁵ бошлиди куйин.
Кўтариб ҳам кетардим —
Елкамга сигмас уйим.

¹ Турк шоури. ² Македония шоури. ³ Рус шоури.

⁴ Грузин шоури. ⁵ Немис композитори.

Нодира АФОКОВА

Ko'ksimdin o'tdiyu sorg'ordi xazon...

Бобуона

* * *

Толеки юзин ўтса буриб, қўй, нима ғам,
Бош устига ноз, фирогию шўхлиги ҳам.
Толе йўғидан оҳ урса шоҳ, биз кибига
Толему эмас толенинг йўқлиги ҳам.

* * *

Қўнгулки бу жонга балолиг бўлди,
Ҳар лаҳзада минг-минг яролиг бўлди.
Шу кўнгул учун элу улус бирла йўлим
Айро тушадир, бу не хатолиг бўлди?

* * *

Давлатқа мани, майли, даме ёр этма,
Умрим уйини шуҳрат ила ёритма;
Лек нола қиласай — ҳар нафас абгор этма:
Кўнглумга ҳасад балосини доритма!

* * *

Бу гүнчаму қат-қат ё юрак қонимудур?
Бу сабзаму ё күнгүлнинг пайхонимудур?
Бу нолачи қумри ё гарип жонимудур?
Гул фаслиму ё телба бўлиши онимудур?

* * *

Бир сухбати жонон учун Ҳўқанд сари бор.
Кеш сари бор, хоҳла, Самарқанд сари бор.
Беҳиштнинг тажаллийсин кўрмоқ тиласанг,
Хазон фаслида албат Тошканд сари бор!

* * *

Тўрт куннинг кўши-ози била ўтди умр,
Уч фаслу даги ёзи била ўтди умр,
Гоҳ икки жаҳон ёди била ўтди умр,
Гоҳ битта кўнгил нози била ўтди умр.

* * *

Туши кўрдум эса, магарки ёрим келадур,
Кўз очдим эса нолаву зорим келадур.
Сен туши билан ўнг фарқига еттинг, э гарип,
Ҳушёрглигинга ишиқ аро орим келадур.

* * *

Гар айши тиласанг, гам уйидан гамни унум,
Ҳам ўтди дегил, ортдаги ҳар дамни унум,
Ҳар кас сани кам тутса, кўпу камни унум,
Шул учни унум, сўнг ики оламни унум.

* * *

Олам ишига лолмену ҳайронмен мен,
Ҳар лаҳза бино, лаҳзада вайронмен мен.
Эй! Қўйма йўлим узра сен ҳам домингни,
Ўқ бирла дили ёра у жайронмен мен.

* * *

Биз бирла эсадур, ҳар кишиким, қуллуқ,
Гар ўзга йўли — ўзин ишиким, қуллуқ.

Тош отгучи, эй, тошинга ҳам, ўзинга ҳам
Кел, бағриму очиқдир эшигим, құллук.

* * *

Бир қүйки, ҳазор нохун ила өлди хазон,
Күнглімга ҳазин-ҳазин хаёл солди хазон.
Йүқ-йүқ, бу жағон бояларига асли маним
Күксімдин ўтиб бордію сорғорды хазон.

* * *

Күңгіл шоҳ эмиш — мулки жисм аро эмиш,
Бир мулкки, аннег ясоқлари бало эмиш:
Ким қад ҳаму юз зард, яғни мулк ҳароб эмиш,
Мундин не ғаму шоҳга, не оташ-об эмиш.

* * *

Ишк шарбатига нечаки хұммор ўлдум,
Қуыш уйқусига замон-замон зор ўлдум.
То мастилиғ туш бирла гирифтор ўлдум,
Үйланғ, йүқ әдім олам аро, бор ўлдум.

* * *

Фурқатки, неча замон-замон жоним олур,
Күңгүл ғаму дард балосидан наұра солур.
Фурқат ўтадур, ғам кетадур, дард йүқолур,
Күңгүл, ема ғам, оғоқ аро наұра қолур.

* * *

Ишк ахли учун бўлдими бало фурқат,
Отди ғаму дард баҳрими аро фурқат.
Ул ҳаста кўнгүл гарқ бўлур тоза бўлур,
Йүқ-йүқ, не бало, бўлди-ку даво фурқат.

* * *

Дил ободини этди бу кун вайрон дўст,
Дўстдирки, кўнгүл мулки аро султон дўст.
Хотир паришону лол ману ҳайрон, дўст:
Дўст дўстми эди ё дўст эмас, билмон, дўст.



Сергей ДОВЛАТОВ



АКАМ

(“Уруг-аймоғим” китобидан бир ҳикоя)

Низом КОМИЛ таржимаси

Хаёт холаваччам Боряни — мен уни ака дердим — қип-қизил жиноятчига айлантирди-кўйди. Омади чопгани шу-да. Акс холда, худо уриб, каттакон бир партия арбоби бўпкетармиди...

Бундай дейишга важ-карсонларим етиб ортади. Лекин ҳозирча шошмай турайлик...

Холам баобрў адабий мухаррирлардан эди. Эри Арон харбий шифохона-нинг бошлиғи бўлиб, саломатлик тўғрисида маърузалар ўқиб турар, бунинг устига, турли-туман маркалар йиғиш билан шуғулланарди. Хуллас, рисоладагидай оила эди.

Акамнинг дунёга келиши антиқа бўлган. Қизлик чоғида холамнинг бошига ҳам ишқ савдоси тушган. У Сергей Миронович Кировнинг муовини Александр Угаровни севиб қолган. Ленинградлик қариялар обкомнинг таникли бу арбобини ҳали-ҳали эслашади.

Унинг оиласи бор эди. Холамни никоҳга чап бериб тузокқа илинтирган экан-да. Шуйтиб, холам ҳомиладор бўпқолади.

Туғиши пайти яқинлашади. Уни түргуҳонага олиб кетишади.

Онам Смольнийга боради. Минг машакқат билан Кировнинг ўринбосари хузурига кириб, ахволни тушунтиради.

Угаров қовоғини солиб, кимларгадир топшириқ беради. Обком югурдакла-
ри туғуруукхонага кетма-кет гул ва мева-чева таший бошлайды. Холамнинг уйи-
га қарта ўйнашга мұлжаллаб ясалган нақшинкор стол элтиб қўйишади. Чама-
си, синфий ёт унсурлардан мусодара қилинган чиқар-ов.

Холам истараси иссиқ, пахлавонкелбат ўғил туғади. Мен ака деб ўсган
Боря — шу. Онам обкомга яна боради. Лекин ичкарига киролмайди. Угаров
кеқкайиб кетгани учун әмас. Йўқ. У халқ душмани сифатида қамоққа олин-
ган эди.

Ўттиз саккизинчи йил эди... Холам қўлида чақалоги билан қолади.

Яхшиям Угаров эри әмас экан. Бўлмаса, холамни сургун қилишарди. Шун-
док бўладики, арбобнинг хотини билан фарзандлари Сибирга жўнатилиди.
Бунисиям яхши әмас, албатта. Лекин начора...

Англашимча, холам билиб туриб шу ишни қилган. У чиройли, серфайрат ва
ўзига ишонган аёл эди. Ҳеч нарсадан тап тортмасди. Факат... партиявий тан-
қиддан чўчириди.

Шу орада Арон пайдо бўлади. У холамни қаттиқ севиб қолиб, унга уйланади.

Арон шляпа тикадиган устахона эгасининг ўғли эди. У бошқа яхудийлар-
га — мижғов, нимжон, калтабин ва хаёлпараст қавмдошларига ўхшамас,
баланд бўйли, бақувват ва матонатли киши эди. Собиқ инқилобчи талаба,
қизил аскар, нәпчи. Кейинчалик — маъмурый идора ходими. Ва ниҳоят,
кексайган чоғида — ревизионист ва диссидент...

Арон холамни еру қўкка ишонмасди. Уни дада деб чақалоқнинг тили чиқди.

Уруш бошланди. Биз Новосибирскка бориб қолдик. Боря уч ёшга тўлди. У
боқчага қатнар, мен ҳали гўдак эдим.

Боря боқчадан оқ қанд опкеларди. Аста лунжидан чиқазиб лиқобчага қўярди.

Мен “емайман” деб тантиқлик қилардим.

Борянинг ҳуноби ошарди:

Шўро замонида давлат нашриётларида чоп этиладиган бадиий асарлардан
ташқари норасмий тарқаладиган адабиёт намуналари ҳам учрарди. Соцреализм
қолипларига унчалик ҳам мос тушавермайдиган ёки бирон бир жиҳати мавжуд
мағкурага ётрок қўринган бу тоифа асарлар кўпинча қўлёзма шаклида қўлма-қўл
юрар, аччиқ бир алам биланни “самиздат” деб аталар, шу йўналишдаги муаллиф-
ларнинг шуҳрати эса гоҳо адабиёт майдонида расман тан олинган адиларни-
дан қолишмас эди. Аммо турли таъқиб-тазиийклар остида қолиб, уларнинг аксари-
яти муҳожиротга кетишга мажбур бўлгани ҳам аён. Нобель мукофоти совриндор-
лари Александр Солженицин ёки Иосиф Бродскийнинг ижодий тақдирни бунга да-
лил бўла олади.

Сергей Довлатов (1941-90) рус адабиётининг хорижда донг таратган ана шун-
дай номдор вакилларидан. Эркинроқ феъл-автори ва муросасиз танқидий қараш-
лари учун кўп жағоларга дучор бўлган адаб муҳожиротда ўн икки йил яшаб, ўн икки
китоби нашр этилди, жаҳонга машҳур ёзувчилардан бирига айланди.

Сергей Довлатовнинг таржимаи ҳолига қизиқсан китобхон унинг асарларини
ўқиб кўрса кифоя. Китобийликдан, анъанавий қонун-қоидалардан бирмунча йирок,
ҳаёт ҳақиқатини бўймай-бежамай акс эттирган бу асарларни муаллиф умрининг
бадиий солномаси дейиш мумкин. Буни журналхонларга тақдим этилаётган асар-
дан ҳам билса бўлади.

— Канд эриб кетади-ку...

Кейин уруш тугади. Очлик хам бархам топди.

Акамнинг бўйи чўзилиб, Фарбий овруполик йигитлардай чиройли ўспирин бўлиб қолди. Кўзлари кўм-кўк, сочлари жингалак. У прогрессив итальян киноларидаги ёш қаҳрамонларни эслатарди. Ҳарқалай, қариндош-урұғнинг на-зарида шундай эди...

У бенуқсон совет боласи эди. Пионер, аълочи, футболчи, темир-терсак йи-фувчи. Кундалик тутиб, улуғ зотларнинг ҳикматли сўзларини ёзиб бораради. Ҳовлисига қайнин кўчати ўтқазган эди. Драма тўгарагида унга ёш гвардиячи-ларнинг ролини топширишарди...

Мен ундан кичкина бўлсан-да, расво бола эдим. Ҳар доим уни менга ўрнак килиб кўрсатишарди.

Акам ростгўй эди, сипо ва билағон эди. Ҳамма менга писанда қиласди: қара, Боря яхши ўқийди, ота-онасига ёрдам беради, спорт билан шуғулланади... Боря район олимпиадасида ғолиб бўлди... Боря ярадор қушни даволади... Боря детекторли приёмник ясади. (Ўлай агар, бунинг нималигини ҳали-гача билмайман.)

Во дариф! Ўша кунлари кўз кўриб қулок эшитмаган бир воқеа юз берса бўладими! Бай-бай-бай-бай! Айтишга бетим чидамайди. Уят, уят...

Қўйинг-чи, акам мактаб директорининг устига сийворди-да-ей!

Бу бемаънилик дарсдан кейин содир бўлади. Акам физкультурачилар кунига бағишлиланган деворий газета чиқараётган экан. Атрофида — синфдошлари.

Кимдир деразага қараб:

— Исковуч келяпти! — дейди.

(Мактаб директори Чеботарёвга шундай лақаб қўйишган эди.)

Бу ёғи кетди — акам сакраб дераза рафига чиқади. Қизлардан тескари қараб туришни сўрайди. Масофани обдон чамалаб туриб... чоптириворади-да ярамас. Дириектор бошдан-оёқ ҳаром бўлади.

Ана ҳангома, мана ҳангома! Бирорга айтсангиз ишонмайди. Орадан бирор ой ўтгач, шу воқеага гувоҳ бўлғанларнинг ўzlари хам, буни худди тушларида кўргандай, иккиланиб юришди. Манзара чиндан хам мудхиш ва аянчли эди.

Дириектор Чеботарёвни-ку қўяверинг, бақа бўлиб қолган экан у. Кейин бирдан гезариб-бўзариб бидирлай кетади:

— Мен сенга ўхшаганларни зонада иштончан эмаклатганман, иблис! Менинг совунимга кир ювмагансан ҳали!

Шу тобда Чеботарёвнинг томирларида собиқ турма ишбошисининг қони гупуради. Ким билиби дейсиз! Мудом башанг кийиниб юради: бошида нов-вотранг шляпа, эгнида жужунча, қўлида қаппайган портфель...

Акам бу қилғилиқни мактабни тутатишига бир хафта қолганда қилди. Накд бўлиб турган олтин медалдан маҳрум бўлди. Ота-онаси унга етуклик аттестати беришга директорни зўрга кўндиришди.

Ўшанда акамдан сўрадим:

— Нега бундай қилдинг?

— Мен ҳар бир ўқувчи пинхона орзу қиладиган ишни қилдим, — деди акам.

— Исковучни кўрдиму шу заҳоти бир карорга келдим — ё ҳозир, ёки ҳеч

қачон! Ҳозир айни пайти! Шу ишни құлмасам, ўзимдан ихлосим қайтади...

Үша кезлардағे бадхохлик қонимда бор эканми, тилемни тиёлмадим:

— Мактабинг пештоқига юз йилдан кейин мана шундай лавха ўрнатиб қўйишади: “Бу ерда Борис Довлатов ўқиган... Унинг кимлигини ўзингиз биласиз...”

Акамнинг ножӯя құлмиши бир неча ой мухокама қилинди. Кейин Борис театр санъати институтига ўқишига кирди. Санъатшунос бўлмоқчи эди. Унинг хурмача килифи унтуила борди. Институтда яхши ўқирди-да. Комсомол ташкилотининг котиби эди. Яна — бебилиска қон берадиган донор, деворий газета муҳаррири, футболда дарвазабон...

Акам улғайиб, янайам очилиб кетди. Ростдан ҳам итальян киноактёрларига ўхшарди. Кизлар ортидан эргашиб юради.

Шунга қарамай, у маъсум ва уятчан йигитлигича қолган эди. Қизларнинг нозкарашмаси унга ёқмасди. Кундалигидага ёзилган манови гаплар ёдимда қолган:

“Китоб билан аёл зотидаги энг мухим нарса — шакл эмас, мазмун...”

Хатто ҳозир, дунёга буткул кўл силтаб қўйганимдан кейин ҳам, бундай “хикмат” менга бемаъни туюлади. Мен, аввалгидай, чиройли аёлларни ёқтираман.

Бундан ташқари, бидъатга берилган одамман. Мана, масалан, семиз аёллар ёлғончидай туюлаверади менга. Айниқса — ўзи семиз-у, сийнаси бебара-ка аёллар...

Дарвоке, гап мен ҳақимда эмас.

Акам институтни битирди. Имтиёзли диплом олди. Комсомолдаги ишлари ҳам таҳсинга сазовор эди.

У чўлқувар ҳамда курилиш отрядининг командири бўлди. Милицияга кўмаклашиш дружиналарида жавлон урди. Кишилар онгидаги капитализм иллатларига қарши аёвсиз жанг қилди.

Бутун микрорайонда акамнинг нигохидай бокира нигоҳ ҳеч кимда йўқ эди...

Борис Ленин комсомоли номидаги театрга адабий маслаҳатчи бўлиб ишга жойлашди. Бу энди ақл бовар құлмас гап эди. Она сути оғзидан кетмаган кечаги талаба-ю, мана шундай мўътабар даргоҳ!

У вазифасига астойдил киришди. Борис прогрессив санъат тарафдори эди. Шу йўлда жонбозлик кўрсатди. Албатта, ҳаддидан ошмай, одоб-андиша билан. Аста-секин Вампилов, Боршаговский, Мрожек кабиларнинг юзага чиқишига сабабчи бўлди.

Номдор-номдор совет драматурглари ундан хайикишарди. Исёнкор театр-параст ёшлар эса у билан фахрланарди.

Борисни маstryулиятли хизмат сафарларига жўнаташарди. У ҳатто Кремлдаги кенгашларда қатнашган эди. Партияга киришни шама қилганлар ҳам бўлди. Акам иккиланарди. Ўзини муносибмасман деб хисобларди.

Кутилмаганда акажоним яна ўзини кўрсатди. Қандай сўзлаб беришни ҳам билмайман. Қисқаси, Боря ўн иккита талончиликка кўл урди.

Институтда Чапин деган ошнаси бўларди. Икковлашиб ажнабий сайёхлар юрадиган ўн икки автобусга ҳамла қилишади. Сайёхлар жомадонлари, радио-приёмниклари, магнитофонлари, ёмғирпушу шляпаларигача — жамики борбудлари билан видолашишади. Иккала шоввоз автобусларнинг эҳтиёт филдиракларини қолдириб кетишни ҳам эп кўришмайди.

Эртасига уларни хибсга олишди. Биз караҳт бўлиб қолган эдик. Холам дўсти, ёзувчи Юрий Германнинг олдига чопди. У милициядаги генерал ўртокларига кўнфироқ қилди.

Акамни судда шаҳарнинг энг олди адвокати Киселёв ҳимоя қилди.

Суд жараёнида бошқа тафсилотлар ҳам ойдинлашди. Маълум бўлишича, жабрдийдалар ривожланаётган мамлакатларнинг фуқаролари ва социалистик ташкилотларнинг аъзолари экан.

Киселёв шундан фойдаланмоқчи бўлди. Акамга шошиб савол ташлади:

— Судланувчи Довлатов, айтинг-чи, сайёхлар ривожланаётган мамлакатларнинг фуқаролари ва социалистик ташкилотларнинг вакиллари эканини билганингиз?

— Афсуски, йўқ, — деди Борис. Менимча, жавоб жўяли бўлди.

— Билганингизда-чи, шу ишни қиласмингиз?

Акамнинг юзи тундлашди. Адвокатнинг саволи бемаънидек туюлди унга. Пешонаси тиришди, қошлари чимирилди. “Шу ҳам савол бўлдими?!” деган ифода бор эди унда.

Киселёвга жон кирди:

— Хўп, майли, — деди у, — охирги савол. Балки, бу жанобларни жамиятнинг реакцион қатламига мансуб кишилар деб ўйлагандирсиз?

Судья унинг гапини бўлди:

— Ўртоқ адвокат, судланувчини жаҳон инқилобининг жангчисига айлантириб юборманг!

Аммо акам адвокатнинг бояги саволига бош силкишга улгурган эди. Яъни, ха, шу гап кўнглимга келувди...

Судья овозини кўтарди:

— Терговда мавжуд далилларга асосланиб гапириш керак!

Акам уч йилга кесилди.

Боря судда ўзини мардона тутди. Бўлар-бўлмасга илжаявериб, судьянинг фашига тегди.

Хукм ўқилганда акамнинг бир туки ҳам ўзгармади. Уни суд залидан соқчилар кузатувида олиб чиқиб кетишиди.

Сўнг юқори суд органларига шикоят аризаси, қандайдир югур-югурулар, кўнфироқлар... Хеч биридан наф бўлмади.

Акамни Тюменга жўнаташди. Қаттиқ тартибли лагерга. Хат ёзишиб турдик. Унинг барча номалари шундай сўзлар билан бошланарди: “Ҳаммаси жойида. Михдайман...”

Бора-бора ундан келаётган мактубларнинг рухи ҳам, мазмуни ҳам ўзгарди: “Бир жуфт жун пайпок... Инглиз тилини мустакил ўрганиш учун кўлланма... Сирма шим... Умумий дафттар... Немис тилини мустакил ўрганиш учун кўлланма... Саримсоқпиёз... Лимон... Авторучка... Француз тилини мустакил ўрганиш учун кўлланма... Ва яна — гитара чалишни мустакил ўрганиш учун кўлланма...”

Лагердан келаётган хабарлар таскинбахш эди. Катта тарбиячи Букин холамга шундай деб ёзиби:

“Борис Довлатов лагерь тартибига қатъий риоя килади... Махбуслар ўртасида обрўйи яхши... Мехнат топшириқларини ортиғи билан бажаради... Бадиий тўгарак ишларида фаол...”

Акам бир хатида навбатчиликка тайинланганини, кейин — бригадир бўлганини, кейин — бригадирлар кенгашининг раиси ва ниҳоят — ҳаммом мудири лавозимига лойик кўрилганини ёзган эди.

Бу кишини ҳайратда қолдирадиган суръат эди. Лагерда бундай мартабага эришиш жуда кийин. Шу ғайрат билан эркинликда бюрократик раҳбариятнинг ёғли, сердаромад жойларига ўринашиб олиш ҳеч гап эмас. Масалан, тақсимот идораларига. У ёғи — далаховли, чет эл сафарлари...

Акам шиддат билан тузалиш йўлидан борарди. У лагернинг машъали эди. Унга ҳам ҳасад, ҳам ҳавас қилишарди.

Бир йилдан сўнг уни “кимё”га ўтказиши. Яъни, эркинликда яшашга. Махаллий кимё комбинатида ишлаш шарти билан.

Ўша ерда уйланди. Фидойи курсдоши Лиза кўргани борган экан. Декабристларнинг хотинига ўхшагиси қелган-да. Турмуш қуриб кўяқолишибди...

Бу орада эса мен университетдан ҳайдалдим, холос. Кейин армияга чакирилдим. Соқчилар ротасига тушиб қолдим. Лагерга назоратчи этиб тайинланиди.

Фалакнинг гардишини қарангки, мен соқчи, Боря — маҳбус.

Акамни кўриқлаган пайтларим ҳам бўлди. Лекин бу хол узоқка чўзилмади. У қунларни эслагим ҳам, гапиргим ҳам қелмайди. Гапирсам, адабий асарга ўхшаб қолади. Худди Шолоховнинг “Дон хикоялари”дай.

Мен соқчи, акам маҳбус — вассалом.

Иккаламиз деярли бир вақтда қайтдик. Акам озод этилди, мен хизматдан бўшадим.

Кариндош-уруғлар “Метрополь”да дабдабали зиёфат уюштириши. Асан акамнинг қайтиши нишонланди. Менинг шаънимга ҳам илиқ сўзлар айтилди, албатта.

Роман тоғам эҳтиросларини қўйидагича ифода этди:

— Шундай одамлар бўладики, улар судралувчи жонзотлардан фарқ қилмайди. Маконлари — ботқоқлик. Лекин шундай инсонлар ҳам борки, беихтиёр тоғ бургутлари кўз олдингга қелади. Улар қанотларини барага ёзиб, осмони фалакда парвоз қилишади. Келинглар, Боря учун — тоғ бургуги учун ичамиз! Илоҳим, булутлар ортда қолаверсин! Қани, олдик!

— Офарин! — дея қийкириши хеш-ақраболар. — Қойил, Боря! Тоғ бургуги, йигитларнинг гули!

Шунда Горькийнинг “Бўрон қуши қўшиғи” эсимга келди.

Тоғам овозини сал пасайтириб қўшимча қилди:

— Энди Серёжа учун, бургутча учун ичамиз! Тўғри, у хали полапон, қанотлари заифроқ. Лекин уни ҳам поёнсиз кенгликлар кутмокда!

— Худо асрасин! — дея ўтирган жойида бақирворди онам.

Тоғам у томонга бир сигирқараш қилиб қўйди.

Холам яна аллакимларга кўнғироқ қилди. Натижада акамни “Ленфильм”га ишга олишибди. Ёритувчими... шунга ўхшаш бир юумушга тиркаб қўйишибди.

Мен кўп нусхали газетага ишга жойлашдим. Бунинг устига, хикоялар ёза бошладим.

Акам хизмат пиллапояларидан жадал кўтарила бошлади. Кўп вақт ўтмай лаборант бўлди. Кейин — диспетчер. Кейин — катта диспетчер. Ва ниҳоят —

картина директорининг ўринбосари. Яъни, моддий ашёларга масъул шахс. Лагерда юрганида тузалишнинг машқини роса олган экан азамат. Мана, энди ўзини тўхтатолмаётганга ўхшарди.

Бир ойдан сўнг сурати “Хурмат тахтаси”га илинди. Уни режиссёрлар, операторлар ва шахсан “Ленфильм” директори Звонарёв яхши кўриб қолди. Фаррошларни айтмайсизми...

Тез кунларда картина директорлигига тайинлашни ҳам ваъда қилишган эди.

“Ленфильм”нинг ўн олти нафар кекса коммунисти унга партияга кириши учун тавсиянома ёзиб беришга тайёр туради. Аммо акам ҳамон иккиланарди.

У “Анна Каренина”даги Левинни эслатарди. Никоҳ арафасида Левин ёшлиқда қилган зиноларини ўйлаб эзилган бўлса, акамни ҳам шу масала кийнарди. Хўш, олдин жиноят қилган одам коммунист бўлиши мумкинми?

Кекса коммунистлар мумкин деб ҳисоблашарди...

Менга қиёслаганда акам тамом бошқача эди. Хушчақчақ, гапга чечан, ишибилармон. Уни ўта муҳим хизмат сафарларига жўнатишарди. Порлоқ келажагига ҳеч ким шубҳа қилмасди. Қамалиб чиққанига-ку бировни ишонтириш амримахол эди. Узоқроқ таниш-билишлар у эмас, мени турмада ётган деб ўйлашарди.

Иттифоқо яна нимадир содир бўла бошлади. Бирдан эмас, албатта, астасекин. Гўё равон тараляётган дилрабо куйга фийчиллаган ёқимсиз товуш аралишиб қолаётганга ўхшарди.

Акам ҳамон от устида эди. Мажлисларда нутқ сўзлар, хизмат сафарларига боришни канда қилмасди. Аммо ича бошлаган ва аёлларга айланишадиган одат чиқарган эди.

Уни бетайин давраларда учратадиган бўлиб қолишиди. У кўпинча пиёнистлар, чайқовчилар, ўзини Халхин-Гол қаҳрамони деб атайдиган мубҳам фахрийлар куршовида юради.

Кайфи тарқагач, яна мажлисга чопар, нутқ сўзлаб бўлиб дарҳол изига – улфатлари даврасига қайтарди.

Акам ўзининг оёғига ўзи болта ураётганини билмасди.

У уч кунлаб уйига келмасди. Кандайдир коски аёлларникида қолиб кетарди.

Бундай аёллар орасида ниҳоятда хунуклари кўп учрарди. Янгилишмасам, биттасининг исми Грета эди. Томогида буқори ҳам бор эди.

Бир куни акамга:

- Тузукроини топсанг ўласанми? — дедим энсам котиб.
- Тентак! — У мени жеркиб ташлади. — Ишхонасидан спирт олиб чиқишини биласанми? Хоҳлаганича олади!

Кўриниб турибдики, акам ёшлигига қулиғига қуийиб олган гапга хануз амал қиласкан: “Китоб билан аёл зотидаги энг муҳим нарса — шакл эмас, мазмун...”

Кейин Борис “Нарва” ресторанида официантни дўппослаб қўйди. Акам ундан “Сулико”ни чалишни талаб қилган...

Тез-тез милицияга тушадиган бўлиб қолди. Ҳар гал “Ленфильм”нинг партбюроси жонига ора киради.

Биз бу саргузаштлар нима билан тугашини кутардик...

Ёзда “Дауря” фильмини суратга олувчи гурух билан Читага кетди. Орқа-

сидан шумхабар келди; Борис давлат машинасида одам босиб кетибди. Тағин денг, совет армиясининг зобитини. Зобит ўлибди...

Бизнинг бўларимиз бўлди. Нима қилишимизни билмасдик. Читадан бир-бирига зид турли-туман хабарлар келиб турарди. Эмишки, Борис фирт маҳсулотда рулага ўтирган. Бошқа бир хабарга кўра, зобит ҳам кайфда бўлган. Албатта, бунинг энди аҳамияти йўқ, у ўлган...

Холамга ҳеч нарсани билдирамдик. Тоғаларим тўрт юз сўм пул йигиб беришди. Мен Читага учишим керак эди — нима гаплигини аниқлаш ва бирон бир маънили тадбир қўллаш учун. Маҳбусга ул-бул нарса киритиш, адвокат ёллаш ва ҳоказо...

— Иложи топилса, терговчининг оғзини мойлаш керак, — дерди Роман тоғам.

Йўл ҳозирлигини кўра бошладим.

Бирдан, ярим тунда, телефон жиринглаб қолди. Гўшакни олдим. Сукунат қаъридан қулоғимга акамнинг овози сирғалиб кирди:

— Ухлаётганидинг?

— Боря! — деб қичкириб юбордим. — Тирикмисан?! Отмайдими ишқилиб?! Мастмидинг?

— Тирикман, — деди акам. — Отмайди, отмайди... Фалокат-да... Ичмаган эдим... Нари борса тўрт йил берар. Сигаретни олдингми?

— Қанақа сигарет?

— Японларники. Чита Япония билан бир томонлама савдо битими тузган. Бу ерда “Хи лайт” деган ажойиб сигарет сотади. Туғилган кунингга бир ўрамини жўнатувдим. Олмадингми?

— Йўқ. Гап бунда эмас ҳозир...

— Нега энди? Зўр сигарет! Американинг лицензияси бўйича тайёрланган.

Сўзини бўлдим:

— Турмадамисан?

— Э, йўғ-э, — деб жавоб берди акам, — нафасинг курсин! Мехмонхонада-ман. Терговчи олдимга кептуради. Исми Лариса. Лўмбиллаган... Мана, сенга салом айтяпти...

Гўшакдан аёл кишининг овози эштилди:

— Ту-ту-ту, жўжагинам!

Яна акам гапни илиб кетди:

— Овора бўлиб Читага келиб юрма. Суд Ленинградда бўлади. Ойимнинг хабари борми?

— Йўқ.

— Яхши бўпти...

— Боря! — деб қичкирдим яна. — Нима жўнатайлик? Аҳволинг оғирдир? Ҳархолда, одам ўлдиргансан! Одам ўлдиргансан!

— Бақирма мунча. Зобитлар ўлиш учун туғилади-да. Яна қайтараман — фалокат бу, тасодиф... Ҳа, айтгандай, юборган сигаретларим қаёққа фойиб бўлдийкан?

Ҳеч қанча вакт ўтмай Читадан ўша ҳодисанинг икки нафар иштирокчиси келди. Жумбок ойдинлашди. Уларнинг гапига қараганда, бундек бўлган.

Кимнингдир туғилған куни экан. Шуни табиат қўйнида нишонламоқчи бўлишади. Боря эса кечкурун давлат машинасида келиб, даврага қўшилади. Одатдагидай, ичкилик етмай қолади. Дўконлар берк. Мехмонларнинг таъби тирриқ. Шунда Боря отилиб чиқади:

— Самогон топиб келаман! Ким мен билан боради?

Кайфи борлиги учун уни шаштидан қайтармоқчи бўлишади. Акам оёқ тираб туриб олади. Пировардида уч киши у билан бирга жўнайди. Машина ҳайдовчиси ҳам орқа ўриндиқда мудраб бораётган экан.

Ярим соат ўтар-ўтмас, мотоциклни уриб кетишади. Эгаси хушига келмай жон беради.

Ҳамма талвасага тушади. Аммо акам ҳушёр! Қароридан қайтмайди, яъни самогон излаб кетади. Ўн беш минутда топиб, даврадошларини обдон сийлайди. Сал ўзига келган ҳайдовчига ҳам ичиради. У яна пинакка кетади.

Ана шундан кейингина акам милицияга қўнфироқ қиласди. Изқуварлар тезда етиб келишади.

Мурда ва мажақланган мотоцикль дарров топилади. Тезкор ходимлар каршисида тўрт нафар маст одам чайқалиб турарди. Уларнинг орасида энг ҳушёри акам экан.

— Ҳайдовчи ким? — деб сўрайди лейтенант Дудко.

Акам хуррак отиб ётган ҳайдовчини кўрсатади. Уни мошинага ортишади. Бошқаларни уй-уйларига элтиб қўйиб, манзилларини ёзиб олишади.

Акам уч кунгача яшириниб юради. Баданида спиртдан асар қолмагач, милицияга келиб, айбига икрор бўлади.

Бу вақт орасида ҳайдовчи ҳам ўзига келади. Уни дастлабки тергов камерасига қамаб қўйишган экан. У кайфда одам босиб кетганига чиппа-чин ишонади.

Кутилмаганда акам кириб келиб, рулда мен ўтирган эдим, дейди.

— Нега бўлмаса Крахмальниковни кўрсатдингиз? — дейди лейтенант аччиқланиб.

— Сиз ҳайдовчи ким деб сўрадингиз, мен жавоб бердим...

— Уч кундан бери қайси гўрда юрувдингиз?

— Кўрқиб кетдим-да, хўжайн...

Акамнинг юзидаги сохта ифодани лейтенант пайқайди.

— Кўрқканмишлар-а!

Кейин тағин савол беради:

— Ўшанда кайфингиз бормиди?

— Мутлақо! — дейди акам.

Аммо энди хеч нарсани исбот қилиб бўлмасди. Базми жамшид иштирокчилари, Боря ичмаган эди, деб бир гапда туриб олишади. Ҳайдовчи ишхонаси берган ҳайфсан билан кутулиб кетади.

Акам билиб йўл тутган эди. Энди уни кайфда рулга ўтирган киши сифатида эмас, баҳтсиз ходиса сабабчиси сифатида суд килишади.

Терговчи Лариса акамга бундай деган экан:

— Сен хатто тўшакда ётиб ҳам терговни чалғитасан...

Бир хафтадан кейин Борис Ленинградга келди.

Бу вақтда холам ҳаммасидан хабардор эди. Йиғлаб-сиқтаб ўтиrmади. Ми-

лицияда таниши бор ёзувчиларга қўнғироқ килди. Яна ўша — Юрий Герман, Меттер, Сапаров.

Шулар туфайли акамга тегишимади. Судгача тинч қўйишиди. Фақат, шахардан жилмаслик тўғрисида тилхат олишди.

Бир куни уйимизга акам кириб келди.

— Сен Ленинград яқинида хизмат қилгансан-а? Шу атрофдаги лагерларни ҳам биларсан?

— Ҳа, Обуховода бўлганман... Горёловода, Пискарёвода ҳам бўлганман.

— Ҳўш, сенингча, қайси бирида ётганим маъқул?

— Обуховода тартиб сал юмшоқроқ, назаримда.

— Яхшиси, бориб кўриб келамиз...

Обуховога жўнадик. Казармага кирдик. Навбатчи билан гаплашдик. Эски танишларни суриштирилди. Ҳаял ўтмай казармага сержантлар Годеридзе билан Осипенколар чопиб киришиди.

Кучоклашиб кўришдик. Уларга акамни таништирилди. Лагернинг эски маъмуриятидан кимлар қолганини сўрадим.

— Капитан Дерябин, — дейишиди улар.

Капитан Дерябинни яхши биламан. Кўнгли очиқ, аракқа тўймайдиган бир одам. Мен хизмат қилган кезларда у лейтенант эди.

Зонага қўнғироқ қилдик. Дерябин бир зумда етиб келди.

— О-о! — деб кийқирди у осто наданоқ. — Серёга кепқопти-ку! Қайси шамол учирди? Ўзгариб кётибсан-а, хумпар! Ёзувчи бўпкетган деб эшийтдим, шу ростми? Рост бўлса, сенга ёзадиган нарса топиб қўйганман. Кулоқ сол. Шу десанг, сантехниклар бригадасини ишга опчикувдим. Соқчи тайинлаб, ўзим ёзилгани кетсам, бир маҳбус кочмоқчи бўпти. Ростдан ҳам қочибди. Йўқ, учиб кетибди. Ҳа, ҳа, парвоз қипти. Шериклари девор ёнида ўсган қарағайнинг учини эгишибди-да, маҳбуснинг кўлтиғидан ўтказилган монтаж қайшини дарахтнинг учига илиб, уни кўйиб юборишибди. Маҳбус қарағай қаддини ростламасдан бурун қайишни ечиб юбориши керак экан. Аммо мўлжални хотўғри олган шекилли, қор уюми устига эмас, тўппа-тўғри военкоматнинг ховлисига бориб тушибди. Ановини қара! Ҳа, сенбоп яна бир деталь — уни қўлга олаётганларида военкомнинг бурнини тишлавопти, хумпар!

Мен Дерябинни акам билан таништирилди.

— Лёха, — деди капитан қўлинин чўзиб.

— Боб.

— Бир иш бор, — дедим Дерябинга, — ўзингдан қолар гап йўқ...

Биз казармадан кўра ўрмон четидаги ялангликни маъқул кўрдик. Годеридзе билан Осипенкони ҳам таклиф қилдик. Портфелдан тўрт шиша “Зверобой”-ни олдик. Ағанаб ётган арча устига тизилишдик.

— Ўлмагунча яшайверайлар! — дейишиди турмачилар стаканларни чўкишириб.

Сал ўтмай акам билан Дерябин оғиз-бурун ўпиша бошлишди. Айни пайтда Боря саволни ҳам канда килмасди:

— Ичкари иссиқми? Блокпостларда соқчи итлар нечта? Кўриқлашнинг камера принципига риоя қилинадими?

— Фам ема, — дейишиди янги улфатлар.

— Яхши зона, — деди Годеридзе, — дам оласан, майшат қиласан, уйингта сал эт қўйиб кетасан-да...

— Дўкон ҳам узоқ эмас, — дея гапни илиб кетди Осиенко. — Оқидан дейсанми, қизилидан дейсанми, пивоми...

— Мен боримда ётиб қолинглар, йигитлар. Лёха Дерябинни ишдан бўшатишка, ахволингизга вой... Ўрнимга қандайдир тўлиқсиз олий маълумотли кишилар келиб қолса, ана ўшанда эслайсизлар мени!...

Боря унинг уй телефонини ёзиб олди.

— Мен ҳам ёзволай, — деди Дерябин.

— Ҳожати йўқ, — деди акам, — бир ойдан кейин шу ерда бўламан.

Электропоездда уйга қайтаётганимизда:

— Бошланиши чакки эмас, — деб қўйди у.

Мен йиглаворай дедим. Ё “Зверобой” таъсир қилдими...

Ҳеч қанча вақт ўтмай суд бошланди. Акамни яна ўша адвокат Киселёв ҳимоя қилди. Залда ўтирганлар унинг гапларига карсак чалиб туришди.

Қизиги шундаки, ҳалок бўлган зобит Коробченко эмас, менинг акам жабрланувчига айланаб қолди.

Пировардида адвокат бундай деди:

— Инсон ҳаёти кўпдан-кўп хатарли бурилишлари бўлган тоғ йўлини эслатади. Менинг ҳимоямдаги судланувчи ана шундай бурилишлардан бирининг курбони бўлди.

Акам яна уч йилга кесилди.

Суд бўлаётган куни Читадан бандероль олдим. Унда японларнинг ўн кути “Хи лайт” сигарети бор эди.

Боряни Обуховога жўнатишиди. Шароит яхши, соқчилар меҳрибон деган мазмунда хатлар келиб турди.

Капитан Дерябин сўзининг устидан чиқадиган одам экан. Акамни нон кесувчиликка қўйибди. Турмада бу — катта мансаб.

Бу орада акамнинг хотини қиз туғди. Бир куни менга қўнғироқ қилиб:

— Боряни кўришга рухсат беришди. Бўш бўлсанг, бирга борайларик. Чақалоқ билан қўйналаман, — деб қолди.

Тўрт киши йўлга тушдик — холам, кеннойим Лиза, икки ойлик Наташа ва мен.

Августнинг диққинафас куни эди. Наташа манзилга етгунимизча йифидан тўхтамади. Лиза ҳолдан тойди. Холамнинг бошига оғриқ кирди.

Мана, нихоят, учрашув бўладиган хонадамиз. Бу ерда биздан бошқа яна олти киши бор эди. Маҳбусларни шиша тўсик биздан ажратиб турарди.

Лиза чақалоқни йўргакдан ечди. Акамдан дарак йўқ. Сокчининг олдига бордим:

— Кани Довлатов?

— Кутинглар, — деди у тўнғиллаб.

— Навбатчига қўнғироқ қил, акамни чақирсин. Лёха Дерябинга келганимни айт.

Соқчи сал паст тушди:

— Мен Дерябинга бўйсунмайман. Менинг хўжайиним бошқа.

— Бўлақол, оғайничалиш!

Шу пайт акам келиб қолди. Эгнида лагерь коржомаси. Мошинкада олинган сочи сал ўсибди. Ранги тиник, тўлишган.

Холам туйнукдан олма, колбаса ва шоколад узатди.

Лиза нуқул қизига гапиради:

— Ана даданг, кўрятсанми, ана даданг...

Акам негадир мендан кўз узмасди.

— Шимингнинг аҳволини қара, — деди у нихоят, — ранги ҳам молбўқими-еий... Бир яхудий билан танишириб қўяйми? Зонада қулингўргилсин шимлар тикади. Ленинградда ҳам унга тенг келадигани йўқ.

— Э, қўйсанг-чи! Шу тобда менинг ташвишимни қиласанми?

— Кўркма, — дея давом этди у, — текин. Пул бераман, шимбоп газмол оласан, яхудий тикиб беради. Бунака юриш ярашмайди сенга.

— Пул бераман?! — Холамнинг кўзлари ола-кула бўлиб кетди. — Пул нима қиласиди сенда? Лагерда пул олиб юриш мумкин эмас-ку!

— Пул микробга ўхшаган нарса, — деди Борис, — ҳамма ерда бўлади. Мана, коммунизм курсак — балки бошқача бўлар...

— Қизингга бир қараб қўйсанг-чи, — деди Лиза ялингандай.

— Кўрдим, кўрдим, ажойиб кизча.

— Овқатлари тузукми? — деб сўрадим Борисдан.

— Мазаси йўқ. Мен ошхонага бормайман. Бирортасини гастрономга жўната-миз. Лекин тушдан кейин ҳеч нарса топиб бўлмайди. Бу Никита тушмагур қишлоқ хўжалигини барбод қилди. Бир вақтлар бутун Оврупони боқканмиз-а! Эндиғи умид — хусусий сектордан...

— Секинроқ, — деб қўйди холам.

Акам хизмат муддати тугаганидан кейин қолиб ишлаётган бир йигитни ча-кириб, қулоғига бир нималар деди. У ўзини оқлай бошлади. Узук-юлуқ гап-дари қулоғимга чалинди.

— Илтимос қилувдим-ку, — дерди акам.

— Тўғри. Ташвишланма. Ўн минутда келади.

— Ўн икки яримга, деганман.

— Иложи бўлмади-да.

— Мени хафа қилдиларинг.

— Боря, мени биласан-ку... Гапим — гап. Толик беш минутдан кейин шу ерда бўлади...

— Лекин хозир ичгимиз келяпти.

— Нима гап ўзи? — деб сўрадим акамдан.

— Бир арбобни арақقا жўнатувдим, ҳалигача йўқ... Бу ер ҳарбий бўлинма эмас, капитархона...

— Карцерга тушасан, — деди Лиза.

— Нима, карцердагилар одаммасми?!

Чақалоқ яна йигини бошлади. Лиза тумтайди. Акамнинг беэътиборлигидан хафа бўлган эди. Холам кетма-кет дори юта бошлади.

Учрашув вақти тугаб борарди. Махбуслардан бирини деярли судраб олиб кириб кетишиди. У орқасига қайрилиб, кўргани келган хотинига бақирди:

— Надъка, бировга иштонингни ечсанг — ўлдираман! Ернинг тагидан бўлса хам топиб, абжалингни чикараман! Мени биласан-а?!

— Кетайлик, — дедим мен, — вактимиз тугади.

Холам юзини бурди. Лиза нуқул чақалонини силкитарди.

— Арақ-чи? — деди акам.

— Ўзларинг ичаверинглар.

— Сен билан ичмоқчи эдим-да.

— Кераги йўқ, ака, ҳозир кўнгилга сифармиди...

— Ҳа, майли... Лекин анови Толикни барибир аспаласопинга жўнатаман.

Мен учун инсондаги энг муҳим фазилат — масъулиятни ҳис эта билиши.

Шу пайт шиша кўтариб, ҳаллослаганча Толик келиб қолди.

— Мана, бир сўму ўттиз тийин қайтими...

— Мен кўрмай қўяқолай, — деди навбатчи Боряга сирланган кружкасини тутатуриб.

Акам чапдастлик билан кружкани тўлдириди. Ҳамма бир култумдан иди. Махбуслар хам, кўргани келганлар хам, назоратчи хам, хатто навбатчи хам четда колмади.

Соқоли ўсган бир маҳбус кружкани баланд кўтариб хитоб қилди:

— Буюк ватанимиз учун! Шахсан ўртоқ Сталин учун! Фашистлар Германияси устидан қозонган ғалабамиз учун! Барча тўплардан бараварига ўт очисин — бабах!

— Яшасин Имре Наднинг ашаддий реакцион тўдаси! — дея уни қўллаб-кувватлади бошка бир маҳбус.

Навбатчи акамнинг елкасига аста қўлини кўйди:

— Боб, сен борақол энди.

Биз хайрлашдик. Туйнуқдан акамга қўлимни узатдим. Холам ўғлига мўлтираб каради. Лиза бирдан ўкириворган эди, чақалок уйғониб кетиб чириллай бошлади.

Зонани тарқ этдик...

Орадан бир йиљча ўтди. Акамдан хат келиб турди. Ҳамон нон кесаркан. Дерябин пенсияга чиқкач, Боряни электр монтёргига ўтказишибди.

Кейин уни Ички ишлар бошқармасининг вакили сўроқлаб кебди. Лагерлар тўғрисида ҳужжатли фильм яратишга қарор қилишган экан. Совет лагерлари — дунёдаги энг инсонпарвар лагерлар экани хақида. Фильм факат хизмат доирасидагина намойиш этилармиш. Номи: “Ахлок тузатиш меҳнат колонияларини қўриқлаш усуллари”.

Акам узоқ-яқин лагерларни айланиб чиқибди. Унга “ГАЗ-61” мосинасини бериб қўйишибди. Зарур ускуналар билан таъминлашибди. Акамни икки сокчи — Годеридзе билан Осиенко ҳар доим қўриқлаб юраркан.

Борис уйга хам тез-тез келиб турарди.

Ёзга чиқиб фильм тайёр бўлади. Борис бир вақтнинг ўзида хам кинооператор, хам режиссёр, хам дикторлик вазифасини бажариби.

Июнь ойида фильм раҳбарларга кўрсатилиби. Залда нуқул генераллар билан полковниклар эмиш. Муҳокама чоғида генерал Шурепов:

— Яхши, керакли фильм... — дебди. — Худди “Минг бир кечা”нинг ўзгинаси!

Борисни мақташибиди. Сентябрға қолмай озодликка чиқаришни ҳам вაъда қилишибиди.

Акамнинг табиатидаги энг асосий хислатни мана энди англаб етгандекман. У беором, бебошу беҳаловат турмушни хуш кўраркан. Боря фавқулодда вазиятлардагина эркин нафас олиши мумкин. Қамоқда мартаба орттиради, жар ёқасига келиб қолганида яшаш учун курашади.

Нихоят уни озод қилишди.

Бу ёфи такрор. Чархпалак яна ишга тушди. Холам Юрий Германга қўнғироқ қилди. Акамни хужжатли фильмлар студиясига оддий ишчи қилиб олишибиди. Икки ойдан кейин у овоз оператори бўлди. Ярим йилдан сўнг эса — таъминот бўлимининг бошлиғи.

Айни ўша кунларда мени ишдан бутунлай хайдашди.

Мен хикоя ёзар ва онамнинг нафақасига кун кўрар эдим...

Холам касалга чалиниб оламдан ўтгач, қоғозлари орасидан қўйкўз, истараси иссиқ бир кишининг сурати чиқиб қолди. Бу Кировнинг ўринбосари — Александр Иванович Угаров эди. Акамнинг худди ўзи. Сал ёшроқ қўринади, холос.

Боря отаси кимлигини олдин ҳам биларди. Энди очиқласига гаплашдик.

Акам ота томон қариндошларини излаб топса бўларди. Лекин хоҳламади. Гапимни чўрт кесди:

— Менга ўзинг стиб-ортасан. Бошқа одамнинг кераги йўқ.

Кейин ўйланиб туриб, кўшиб қўйди:

— Қизиқ! Мен — чала русман. Сен — чала яхудийсан. Аммо иккаламиз ҳам арак билан пивога ўчмиз-а...

Етмиш тўққизинчи йили мен мухожиротга кетишга аҳд қилдим. Акамни қистасам, қўнмади.

У яна ича бошлаган, ресторонда муштлашмаган куни йўқ эди. Тепасида ишдан хайдалиш хавфи муаллақ турарди.

Шунда бир нарсага қатъий ишонч хосил қилдим: эркинликда яшаш Бориснинг мижозига ёқмас экан, унга — қамоқ тузук экан.

Охирги марта ўтниндим:

— Кетайлик.

Акам маъюс жавоб қайтарди:

— Ке, қўй. Менга тўғри келмайди, — деди у. — Яхудийлигимни исботлаш учун идорама-идора лўқиллашпим керак... Бундан ортиқ таҳқир бўладими... Арагимдан қўймасин. Ичвосам бас — менга Нью-Йорк нимаю Ленинград нима! Пошшодек юравераман...

Аэропортда акам кўзёши қилди. Қарибди чоғи. Иннайкейин, қузатиб қолишдан кўра жўнаб кетиши ҳамиша енгил кечади...

Мана, тўрт йилдирки, мен Нью-Йоркда яшайман. Ленинградга мунтазам посолка жўнатиб тураман. Бир куни, кутилмаганда, у ёқдан бандероль келди.

Почтахонадаёқ очдим. Қарасам — Олимпия ўйинлари рамзи туширилган хаворанг кўйлак. Яна — шиша тикинини суурадиган кўлбола очқич.

Ўйланиб қолдим — шунча йил яшаб, эсда қоладиган, мен учун табаррук нима бор ўзи? Кейин топдим: тўрт чақмоқ қанд, японларнинг “Хи лайт” сигарети, хаворанг кўйлак ва мана шу очқич...

САНЪАТ ФАЛСАФАСИ

Абдулла УЛУГОВ

O'YGA TOLDIRUVCHI RANGLAR


Одатда киши яхши кўй-қўшиқ тингласа ёки бетакрор меъморий обидаларни томоша қилса, қалбидা беихтиёр аллақандай ёруғ ҳислар пайдо бўлади. Тасвирий санъат асарлари ҳам шундай таъсир қиласди — бир зумга бўлса-да, сизни турмуш ташвишларидан узоклаштиради. Шу боис пейзаж, портрет, картиналар қаршисида одам бамисоли бошқа бир оламга тушиб қолади.

Сирасини айтганда, барча санъат асарларида қалбга таскин ва тасалли берадиган, завқ-шавқ бағишлайдиган жозиба, сирсиноат бўлади. Одамларнинг санъатга талпиниши сабаби шунда. Пойтахтимиздаги Тасвирий санъат галереясида, Марказий кўргазмалар залида, Замонавий санъат марказида намойиш этиладиган санъат асарларини томоша қилаётганда ҳар гал кўнгилдан шундай ўйлар кечади. Жумладан, истеъоддли рассом Тўра Шомирзаев ижоди ҳам бундан мустасно эмас. Унинг Замонавий санъат марказида намойиш этилган рангтасвир асарлари санъат ихлосмандлари, мутахассислар эътирофини қозонди. Негаки, Тўра Шомирзаев чизган манзара, портрет ва


картиналар кўнгилда ёқимли ҳислар уйғотади. Бу асарлар ребуснома турли шакл ва ифодалардан, мавхум жимжималардан холи.

Тўра Шомирзаев асарларида ҳаётнинг кундалик воқеалари ўз ҳолича — соддалиги ва дағаллиги билан гавдалантирилади. Лекин ана шу оддий тасвир ҳеч кимни бефарқ қолдирмайди. Улар кўнгилда қандайдир оғриқ пайдо қиласди. Лекин бу оғриқ кишига малол келмайди, оғир ботмайди. Аксинча, ёқимли туюлади.


Албатта, одатда санъат асарлари ҳар кимга ҳар хил таъсир кўрсатади. Улар кимнингдир кўнглида ёруғ ҳислар уйғотса, кимгадир маъқул келмайди. Тўра Шомирзаев асарлари ҳақида ҳам шундай дейиш мумкин. Улар аввало сарик, қизғиши рангларнинг кўп қўллангани билан эътиборни тортади. “Сарик ранг — Шарқ қўёшининг заррин нурлари тимсоли. Офтобнинг бунчалик зўр “мехри” куз охирлаганда дов-дараҳтлар, ўт-ўланлар баргидা ҳам яққол намоён бўлади. “Сарик-қизғиши ранг — Шарқ заминига қўёшдан тўкиладиган нурнинг қиёфаси”, дер эди рассом Рўзи Чориев хазон бўлган япроқларни




2



3



4



1. Осойишталик
2. «Ким у?»
3. Бизникида меҳмандорчиллик
4. Кекса дарахт

кафталрига олиб авайлаб силар экан. Шу боис асарларида сариқ рангни кўп ишлатарди. Шундай санъат асарларига узоқ тикилиб қоларди. Шарқ миниатюралари, хусусан, Камолиддин Беҳзод, Маҳмуд Музахиб сингари мумтоз мусаввирларимиз асарлари асосан сариқ-қизгиш, қорамтири рангда ишланганини таъкидлар эди. Қадимий қўллэзмалар, меъморий обидаларда ҳам бу рангдан кенг фойдаланилгани аниқ билиниб туради. Эҳтимол, бунинг ҳам ўзиға хос сир-синоати бордир? Балки шарқликлар инсон ҳаётидаги синов ва машаққатларни ҳам шу ранг воситасида рамзга айлантиргандир?

Тўра Шомирзаев ҳам, қадим мусаввирлар анъанасини ардоқлаган устозлари изидан бориб, ҳаёт манзараларини ана шу ранглар орқали тасвиirlайди. Унинг “Ҳаёт”, “Машаққатли йўл”, “Танҳолик”, “Эзгулик ва ёвузлик” каби асарларида қўлланган ранглар шундан далолат беради. Рассом бу асарларида турмуш ташвишларидан қадди букилган, руҳан эзилган аёллар қиёфасини гавдалантиради. Уларнинг заҳмат ва машаққатга тўла таржима ҳолини кўрсатиш учун сариқ рангнинг турлича товланишларини қўллади. Рассом асарларида ҳаёт қувончу шодликларидан кўра унинг укубатлари кўпроқ акс этиши бежиз эмас.

Тўра Шомирзаев ҳам, худди Рўзи Чориев сингари, ота-онасидан эрта ажralиб, етимхонада меҳрга зор бўлиб ўсган. Уруш даври, ундан кейинги йиллардаги очарчилик азобларини тортган. Аммо бу машаққатлар унинг дийдасини қотириб, қаҳри қаттиқ, шафқатсиз кимсага айлантиrmаган. Эҳтимол, бунда ҳам бир ҳикмат бордир. “Тўра Шомирзаев болалиги укубатли кечгани билангина эмас, балки соддалиги, ўз манфаатига фирт тескари, ғалати ишлар қилиб юриши билан ҳам Рўзи ақага ўхшайди. Рўзи ака ҳеч қачон эртанги куннинг ташвишини қилмас эди. Унга бугунги куни ўтса кифоя эди. Қадрдонлари “Эртани ўйланг” деб кўйиниб маслаҳат беришса, “Эртанинг ризқини эгаси беради” деб, қуҷоқларини кенг ёзганча завқланиб куларди. Топган пулени теварак-атрофидагиларга улашиб чиқарди-да, ўзи қоқ-қуруқ қоларди”, дейди ёзувчи Нодир Норматов.

Тўра Шомирзаев, болалик тақдиридаги ўхшашлик боисми ёки руҳиятидаги яқинлик-

данми, Рўзи акани жуда қадрлар эди. 1987 йили Ленинградда (ҳозирги Санкт-Петербург) Рўзи Чориев асарлари кўргазмаси ўтказилганида хотини билан ўша ерга борганди. “Рўзи акадек дардкаш, қалби бегубор одамлар ноёб. Бундай одамлар билан ҳамсuxbat, қадрдан бўлиш чинакам баҳт эканини киши кейинчалик англаб етар экан... Рўзи Чори яратган портретлар, картиналар тасвирий санъатимизнинг бекиёс бойлиги”, дейди у тўлқинланиб.

Тўра Шомирзаев ҳам, худди Рўзи ака каби, манзарани шундогича эмас, қайсиdir жиҳатларини бўрттириб ифодалайди. Унинг дикқатини кишиларнинг фамгинлиги, ташвишли қиёфаси кўпроқ жалб этади. Масалан, “Машаққатли йўл” асарида (2000 йил) бир ғарам ўтин кўтариб, ўнқир-чўнқир тоғ сўқмоғидан тушаётган аёл тасвиirlangan. У оғир юқдан қадди букилганча хотиржам одимлайди. Устига ўтин ортилган эшак эса бу хатарли тош сўқмоқдан тушшига чўчиб, оёқ тираганча тўхтаб қолган. Бошига оқ рўмол ўраган, этаклари узун кўкиш кўйлаги устидан қизгиш тусли енгли нимча кийган аёлнинг юзи аниқ кўринмаса-да, унинг хотиржамлиги, ҳаётнинг укубатларига кўникканни билиниб туради. Ҳар қалай, томошабинда у шундай таассурот ўйғотади.

Елкасидаги ўтини эса унинг умри давомида тортган машаққатли меҳнати рамзи-дек туюлади. Ўтиннинг, аёл устидан ўтиб бораётган қиррали ҷағир тошларнинг сарғиш тусда тасвиirlanganни ҳам инсоннинг ҳаёт йўли риёзатга тўла экани тўғрисида ўйга толдиради. Рассомнинг “Ҳаёт” асари ҳам дунё фақат байрамлардан иборат эмаслиги, инсон истаса-истамаса, турмуш машаққатларини тортиб яшашга маҳкум экани, кимдир қувонса, кимдир унга ҳасад қилиши тўғрисида ўйлатади. Узун эгри таёқни ҳасса қилиб тутганча оёқларини зўрға судраб босаётган буқчайган кампир иргишилаб ўйнаётган эчкига норози бўлиб ғашланиб қараб туриби. У сарғиш кўйлаги устидан енгли қора яктак кийган. Ёқаси билан бўйни, бозини зич ўраган. Бошидаги оқ рўмоли аранг кўринади. Мусаввир қайғудан эзилиб, аламзадага айланган кишига бошқаларнинг ўйин-кулгулари хуш келмаслигини шу тарзда таъкидлайди. Аммо рассом тасвиirlagan бу кампир эртак ва мультфильмлардаги жодугар,

ялмоғиз каби салбий тимсоллардек кишининг ғашини келтирмайди. Кампирнинг оғриқдан буришган юз-кўзида умри азобда ўтганига афсусланиши аён кўриниб туради. Тўра Шомирзаевнинг аёллар қиёфаси акс эттирилган асарлари "Жаннат оналар оёғи остида" деган ҳадис бежиз эмаслиги, аёллар рўзгор, тириклилк ғамида тортган қийинчиликлар эвазига ҳар қанча эъзозланишга муносиб эканига ишонтиради.

"Машакатли йўл", "Ҳаёт", "Ховли", "Қоровул", "Ёлғизлик", "Эзгулик ва ёвузлик", "Садоқат", "Бахши чўпон" асарларига синчилаб қаралса, рассом вокеликни юкоридан туриб тасвиrlагани аниқ билинади. Сарик, қизғиш, қора ранглар орқали ифодаланган манзара ва ҳолатлар рассом қалбидан оғриқ бўлиб сизиб чиққани боис ҳам кишини бефарқ қолдирмайди.

Тўра Шомирзаевнинг аксарият асарларида кўпчиликнинг эмас, балки якка бир кишининг турли ҳолати тасвиrlанади. "Ёлғизлик"даги кампир кўк кўйлак кийиб, бўшига катта оқ рўмол ташлаб олган. Рўмол унинг елкасини, қўлларини ҳам ёпган. Оқ рўмол остидан бир бурдагина бўлиб кўринган юзи сарғиш тусда. Тиззалари устида турган кафтлари, узун-узун бармоқлари ҳам шу рангда. Кафтлари ва бармоқларидаги даваллик кампирнинг умри осоишта ўтмагани, тириклилк йўлида у турли оғир юмушларни бажарганини билдириб туради. Эчки ҳам хотиралар уммонига чўмганча маҳзун хаёл сураётган кампирга ажаблангандек қарайди. Кампирнинг ортида тоғ, катта-кичик тошлар туради. Улар сарғиш, қизғиш тусда. Рассом бу асарида ҳам тоғ-тошларни инсон ҳаёт йўлининг тимсоли сифатида кўрсатади. Қизиги шундаки, рассом тоғ тошларни қаҳрамонларидан кичик, майда қилиб тасвиrlайди. Шу тариқа инсоннинг табиат гултоҳи эканига ишора қиласди.

Тўра Шомирзаев асарларида Гоген, Матисс сингари машхур мусавиirlар асарларига хос бадиият мужассам. Бу унинг сарик, қизил, кўк ва қора рангларни ўйғун ҳолда кўллай олишида яққол кўзга ташланади. Хусусан, "Садоқат" (1996), "Уйку" (2000), "Эзгулик ва ёвузлик" асарлари Оврупо рассомлари асарларини ёдга солади. Умуман, вокеликка мос ранг танлай билиш Тўра Шомирзаев асарларининг ўзига хос жихатидир.

Мусавиirlинг "Бахши чўпон" асарида тоғ тошлар орасида завқу шавққа тўлиб достон куйлаётган киши тасвиrlанади. Рассом бахшининг айни ҳолатини бадиий ифодалашда қизғиш рангдан фойдаланади. Бахшининг юзи ҳам, кийими, салласи ҳам, чўпон таёғини худди дўмбира дастасидай тутиб турган чап қўли ҳам қизғиш тусда. Бу ранг бахшининг кўёш қизариб ботаётган паллада жўшиб достон куйлаётганини билдиради. Қизғиш ранг бахши чўпоннинг достон воқеаларидағи шиддатини, қаҳрамонлар муҳаббатию изтиробини қалби жунбушга келиб куйлаётганини аниқ ифода қиласди. Инсон кайфияти ва ҳолатини ранглар воситасида гавдалантириш мусавиirlарини баҳолашда бош мезон саналади. "Машакатли йўл", "Танҳолик", "Эзгулик ва ёвузлик", "Садоқат", "Уйку" каби асарлар мувалифнинг рассом сифатида ижодий балоғатга эришганини кўрсатади. Негаки, бу асарларда ҳаётнинг жонли бир лавҳаси таъсиридан гавдалантирилади. Улар ҳазин қўшиқдай, мунгли шеърдай таъсири қиласди кишига.

Тўра Шомирзаев асарларида айнан сарик, қизил, кулранг ва кўк рангнинг кенг ўрин эгаллаши унинг кулол экани билан ҳам боялиқ. Кўза, товок, гултувак сингари сопол буюмларга нақш ва гуллар айни шу рангларда чизилади. Чунки шу ранглар лойдан ясалган буюмларга кўпроқ мос келади, уларни жозибали кўрсатади.

Ҳаётни бутун мураккаблиги билан тасвиrlаш, унинг ҳар бир лаҳзаси қадрли эканини англашга даъват — рассомнинг бош мақсади. Болалигидан санъатга ихлос кўйган Тўра Шомирзаев Тошкент шахридаги П.Бенков номидаги рассомлик билим юртини томомлаган, Тошкент театр ва рассомлик институтида таълим олган, Самарқанд меъморлик институтида талабаларга дарс берган, Тошкент, Самарқанд, Фарғонадаги кўпгина иншоотларга деворий лавҳалар ишлаган.

Барча ижодкорлар каби у ҳам ҳаёт ҳодисаларига, одамларнинг қувонч ва ташвишларига бефарқ қарай олмайди. Кечинмаларини рангтасвиrlарда ифодалаш орқали кишини тафаккурга, турмуш зиддиятлари моҳиятини англашга ундейди. Рассомнинг турли кўргазмаларда намойиш қилинаётган асарлари шундан далолат беради.

Абдуғафур РАСУЛОВ



НАҚІҚАТПАРАСТ

Устоз Озод Шарафиддинов 2005 йил 4 октябрда, муборак моҳи рамазоннинг биринчи кунида вафот этдилар. Домла қайси савоб-амаллари учун бундай илохий сийловга мушарраф бўлдилар? Озод ака етмиш йил китобга дўст тутиндилар. Бунчалик бой кутубхонага эга бошқа бир зиёлини топиш маҳол. Тўғри, жавонга бўй-басти, ранг-тусига кўра кўплаб китоблар терилган, лекин тахи очиб кўрилмаган кутубхоналар бор. Озод аканинг кутубхонаси ҳамиша ҳаракатда — тирик эди. Домла қайси китоб қаерда туришини, унда нима ҳақда ёзилганини яхши билардилар, ўқиганларини теран мушоҳада этардилар.

Мен ўтган асрнинг 70-йилларидан бошлаб Озод ака билан Узоқ Шарқда (Иркут, Хабар ўлкасида); томи жаҳон (жаҳон томи) Тоғли Бадахшон ўлкаси, Хоруғ шахрида; Арашон воҳасида, тоғ орасидаги афсонавий Фиён қишлоғида, кўхна Боботогу Амударё бўйларида сафар-саёҳатда бўлганман. Қачон, қаерда бўлмайлик, Озод ака саҳармардонда турар, ювениб-тараниб олгач, албатта китоб ўқирди. Домла, ҳеч муболағасиз, юртимиздаги деярли барча китоб базаларини, дўконларини билар, китоб сотувчилар билан эринмай сұхбатлашарди. Китоб савдосига алоқадор одам борки, домлани ҳурмат қилар, унга бисотидаги энг нодир китобларни илинарди. Устоз бир умр фийбат, бекорчи гаплардан йироқ бўлдилар; ўқидилар, уқдилар, илм билан шугулландилар, кўп ва хўб ёздилар. Китобга, илмга эътиқод қўйган одам Оллоҳнинг суйгандан бандаси бўлишига ишонасан киши.

Инсонни эъзозлаш — донишманд одамларнинг етакчи фазилати. Озод Шарафиддинов умрининг олтмиш



икки йили шўро даврида кечди: не-не амалдорларни, қамчисидан қон томган не-не тўраларни, кулиб туриб жонни оладиган не-не догоуларни, устаси фаранг — мунофиқларни кўрмади, кимлар билан тўқнашмади дейсиз?! Асосийси шуки, Озод аканинг қалби тошга айланмади, инсонга ишончи сўнмади. Аксинча, ёшига ёш кўшилгани сайн устоздаги кечиримлилик, мурувват тўйғуси орта борди. У, ўзи оғир хаста бўлишига қарамай, беморлар ҳолидан хабар олди, таъзия, маросимлардан имкон қадар қолмади. Домла ҳеч кимга, ҳеч қачон дардини дастурхон қилмаган. Аксинча, уни кўргани келганлар билан дилкаш суҳбат қуар, ҳазилхузул қилас, қизиқ-қизиқ воқеаларни сўзлаб берар эди. Озод аканинг соғлом руҳи бир томон, мажруҳ жисми бир томон бўлди. Домла сўнгги нафасигача ақлхушини йўқотмади, фарзандлари, неваралари билан рози-ризолик тилашиб, бу дунёни хотиржам ҳолда тарк этди.

Озод Шарафиддинов 4 октябрда, ўзлигини англаған, миллат учун қайғурган ҳар бир ўзбекнинг кўнгил дарди янгиланадиган кунда вафот этди. Бундан роппоса 68 йил муқаддам шу кун Чўлпон, Абдулла Қодирий, Отажон Ҳошим, Фитратлар отиб ташланган, аммо "одил шўро суди" бу жиноятни 5 октября расмийлаштирган эди. Озод Шарафиддинов адабиётшунос олим, нозик дидли мунаққид сифатида Чўлпон ижодини ниҳоятда юксак баҳолади. Чўлпоннинг ўтли шеърлари, бетакрор насрый асарларисиз XX аср ўзбек адабиёти кемтик бўлиб қолишини бутун борлиги билан хис қилди.

Комфирқанинг XX съездидан сўнг ижтимоий-сиёсий, адабий-ижодий ҳаётда ҳурфикарлилик, одамийлик насими элас-элас эса бошлади. Қатағон қурбонлари расман оқлангани маълум қилинди. Лекин... Чўлпон оқланмади. Шоир: "Менда-да қанот бор, лекин боғланган... Боф йўқдир, шоҳ йўқдир, лекин девор бор", деганича қолаверди. Ажабки, Чўлпонни таниган, билган, унинг этагидан тутиб адабиётга кириб келганлар ўзларини панага олдилар. Майдонда Дон Кихот бўлиб Озод Шарафиддинов қолди: Чўлпон ижодини тарғиб қилиш учун бор имкониятини ишга солди. У қонун-коидани бузмади, бор ҳақиқатни тикламоқчи бўлди, холос. Қарабисизки, искеъдодли, куч-кувватга тўлган ёш олим-мунаққид foявий-мағкуравий ишончсиз кишига айланди-қолди. Озод ака чекинишни, "қора"ни "оқ" дейишини ҳаёлига ҳам келтирмади. Аксинча, Чўлпон, Отажон Ҳошим, Фитрат ҳақида мақолалар ёзди. Улар ижодини қонуний вориси — ҳалқа қайтариш борасида тинимсиз меҳнат қилди.

Табиийки, ўша даврдаги ҳукмрон мафкура Озод аканинг ижодида ҳам муайян из қолдириди. Домла Ленин ҳақида ёзилган ҳикоя, қисса, романларни таржима қилди: дастлаб у Ленинни доҳий сифатида улуғлаган, шўро тузумининг илдизи мустаҳкам эканига шубҳа қилмаган эди. XX асрнинг 80-йилларида авж олган ошкоралик, ҳурфикарлилик октябр инқилоби, доҳийлар, фирмә ва давлат бошликлари ҳақидаги кўз кўриб, қулоқ эшитмаган ҳақиқатларни юзага чиқарди. Коммунизм, синфлараро муросасиз кураш, партиявийлик, соцреализм, ижобий қархрамон ҳақидаги гаплар асоссиз, ҳақиқатдан йироқ эканини ҳаётнинг ўзи исботлай бошлади. Фикрлайдиган жамики кишилар қатори Озод Шарафиддинов ҳаёлидан "Коммунистик қарашларни ўзлаштириб хато қилмадимми? Ишонгандарим сароб бўлиб чиқмасмикан? Ўқингандарим билан кўрганларим сира қовушмаяпти-ку?" деган шубҳа бот-бот ўта бошлади.

Бу даврга келиб, Чўлпонни ўрганиш, ўқитиш йўлидаги сохта ғовлар кўтариб ташланди. Озод аканинг кўнгли таскин топди, эмин-эркин ижод қила бошлади. Чўлпон, Faғур Ғулом, Абдулла Қаҳҳор ижоди ҳақида, адабиётнинг долзарб мавзуларида мақолалар ёзди, китоблар нашр эттириди. Иқтидорли шогирдларига Чўлпон ижоди бўйича тадқиқот мавзулари берди. Устознинг шогирдларидан Улуғбек Султонов, Раҳмон Кўчкоров, Замира Эшонова диссертация ҳимоя қилдилар. Озод Шарафиддинов энди бемалол Чўлпон, Фитрат, Абдулла Қаҳҳор, Зулфия ижоди ҳақида маъruzалар қилиши, амалий, илмий ишларни давом эттириши

мумкин эди. Лекин шу орада кутилмаган воқеа рўй берди. Арзимас баҳонаи сабаб билан Озод Шарафиддиновни қаттиқ ранжитдилар. Дўст бўлатуриб хато қилиб қўйганлар ҳам афсусландилар. Домла қадрдан университетидан кетишга мажбур бўлди.

Озод ака илмий-ижодий ишга, мунаққидлик, таржимонликка жиддий берилиди. Чўлпон асарларини чоп эттириш, бу улуф шоир ижоди ҳақида тадқиқотлар яратишга киришди. Ўзбекистон мустақиллиги, бу йўлдаги хатти-ҳаракатлар ҳақида ёниқ мақолалар ёза бошлади. Унинг асарлари каттаю кичик, Президенту оддий зиёли эътиборини, эътирофини қозонди. Озод Шарафиддинов “Тафаккур” журналининг муҳаррири ўринбосари сифатида фаолият юрита бошлади. Журнал мухлислари устознинг жўшқин, янги қарашлар билан тўйинган мақолаларини интиқлик билан қаршилади, қизиқиш билан мутолаа қилди. “Тафаккур” журналининг 1997 йил 1-сонида устознинг “Эътиқодимни нега ўзгартирдим?” сарлавҳали икрорномаси босилди. Муаллиф ишонарли далиллар, ҳаётий воқеа, лавҳаларда ком- фирмка ҳаёти, йўриғидаги сохталикларни аниқ кўрсатиб берди. Бошқача айтганда, Озод Шарафиддинов юрагида тош бўлиб ётган дардларини сиртга чиқарди, матонати, жасоратини яна бир бор исботлади. Мазкур ўтили мақоладан сўнг ҳануз иккиланиб, фирқанинг алвон гувоҳномасини ўзидан йироқлаштиrolмай юрганлар қийин ахволга тушиб қолди.

Устоз яна ҳам жўшиб, мустақил Ўзбекистон равнақи йўлида меҳнат қила бошлади. У гоҳ мақола ёзар, гоҳ таржима билан шуғулланар, гоҳ ҳалқ орасида жўшқин фикрлар айтар эди. 1997 йил 27 февралда Вазирлар Мажхамасининг “Жаҳон адабиёти” журналини ташкил этиш тўғрисидаги қарори эълон қилинди. Журнал бош муҳаррирлигига Озод Шарафиддинов мўлжалланган эди. Озод ака журнални тайёрлаш, таҳририят ишини йўлга кўйиш сингари масалалар билан жиддий шуғулланди. Март-июнь ойларида бош муҳаррир туну кун ишлади: журнал концепциясини ишлаб чиқди, яқин бир-икки йил давомида босиладиган таржима асарларни режалаштириди, муаллиф-таржимонлар билан қатъий шартнома тузди. Июль ойида “Жаҳон адабиёти”нинг нишона сони журналхон қўлига етиб борди. Журналнинг илк сонини Озод ака Тошкент Тиббиёт инстититути жарроҳлик бўлимида, чап сони кирқиб ташланган кунлари қўлга олди. Озод аканинг қалбида кўёш чараклаб турган бўлса-да, жисму жонидаги оғриқ ўзини билдирав эди. Қувонч билан қайғунинг эгизаклигини қаранг...

“Жаҳон адабиёти” ҳар ойда мунтазам чиқиб турди. У дунё адабиёти, санъати, эстетикаси, тамаддунига очилган нурли дарча бўлди. Қодир Мирмуҳамедов, Низом Комилов, Иброҳим Faфуров, Мирпўлат Мирзо, Файзи Шоҳисмоил, Раҳматилла Иноғомов, Амир Файзуло, Миразиз Аъзам, Зоҳир Аълам каби моҳир таржимонлар ёнидан Назар Эшонқул, Вафо Файзуло, Кудрат Дўстмуҳаммад, Раъно Иброҳимова, Бобоҳон Муҳаммад Шариф, Носир Муҳаммад сингари иқтидорли мутаржимлар ўрин олди. “Жаҳон адабиёти”да инглиз, немис, хитой, француз, араб, корейс, ҳинд тилларидан бевосита таржима қилинган асарлар чоп этила бошлади. Бу Ўзбекистондаги таржима мактаби янги погонага кўтарилгани далилидир. Истиқлол туфайли ўзбек санъати, адабиёти учун жаҳон адабиёти, санъатини ўрганишнинг янги имкониятлари очилди. Бошқача айтганда, бош муҳаррирдаги зукколик ва топқирлик янги бир шаклда намоён бўлди. Журналда сюрреализм, экзистенциализм, модернизм оқимлари, поэтика, структурализм муаммоларига бағишлиланган мақолалар чоп этила бошлади. Озод Шарафиддиновнинг ўзи жаҳон адабий жараёни, сюжет масалалари, баҳолаш назарияси, адабий портрет, биографик асарга оид кўплаб эссе-мақолаларни таржима қилди. Таъбир жоиз бўлса, устоз мамлакатимиздаги филолог — бакалавр, магистр, аспирантларга “Жаҳон адабиёти” мин-баридан мароқли маърузалар тавсия этди.

Озод Шарафиддинов умр бўйи машҳур шахслар феномени билан қизиқди,

қимматбаҳо тошлар биографиясини ўрганди, Тибет тамаддуни, жумбогини ечишга бел боғлади. Журналда Хитой, Курдия, Курдистон, Эрон, Япония, Абхазия латифалари, мақолу маталлари Озод Шарафиддинов таржимасида нашр этилди. “Жаҳон адабиёти” китобхонни милоддан аввалги VII аср ҳамда милодий XXI юз йиллик адабиёти билан танишилди. Журналнинг адабий харитаси ниҳоятда кенг: унда қайси юрт, қандай ҳалқ адабиёти ҳақида маълумот берилмади дейсиз?! Устоз сиёsat, экология, истиқбол, наботот, жамодот, ҳайвонот олами ҳақида турфа мақола ва асарларни чоп эттилди. 1997 йилдан 2005 йил-октябригача Озод Шарафиддинов бош муҳаррир сифатида имзо чеккан “Жаҳон адабиёти”нинг 100 китоби — сони босилиб чиқди. “Жаҳон адабиёти” саккиз йил ичida мамлакатимиздаги журналлар ичida, шубҳасиз, баланд мақомга эришди. Журнал саҳифасида ўзбек мунаққидларининг, олимларининг кўплаб мақолалари нашр этилди. Олимлару мунаққидлар, шоири адаблар жуда юксак минбар учун материал тайёрлаётганини ҳис этиб турди. Шу боис “Жаҳон адабиёти”нинг ҳар бир сони ўз киёфасига, қимматига эга.

“Жаҳон адабиёти” нафакат ўқувчи — журналхонга, балки журнални тайёрловчилар — мутаржим, мунаққид, ижодий ходимларга ҳам бадиий-маънавий, маърифий-эстетик наф келтирди. Улар ҳар томонлама ўсади, улғайди. Журнал учун материал танлар экан, бош муҳаррир қарашлари, тушунчаларида ҳам жиддий ўзгаришлар рўй берди. Суҳбатларнинг бирида Озод ака ўнгу терсга қарамай китоб йигавергандаридан нолиб қолдилар: “Хозирги тушунчам бўлганида, аввал-бошданоқ китобни танлаб-танлаб, чертиб-чертиб йигар, ўқир эдим”, дедилар. Хаёлимга “Жаҳон адабиёти”нинг 2003 йил 6-сонида устоз олим таржимасида босилган “Жаҳон адабиёти кутубхонаси” (Херман Хессе) мақоласи тушди. Олмон олими — ёзувчиси X. Хессе ёзади: “Биз учун имкон қадар кўпроқ ўқиш ва уқиш муҳим бўлмаслиги керак, балки дурдона асарларни бемалол, эркин ва ўзимизга маъкул тарзда танлай олишимиз ҳамда бўш вақтимизда бутун вужудимиз билан уларга берилиб, улардан ҳақиқатни идрок этишда инсон нақадар буюк кўлам ва тे-ранлика эришганини тасаввур қилиш муҳимdir” (128-бет).

Озод Шарафиддинов сўнгги йиллардагина Америка ва Фарбий Оврупо адабиётларидаги оқимлар, поэтиканинг нозик муаммолари, герменевтика, аксиология билан яқиндан танишиди. Устознинг улуғ сабоги шундаки, у жўшиб, тўлиб-тошиб модернизм, экзистенциализм, абсурдизм, авангاردизм, сюрреализмга бутунлай маҳлиё бўлиб кетмади. У Фарб адабиётшунослиги назариясини уқишга, англашга ҳаракат қилди. Эътибор беринг, Озод Шарафиддинов модернизм, ўзга оқиму назариялар ҳақидаги қарашлари ифодаланган мақоласига “Модернизм жўн ҳодиса... эмас” деб сарлавҳа кўйди. Сарлавҳа — муносабат, англаш даражаси, гоянинг ифодаланиш йўли. Устоз ўзбек адабиёти намунасидан биронтасини модернизм қолипига солиб таҳлил қилишга шошилмади. Ваҳоланки, Озод ака шеъриятни, ундаги ўзгаришларни нозик англайдиган мутахассис эди.

Устоз танлаб ўқиши, кўпроқ ижод қилиши, билган-кўрганларини тезроқ қофозга тушириши лозимлигини англарди. Сўнгги тўрт-беш йил ичida Озод ака ботбот шифохонада бўлар, касаллик, ҳар хил муолажалар кўп вақтини ўғирлар эди. Олим-адиб сўнгги йилларда қанчалик шиддат, илҳом билан ижод қилганини “Иходни англаш бахти”, “Довондаги йулар” номли тўқис китоблардан, ўнлаб таржималардан, “Жаҳон адабиёти”нинг 100 китобидан билиб олиш мумкин.

Олим ижодидаги муҳим бир хусусиятни таъкидлаш керак. У ким, нима ҳақда ёзмасин, масаланинг илдизини топишга, моҳиятни юзага чиқаришга интилди. Бу эса, ҳақиқатни рўй-рост юзага чиқаришни тақозо этди. “Шундай шоир ўтган эди”, “Хаёллар бандаси”, “Зикриё Мирҳожиев жумбоги”, “Тил илмининг дарфаси”, “Файратий ҳақида сўз”, “Бир нутқ тарихи” сингари этюд, эсселар шу жиҳати билан қадрли. Олимни ўртагаён масала шуки, шўро тузуми, комфириқа мафкураси не-не

ёркін сиймоларни йўқ қилди, шахс сифатида синдириди, ижтимоий эҳтиёткор, кўрқоққа айлантириди. Озод аканинг ўзи ҳамиша синдирилиш, қуюшқонга киритилиш хавфини ҳис этиб яшади.

Озод Шарафиддинов инсон ҳамиша меҳрга муҳтоҷ, бир тутам покиза нурга интиқ бўлиб яшашини чукур англаб етди. У мустақиллик йилларида қадр топди. Оғир хасталик хуруж қилганида, асосий мучасидан айрилганида уни юрт раҳбарининг ўзи кўллаб-кувватлади. Олим-адиб ўн йил орасида икки юксак орден, “Ўзбекистон Қаҳрамони” унвони билан сийланди. Бундай муносабат Озод ака умрини узайтириди, уни баракали ижодга ундаdi, адабий-маърифий анжуманларда самимий, тўлиб-тошиб гапиришига имкон берди. Аммо Озод Шарафиддинов ҳамиша ўловли иш қилас, ўлчовли гапни айтарди. У ўз эътиқодига, тушунчасига мос келмайдиган юмушга зинҳор кўл урмас эди.

Озод ака ўзбек адабиёти, адаблари, умуман, гўзаллик, бадиийлик ҳақида ўй суреб, хузур қилас, ҳар томонлама бостириб келаётган касалликларни улоқтириб ташларди. 2004 йилнинг ёзида устоз ўзларига қадрдан бўлиб қолган маскан — Иккинчи ТошМИнинг жарроҳлик бўлимига ётдилар. Ўнг оёқ ҳам кесиладиган бўлиб турибди. Шундай лайтда ҳам Озод ака адабиёт ҳақида ўйладилар. “Ойбек ҳаёти, ижоди моҳиятини белгилайдиган асосни топдим, — дедилар устоз. — Уйдаги ихчам ёзув столчамни келтириб берсалар, ҳозироқ ёзишга киришардим”. Озод Шарафиддиновнинг “Миллатни уйғотган адиб” мақоласи Ойбек 100 йиллигининг етакчи лейтмотивига айланди. Миллий университетда чоп этилган шу номли тўплам Озод Шарафиддинов мақоласи билан очилгани сабаби ҳам шунда.

Устозни вафотларидан бир ҳафта бурун кўрдим. Анча чарчаган, ҳолдан тойган бўлсалар-да, дона-дона гапирдилар: “Ҳар бир саёҳатимиз ўзига хос тарих экан. Боботоғ саёҳатини эслайман. Қандай қадимий тоғларимиз, ҳар бири юз дардга даво антиқа гиёҳларимиз бор!.. Ковракни курс-курс чайнаған Менгзиё кўз ўнгимда турибди. Боботоғ ва Менгзиё (Сафаров) орасида аллақандай яқинлик бор эди. Менгзиёдай ўз юрти тарихини биладиган, уни қойилмақом ҳикоя қилиб берадиган одам камдан-кам бўлса керак. Ўша сафаримизда Менгзиё менга кичкинагина бир балиқ скелетини совға қилган эди, ёдингиздами? Ўша зигирдай-зигирдай балиқларнинг бир галаси зумда улкан балиқларни қоқ суяқ қилиб ташлар экан. Ўшанақа ваҳший балиқ Американинг қайсиdir дарёсида ҳам бор экан... Қани эди, ўша сафар-саёҳат таассуротларини мириқиб ёзсанг...”

Ҳаёт устоз ва шогирдлик занжирига асосланган. Озод Шарафиддинов кўп олиму адабларни қадрлар, ҳурмат қилас эди. Лекин Абдулла Қаҳҳор Озод Шарафиддинов учун йўлчи юлдуз бўлди. У киши Абдулла Қаҳҳорга эргашар, ўшандай бўлишга интиларди. Устоз ижодида Абдулла Қаҳҳор, унинг асарлари, оиласи, турмуш тарзи ҳақида ёзилган портрет, эссе, тақриз, тадқиқотлар бисёр. Эсингиздами, “Мұхабbat” қиссасида донишманд Мұхайёнинг гапи бор: “Мард бўлинг, Анваржон, — деди қиз ҳам, пича туриб илова қилди: — Дадангиз дунёга келиб нуқул одам орттирган эканлар, қаранг, бутун шаҳар, ўшу қари...” Озод домла вафот этган куни азим Тошкентнинг чор атрофидан одам ёғилиб келаверди. “Аллон” жоме масжидида ўқилган жанозада, “Чигатой” қабристонидаги дағн маросимида одам тумонат бўлди. Уч кун мобайнида фотихага келганларнинг саноғига етиш имконсиз эди. Марказий газеталарнинг деярли ҳаммасида таъзияномалар узлуксиз босилиб турди.

Озод Шарафиддиновдан ўнлаб китоблар, юзлаб мақолалар, минглаб шогирдлар, қадрдан дўст-ёрлар, эл-юртга нафи тегаётган фарзандлар, күёв-келинлар, неваралар қолди. Устозни кўмсаганлар, унинг дилкаш сұхбатларини соғинганлар ҳар йили 4 октябрда устознинг хонадонида йиғилиб туришни анъянага айлантиришса, у ҳақдаги нурли хотираларини эслаб туришса, ҳақпараст олим-адибнинг эзгу ишларини муносаб давом эттиришга ҳаракат қилишса, айни мудда бўларди.

БҮЮКЛИҚ ТИМСОЛЛАРИ

Ашурали ЖУРАЕВ

QO'SHIQ DUNYOSINING MAJNUNI

Миллий эстрадамиз асосчиси, машхур санъаткор Ботир Зокировнинг номи йиллар ўтган сари янада қадрли, тобора қалбимизга яқин бўлиб бораётир. Гарчи санъаткор боқий дунёга кўчгандан буён йигирма йилдан зиёд давр ўтган бўлса-да, унинг серқирра ижоди ва жўшқин ҳаёти ҳануз кўпчиликда қизиқиш уйготади. Бетакрор қўшиқлари ҳамон кўнгилларни асир этиб келади. Мухислар қалбини мудом соғинч ва армон ҳисси тарк этган эмас. Ботир Зокировни кўрганлар, билганлар, концертларида ўтириб ҳазин қўшиқларини тинглаганлар ўзларини баҳтиёр ҳисоблайди; билмаганлар, кўрмаганлар эса санъаткор ҳақида кўпроқ билишни, эшитиши, ўқишини орзу қиласди.

Ботир Зокировнинг серқирра ижоди ҳар томонлама теран ўрганилса, қўшиқларининг яратилиш тарихи таҳлил этилса, инсоний фазилатлари эсга олинса, киши кўз ўнгидаги чинакам ЗИЁЛИ сиймоси намоён бўлади.

Ботир ака болалигиданоқ теварагида содир бўлаётган воқеа-ҳодисалардан эзгулик ахтаради. Ўқиган китобларидан зиё излайди. Унинг юриш-туриши, муомала-ларида ҳам чинакам зиёлига хос фазилатлар мужассам эди. Зиёлилик, аввало, оддий маданиятдан, одамийликдан бошланишини, айниқса, санъаткорликни ният қилган ҳар бир инсон шунга интилиши зарурлигини у жуда эртаenglаб етади. Бундай тарбияни биринчи галда отаси ва устози Карим Зокировдан олади.

Ботир Зокировнинг болалиги кўпгина жиҳатлари билан аксарият улуғ санъаткорларнинг болалигига ўхшаб кетади. У доимо қандайдир машғулот билан банд бўлар, айтайлик, расм чизар, қўшик ўрганаар, шеър ёдлар, хуллас, бирор дақиқа вақтини беҳуда ўтказмас эди. Тунлари ухламасдан китоб мутолаа қилгани учун кўпинча кўзлари қизариб юрарди. Унга нафақат болалар, балки катталарап ҳам ҳавас қиласди.

Болалигига ўнинг сиймосида ўзига хос бир донолик мужассам эди. Бу донолик, илмга ташналиқ, санъат дунёсига бўлган муҳаббат келажақда унинг улкан санъаткор, том маънодаги зиёли инсон бўлиб вояга етишига хизмат қилди.

У буюк шоир ва мутафаккир Алишер Навоий ҳақида дастлаб отасидан эшитган эди. Қолганларини мактаб дарслкларидан ҳамда мустақил ўқиб-ўрганиб билди. Кўлида мудом Навоийнинг бирор бир асарини олиб юргани учун уни ҳатто "Алишер" деб аташади. Айрим мактаб хуҷжатларида ҳам "Алишер Зокиров" деб ёзилган ҳоллар бўлган. Унга шоирнинг "Лайли ва Мажнун" достони жуда ёқиб қолган, баъзи жойларини ёддан ўқиб юрар эди. Айниқса, Мажнун образи қалбидан мустаҳкам ўрин олгани боис ўн тўрт ёшида "Мажнун" деб аталган бир картина ҳам яратади. Унда тасвирланган манзара куйидагича эди: зилол ҳовузчага кўм-кўк булоқ суви келиб кўйиляпти. Ҳовузча бўйида фамгин хаёлларга чўмган, соchlари паришон, кийим-боши бир ахволда Мажнун ўтирибди. Ёнида чиройли, мунчоқ кўзлали жавдираб жайрон ётиби. Мажнун ўнг қўли билан жайроннинг бошини силаяпти. Томирлари бўртиб турган чап қўли иягида. Тиззалири устида пайлари тараңг тортилган камон. Рўпарада бошини оёқлари устига кўйганча узала тушиб шер ётиби. У ҳам гўё Мажнуннинг аҳволини кўриб фам-ғуссага ботгандек. Картина нинг орқа кўриниши сарғиши тусда. Мажнуннинг паришон ва шикаста чехраси, ҳасрат тўла кўзлари киши юрагини эзиб юборади...

Эй ишқ устида хасим, нечуксен?
Эй бедилу бекасим, нечуксен?
Ки Лайли ишқида нотавонсен,
Ишқида жаҳонга достон сен...

Бу ажойиб тасвирни бемалол Ботир Зокировнинг дастлабки "Автопортрет" и дейиш мумкин. Гарчи унинг бу илк асари бирон бир кўргазмада намойиш этилмаган бўлса-да, ҳар қандай истеъдодли рассомнинг асаридан қолишимас эди.

Айтиш мумкини, Ботир Зокировнинг Навоий асарларини ўқиб-ўрганиши, Мажнун образига бу қадар меҳр қўйиши, кейинчалик илк қўшиқнинг яратилиши, биринчи марта саҳнага чиқиши жараёнларида ҳам юксак маданият ва зиёлиликнинг ёрқин белгилари бор эди.

Одам олим бўлиши мумкин, лекин доим ҳам зиёли бўлолмайди. Зиёлилик — туғма фазилат. Ботир Зокиров миллатимизнинг ана шундай зиёлиларидан эди. Бугунги эстрада санъатида нима кам десалар, Ботир Зокировдек зукко ва билимдон зиёли, маданиятли санъаткор етишмайди деган бўлардик. Нукул пул санаш ва ҳашаматли иморат куришдан бошқасига ярамайдиган бугунги баъзи хонандаларимиз савия, билим ва дунёкарашин ўзгартириш ҳақида ҳам андак ўйласалар, сийқа хиргойилар бир оз камаярмиди...

Ўзбекистон Қаҳрамони Абдулла Орипов Ботир Зокировни бундай хотирлайди: "Ботир Зокиров катта талант соҳиби, юксак эҳтирос фарзанди, XX асрнинг ўта маданиятли ва зиёли кишиси эди. Бу улуф санъаткор ҳамиша ҳалол, иймонли, ҳақиқатгўй бўлган, ҳар қандай шароит ва вазиятда ўз эътиқодига, санъати ҳамда юксак маданиятига содик қолган. Ҳамиша у кишининг ҳаёт ва ижод йўли ибратли, санъати умрбокийдир".

Ботир Зокировга жаҳоннинг машҳур адиби Чингиз Айтматов ҳам шундай юксак баҳо берган. 1978 йили санъаткор "Ялла" ансамбли билан Бишкекка гастролга борганида концертда Чингиз Айтматов ҳам қатнашган ва томошадан сўнг Ботир Зокировни Чўлпонотадаги далаҳовлисида меҳмон қилиб, узоқ сухбатлашган. Айтматов унга соғлигини асраш кераклигини қайта-қайта тайинлаган. Шунингдек, Ботир ака машҳур шоирлар Нозим Хикмат, Расул Ҳамзатов билан ҳам кўп бора учрашиб, сухбат курган.

Ботир Зокиров адабиётни, тасвирий санъатни севар, кўп ўқир ва расм чизар эди. Таникли ижодкорлар Ўлмас Умарбеков, Учкун Назаров, Абдулла Орипов, Шукур Холмирзаев, рассом Рўзи Чориев, актёр Турғун Азизов билан яқин дўст эди, тез-тез ижодий мулоқотда бўлиб турарди. Улар бир-бирларига янги асарларидан

ўқиб берар, баҳс-мунозара қилишар эди. Ботир Зокиров, айниқса, дилкаш дўсти, бетакрор рассом Рўзи Чориев устахонасида бўлишни, у билан сұхбатлашишни, янги чизган асарларини томоша қилишни хуш кўрарди. Бу дарвештабиат инсон билан сұхбатлашиш мароқли эди. Рўзи аканинг беғубор ҳаяжонлари, жилов нелигини билмайдиган жўшқин феъл-автори картиналарига ҳам кўчган эди. У ҳам Ботир Зокиров ижодини қадрлар, янги расмлар чизаётганида унинг дардли ва дилбар қўшикларини қайта-қайта тинглаб тўймас эди. Бу икки машхур ижодкорнинг бир-бирига талпиниши, бир-бирининг ижодидан завқланиши, икки зиёли шахснинг бир-бирига бўлган бу қадар юксак ҳурмати ибрат бўлгулиkdir...

Ботир Зокиров ҳар бир янги қўшиғи устида узоқ ишлар эди. Қўшикнинг сўзи, мусиқаси юрагини жизиллатмагунча куйламаган у. Улуф санъаткор мусиқавий асарни камида етти-саккиз вариантдан сўнггина қиёмига етган деб ҳисобларди. Бу ҳолни чинакам қўшиқ яратиш маданияти деса бўлади.

Атоқли композитор Икром Акбаров билан танишув Ботир Зокиров ижодида янги саҳифа очди. Икром Акбаров бундай хотирлайди:

“Ботир билан ишлаш ҳам мароқли, ҳам машақатли эди. У ҳар бир янги қўшиқ устида дехқон ерга тер тўкиб ишлаганидек, жуда қаттиқ меҳнат қиласарди. Танланган шеърининг сўзлари ёқмаса, ўзи қайтадан ёзарди. Кераксиз, кўйга тушмайдиган мисраларни, сўзларни олиб ташларди. Айрим қўшиқларни ўн вариантда ишлаган кезларимиз бўлган. Масалан, русча “Ошиқ булбул” қўшифини ўн саккиз вариантдан сўнг куйлаган. Умуман, у ўзига ёқмаган, юрагини жизиллатмаган қўшиқни асло айтмасди. Агар қўшиқ ёмон чиқса, “Хошим” бўлиб қолибди-ку, Икром ака”, дерди кулиб.

Иккинчи операцияга тайёргарлик кўриб юрган кезларида ҳам нуқул “ишлайлик” дерди. Баъзан шанба-якшанба кунлари врачлардан рухсат сўраб, уйимизга келарди. “Эй, сорбон” қўшиғи ана шу даврда яратилди. Узоқ ишладик. Қўшиқ собиқ Иттифоқ радио оркестрида ёзигб олинди. Қўшикни ёзигб олиш жараёнида овоз режиссёри Володя Бабушкин бошини чанглаб йифлаган ва охиригача эшлишга тоқат қила олмай хонадан отилиб чиқиб кетган эди.

Ботир кўпқиррали ижод соҳиби эди. Аммо у мусиқа ёзмади. Аслида ёзса бўларди, бунга истеъоди етарди. Баъзи номдор композиторлардан яхшироқ ёзиши мумкин эди. У мусиқани, куй ва қўшиқни илоҳий мўъжиза деб билар ва бунга хиёнат қилганларни кечирмасди. Шу боисданмикан, мусиқа ёзишга жазм этмади. У мусиқа, тасвирий санъатни чукур биладиган, теран англайдиган, маданияти ва зиёли санъаткор эди...”

Ҳақиқатан ҳам, Ботир Зокиров серқирра ижодкор — ўзига хос рассом, ажойиб хикоялар муаллифи, актёр ва таржимон эди. “Суғд элининг қоплони” операси либреттосини Ботир Зокиров ёзган. Асарни ўзбек тилига устоз адаб Асқад Мухтор таржима қилган. Мусиқа муаллифи — Икром Акбаров.

Хуллас, у қайси соҳа ёки жанрга кўй урмасин, барчасида ёрқин из қолдириди. Лекин Ботир Зокиров номи қўшиқ туфайли оламга ёйилди. “Раъно”, “Араб тангоси”, “Кел, ёр”, “Қайдасан, азизим”, “Мажнун монологи” сингари кўплаб қўшиқлари миллий эстрада санъатимизнинг бебаҳо дурдоналарига айланди.

Ботир Зокиров қўшиқ дунёсига Мажнун бўлиб келди, қўшиқ унинг Лайлиси бўлди. У Лайли ишқида беармон нола қилди. Ишқ саҳросида юракларни ўртаб фарёд айлади. Унинг фарёдларига саҳро гуллари бардош беролмади, ўт-ўланлар илдизига титроқ кирди. Тўрғайлар бу ўтли овозни эшишиб, сайрашдан тўхтади. Карвон куй оғушида, қўшиқ сехри билан аста-аста одимлайди: “Эй, сорбон, оҳиста юр, оромижоним борадур...” Юракдан булоқдай қайнаб чиқаётган нолаларнинг чеку чегараси йўқ. Қўшиқ саҳросининг Мажнуни яна Лайли ҳақида ёниб куйлади:

Лайли ишқин танимда жон қил,
Лайли ишқин рангимда қон қил...

Раҳматуллоҳ қори ОБИДОВ



Ислом динининг аёлларга муносабати масаласида бир-биридан кескин фарқ қилувчи икки хил қараш мавжуд. Биринчи хил қараш тарафдорлари "Ислом дини аёлнинг ҳуқуқини поймол қиласди. Унга жабр-зулм асосида адолатсиз муносабатда бўлади" деса, иккинчи томон, аксинча, "Ислом дини аёлни эъзозлайди. Унинг ҳак-ҳуқуқини химоя этади" деб ҳисоблайди. Бу мавзу бўйича тортишувлар ислом динининг аввалидан то ҳануз давом этиб келаётир. Ушбу масалани Куръони карим ва суннати набавийя асосида ўрганиб, асл ҳақиқатни юзага чиқариш зиёлилар ва мутахассис олимларнинг муҳим вазифасидир. Бу ҳақда кўплаб асарлар, мақолалар ва турли савиядаги илмий ишлар мунтазам чоп этилаётгани ҳам ушбу мавзунинг нечоғлиқ долзарб эканини кўрсатади: Жумладан, Ваҳбий Сулаймон ал-Албонийнинг "Ал-маръя ал-муслима" (Макка, 1991), Абдул Муныим ал-Хошимийнинг "Кисас ан-нисо фил-Куръон" (Макка, 1999.) Салоҳиддин Мухиддиннинг "Оила ва никоҳ" (Т., Мовароуннахр, 1996), Фотимахон Сулаймон қизининг "Аёлларга хос масалалар" (Т., Мовароуннахр, 2003), Муҳаммад Камолнинг "Муслима аёлларга маслаҳатлар" (Т., Мовароуннахр, 2004) асарларида ушбу мавзу хусусида баҳс юритилган.

Аёлнинг исломдаги мавқеини ўрганиш ўзини муслима деб ҳисоблаган, лекин ҳак-ҳуқуқи, вазифаси, бурч-масъулиятидан бехабар опа-сингилларимизга эслатма бўлиб хизмат қиласди, залолатдан ҳидоятни ажратишида муҳим аҳамият касб этади.

Жуфтимиз ҳақидаги асл ҳақиқат

Ислом дини аёлга нисбатан қандай муносабатда экани ҳамда аёлнинг оила ва жамиятдаги мавқеи Қуръони каримнинг “Эй одамлар, сизларни бир жон (Одам)дан яратган ва ундан жуфти (Хавво)ни яратган ҳамда иккисидан кўп эркак ва аёлларни яратган Раббингиздан кўркингиз” (“Нисо”, 1) оятида очик-ойдин баён этилган.

Ушбу оят аёллар масаласида исломгача бўлган даврдаги нотўғри тасаввурни йўққа чиқариб, эркак ва аёлнинг аслида тенглигини англатади. Бинобарин, исломдан аввал аёлларга паст назар билан қаралар, уларнинг ҳақ-хуқуқи поймол этилар, ҳатто баъзи мутакаббир кимсалар қиз фарзанд кўришни ор билиб, гўдакни тириклий кўмишгача борар эди. Бу ҳол Арабистон яrim оролида юз берган бўлса, Оврупода “Аёл шайтоннинг малайи бўлиб, эркак кишини йўлдан оздириш учун яратилган, деган Фикр ҳукм сурған” (Мұхаммад Содик Мұхаммад Юсуф. Тафсири Хилол. Москва, 1994, 208-бет). Доктор Исмат Фунаймхонимнинг ёзишича, черков жамият устидан тўлиқ ҳукмронлик қилган ўрта аср аввалида “Аёл шайтоннинг қуроларидан бири, холос, у одамни хато ва гуноҳ ишларга ундан турувчиидир. Шунинг учун у фақат камситиш ва нафратланишгагина лойиқдир”, деб жар солинган. Аслида, бундай қарашлар черков тарихида анча аввал намоён бўлган. Августин (354-430) ва дастлабки “черков ота”ларининг “Аёл — шайтоннинг эшиги, ёмонлик кўчаси ва илоннинг чакиши, лўнда қилиб айтганда, аёл хатарли объектдир” деган фикри ҳам буни тасдиқлайди.

Кўриниб турибдики, исломгача бўлган жохилият даврида нафақат Арабистон яrim оролида, балки дунёнинг бошқа худудларида ҳам аёлнинг жамиятдаги мавқеи у ёқда турсин, балки оддий инсон сифатидаги ҳақ-хуқуқи ҳам тан олинмаган. Мақсад — аёлнинг эркак билан тенглигини инкор этиш бўлган. Қуръони каримнинг қуйидаги ояти ҳам аёл ҳақидаги бундай фикрларнинг асоссиз ва ботил эканини исботлаб, аслида эркак

ва аёл тенглигини баён қиласи: “Раббилири уларнинг (дуоларини) ижобат қилиб: “Мен сизлардан эркагу аёл амал қилувчининг амалини зое қилмайман. Баъзингиз баъзингиздан сиз” (“Оли Имрон”, 76). Зеро, одамзоднинг кўпайиши, наслнинг давом этиши икки жинсга ҳам баробар алоқадор. Ислом арконлари ҳам ҳар икки жинс вакилига бирдай фарз қилинган.

Аёлнинг мавқеи эркакнидан кам эмаслиги, Оллоҳ наздида, ҳоҳ эркак бўлсин ҳоҳ аёл, ким ундан кўпроқ кўркса, ўша афзал эканини қуйидаги оят ҳам тасдиқлайди: “Эй инсонлар, дарҳақиқат, Биз сизларни бир эркак ва бир аёлдан яратдик ҳамда бир-бирларингиз билан танишишларингиз учун сизларни (турли-туман) халқлар ва қабилалар қилиб қўйдик. Албатта, Оллоҳ наздида (энг азизу) мукаррамроғингиз тақводорроғингиздир. Албатта, Оллоҳ билувчи ва хабардор зотдир” (“Хужурот”, 13).

Ҳар бир инсон Ҳақ таоло ҳузурида ўз қилмишига яраша мукофот ёки жазога лойиқ қўрилар экан, унинг амали, эркак ёки аёл эканидан қатын назар, инсон сифатида холис баҳоланади. Оллоҳ ажр-савоб ёки жазо беришда уларни бир-биридан устун қўймай, қилган амалларига яраша муомала қилишини қуйидаги оят мазмуни ҳам кувватлади: “Кимки, у ҳоҳ эркак бўлсин, ҳоҳ аёл — мўминлик ҳолида савобли ишлар қилса, айнан улар жаннатга кируглар ва уларга хурмоннинг уруғича ҳам зулм қилинмагай” (“Нисо”, 124).

Бу ҳақда Пайғамбаримиз Мұхаммад алайхиссаломдан жуда кўп ҳадислар ривоят этилган. У киши Оллоҳнинг динига эркакларни ҳам, аёлларни ҳам бир хилда даъват этган. Ҳалқимиз орасида жуда машҳур бўлган ва қайта-қайта такрорланниб айтиладиган “Илм талабида бўлмок ҳар бир мусулмон эр ва муслима аёлга



фарздор” мазмунидаги ҳадис ҳам эркак ва аёл тенглигининг яққол мисоли дейиш мумкин.

Имом Аҳмад ва Имом Абу Довуд ривоят қилган ҳадисда, “Аёлларга эркаклар ўз тувишган опа-сингиллари каби муносабатда бўлишлари керак”лиги таъкидланса, бошқа бир ҳадисда эса “Сизларнинг яхшиларингиз ўз ахли аёлига хуш муомалада бўладиганингиздир” (Имом Табароний ривояти) дейилади.

Ибн Умардан (Оллоҳ ундан рози бўлсин) ривоят қилинган ҳадисда Расулуллоҳ (с.а.в.): “Барчангиз ўз қўл остингиздагиларга ҳомий ва масъулдирсиз, эр ўз хонадан аъзоларига ҳомийдир, хотин эса эрининг уйи ва унинг болаларига ҳомийдир” дегани зикр қилинган.

Пайғамбар алайҳиссаломнинг “Видолашув ҳажи”да Арафотда қилган хутбалари аёл затининг мавқенини янада юксакларга кўтарди. “Эй инсонлар! – деганлар Расулуллоҳ (с.а.в.) – Хотинлар ҳақларига риоя этингиз. Улар билан шафқат, меҳр ила муомалада бўлингиз, Уларнинг ҳақлари хусусида Оллоҳдан кўрқингиз! Хотинлар сизларга Тангрининг омонатидир, уларни Оллоҳ номига сўз бериб олдингиз, улар амри илоҳий илиа сизга ҳалол бўлди. Сизларнинг хотинларда ҳақингиз бўлгани каби, хотинларнинг ҳам сизда ҳақи бор. Сизнинг хотинлардаги ҳақингиз – хотинларнинг оила шарафини сиз ёқтирумайдиган ҳеч бир кимсага оёқ ости қилдирмаслигидир. Хотинларингизнинг ҳар турли ейиш ва кийим эҳтиёжларини таъминлашингиз эса, уларнинг сизнинг устингиздаги ҳақидир. Улар сизнинг ҳақингизга риоя этмоғи керак. Сиз ҳам уларга назокат билан муомала этишингиз лозим. Хотин эрининг рухсатисиз унинг молидан бирор нарсани ўзгага бериши ҳалол эмас”.

Юқорида айтилганлардан қўйидагича хуласа чиқариш мумкин: Пайғамбарамиз Мұхаммад (с.а.в.) ўз сўzlари ва хутбалирида эркаклар аёлларга нисбатан хушмуомала, меҳрибон бўлиши лозимлиги билан бирга, уларнинг ҳомийлари эканини ҳам уқтиряпти. Уларнинг ҳақларини адo этишга чақирияпти. “Хотинлар сизларга Тангрининг омонатидир” деб хитоб қиляп-

ти. Шундай экан, ҳар бир эр аёлига фамхўрлик қилиши, уларни ётарли даражада моддий ва маънавий таъминлаши зарур. Токи аёл муҳтоҷлик орқасидан ўзини ҳар томонга уриб, фирибгарлик, фахш кўчасига кириб кетмасин, турли бузғунчи, қаллоб тўдалар чангалига тушиб колмасин. Кейинги вақтларда мамлакатимизда ва хорижда содир этилган портлатишларда аёлларнинг ҳам иштирок этгани бундай хавфхатардан огоҳ бўлиш заруратини курсатиб турибди.

Неча аёлга уйланиш мумкин?

Аёл оила муносабатларида она, қиз, опа, сингил, ва рафиқа сифатида иштирок этади. Аёлнинг она сифатидаги ҳақхуқуки ҳақида Қуръони каримда бундай дейилади: “Биз инсонга ота-онасини (рози қилишни) амр этдик. Она уни заифлик устита га заифлик билан (корнида) кўтариб юрди. Уни (кўкрагидан) ажратиш (муддати) икки йилдир. (Биз инсонга буюрдикки), “Сен Менга ва ота-онангга шукр қилгин! Қайтишлиқ менинг хузуримгадир.

Агар улар сени ўзинг билмаган нарсаларни Менга шерик қилишга зўрласалар, у ҳолда уларга итоат этма! Уларга (гарчи коғир бўлсалар-да) дунёда яхши муомала қилгин!” (“Луқмон”, 14-15).

Демак, онага нисбатан фарзандлар зиммасидаги ҳақлардан бири яхши муомала қилиш, розилигини олишга интилиш, меҳрибонлик кўрсатиш, дилига заррача ҳам озор етказмаслик, шунингдек, гуноҳ бўлмайдиган ишларда унга итоат этишdir.

Имом Бухорий Абдуллоҳ ибн Умардан ривоят қилишича: “Бир киши Расулуллоҳ (с.а.в.) ҳузурларига келиб, жиҳод қилмоққа ижозат сўради. Расулуллоҳ (с.а.в.) ундан: “Ота-онанг тирикми?” – деб сўради. “Ҳа!” – деди. Расулуллоҳ (с.а.в.) унга: “Ундей бўлса, ана ўшаларнинг хизматида жиҳод қилгин (яъни, мол-дунёнгни ота-онангни рози қилмоқ учун сарф қил, кечакундуз уларнинг хизматида бўл, дуосини ол!)”, – деди”.

Имом Бухорийнинг “Ал-адаб ал-муфрад” китобида ривоят қилинган қуйидаги ҳадис

ҳам бу жиҳатдан диққатга сазовор: “Абу Ҳурайра (р.а.) айтади: “Бир киши Расулуллоҳ (с.а.в.)дан: “Кимга яхшилик қиласай?” деб сўради. Расулуллоҳ (с.а.в.) унга: “Онангга яхшилик қиласай!” — деди. Савол тўрт марта такрорлани. Пайғамбаримиз (с.а.в.) уч марта “Онангга”, фақат тўртинчисидагина “Отангга яхшилик қиласай!” деди.

Онанинг фарзанди зиммасидаги яна бир ҳақи — нафақага эҳтиёжли бўлиб қолганда (эри вафот этганда ёки кексайиб қолганда) у билан таъминланишидир. Она вафот этганидан кейин ҳам фарзандлари зиммасида унинг яна бир ҳақи қолади. У ҳам бўлса фарзанд онанинг қариндошлик алоқаларини давом эттириши, васиятларини адо этиши ва ҳақига доим дуода бўлишидир. Бу ҳақда Имом Бухорий кўйидаги ҳадисни ривоят қилган: “Расулуллоҳ (с.а.в.) ҳузурига бир киши келиб: “Эй Оллоҳнинг Расули, вафотларидан кейин ҳам ота-онамга яхшилик қила оламанми?” — деди. Ул зот: “Ха, тўрт ҳислат бор: улар ҳақига дуо килиш, гуноҳларини кечмакни Оллоҳдан сўраш, уларнинг насиҳат ва шаръий васиятларини бажариш, дўст-биродарларини иззат-икромда тутиш ва ота-она тарафидан бўладиган қариндошликни давом эттиришдир”, деб жавоб берди”.

Оилада аёлнинг қиз, яни фарзанд сифатидаги ҳукуқи шундан иборатки, шариятда ота-она ўғил ва қизга тенг муносабатда бўлиш ва уларнинг ҳақига риоя этишга буюрилган. Имом Аҳмад ва Абу Довуд ривоят қилган ҳадисда Пайғамбаримиз (с.а.в.) уч маротаба: “Фарзандларингиз ўртасида адолат қилинглар!” деб таъкидлагани айтилади.

Қўпинча оилада қиз фарзандга нисбатан зулм қилиш, унинг ҳақига риоя этмаслик ҳоллари учраб туради. Пайғамбаримиз (с.а.в.) бундан қайтарган, қизларга яхши муомалада бўлишга, уларнинг тарбиясига катта аҳамият беришга, уларни тарбиялаш билан боғлиқ қийинчиликларга сабр этишга чақирган. Ақаба ибн Омирдан (р.а.) ривоят этилган ҳадисда бундай дейилади: “Мен Расул алайҳиссаломнинг: “Кимда учта қиз бўлиб, уларнинг тарбиясидаги қийинчиликка сабр қиласа ва топган молидан уларнинг кийим-кечагини бутла-

са, бу иши унга дўзахдан парда бўлади”, — деганини эшийтдим”.

Имом Байҳақийдан келтирилган ривоятда эса Пайғамбаримиз (с.а.в.) бундай деган: “Фарзандларингиз ўртасида бирор нарса тақсимлаётган бўлсангиз, адолат билан тақсимланг, агар улардан бирортасини устун кўйиш мумкин бўлганда (аёлларни) қизларни устун кўйиган бўлардим”.

Қиз болани узатишида ҳам унинг розилигини олиш буюрилади. Пайғамбаримиз (с.а.в.): “Жувон аёлнинг амри (розилигини) олинмагунча, у никоҳ қилинмайди. Қиздан эса бу ҳақда руҳсат сўралади, унинг руҳсати сукут қилишидир”.

Оилада аёлнинг опа, сингил сифатидаги ҳақ-ҳукуқи қўйидаги ҳолатда намоён бўлади. Ота вафот этиб ёки кексайиб, унинг масъулияти ўғилнинг зиммасига ўтганда, у опа-сингилларига ота ўз фарзандларига қандай муносабатда бўлса, шундай муносабатда бўлиши лозим. Ота ҳаётлигида зиммасидаги вазифаларни адо этишга қодир бўлиб турганда эса, ўғил бу борада отасига имкон борича ёрдам берishi керак.

Оилада аёл рафиқа сифатидаги ҳақ-ҳукуқка ҳам эга. Бу ҳақда гапирилганда, аввало, эркак неча аёлга уйланиши ва аёл неча эркакка турмушга чиқиши мумкин, бунинг сабаби ва ҳикмати нимадан иборат, деган саволларга тўхталиш ўринлидир. Баъзи одамлар эркак киши икки, уч, тўрт хотин олиши Куръонда айтилган, деб “Нисо” сурасининг “Сизлар учун (никоҳи) ҳалол бўлган аёлларга икки, уч, тўрттадан уйланаверинглар!” мазмунидаги оятини нотўғри тушунади. Биринчидан, ушбу оят ўзидан аввал келган оят ва жумлага боғланган ҳолда талқин этилиши керак. Шунда гап етимлар ҳақида кетаётгани, Оллоҳ таоло етимларга зулм ва адолатсизлик қилишдан, уларнинг ҳукуқларини поймол этишдан сақланишига чақираётгани маълум бўлади. Иккинчидан, Оллоҳ таоло хотинлар ўртасида адолат сақлашни шарт қилди. Адолат қила олмайдиган эркакка эса: “Бордию (улар ўртасида) одил бўла олмаслиқдан кўрксангиз, бир аёлга (уйланинг)”, деб буюрди. “Нисо” сурасининг 129-ояти каримасида эркак, ҳар қанча уринмасин, аёллар ўрта-

сида адолат қила олмаслиги таъкидланади: “Ҳар қанча истасангиз ҳам хотинларингиз ўртасида адолатли (хаммасига бир хил муносабатда) бўла олмайсиз. Бас, (бира-га) бутунлай берилиб кетиб, (иккинчисини) муаллақ ҳолда ташлаб қўймангиз!“.

Демак, айтишимиз мумкинки, Куръони каримда бир эркак фақат бир аёлга уйла-ниши қайд этилган. Аммо узрли ҳолат-ларда, масалан, аёл фарзанд кўрмаса ёки касалликка чалиниб, эр хизматини қиломай қолса, ундан ажралмаган ҳолда, ле-кин унинг розилиги билан иккинчи аёлни никоҳига олиши мумкин.

Эрининг никоҳида бўлган аёл учун иккинчи эрга тегиш ман этилган. Бунинг сабаби — мукаррам инсон шарафини, насл поклигини сақлашдан иборат. Яна шуни ҳам таъкидлаш жоизки, оиласдан мақсад фарзанд кўриш экан, бир эркак икки аёлга уйланса, бир йўла икки фар-занд кўриши мумкин ва насаби аниқ бўла-ди. Бир аёл икки эрга тегса, бир фарзанд туғиши мумкин, фарзанднинг отаси эса номаълум бўлади.

Аёлнинг эри зиммасидаги ҳақ-хукуқла-ридан бири никоҳ пайтида маҳр берилишидир. Бу ҳақда Оллоҳ таоло Куръони ка-римда бундай ҳукм қилади: “Хотинларга маҳрларини мамнунлик билан берингиз! Агар сизларга ўzlари ундан бирор нарса-ни ихтиёрий равишда кечса (берса), сиз-лар уни бемалол, иштаҳа билан тановул қиласеринглар” (“Нисо”, 4).

Эр томонидан хотинга никоҳ муноса-бати билан бериладиган маҳр — бу қалин пули ҳам, келиннинг онасига берилади-ган сут пули ҳам, эр томонидан аёлни чўри сифатида сотиб олиш учун тўлана-диган нархи ҳам эмас, балки эркакнинг ўзи рози бўлган ҳолда келинга беради-ган шаръий ҳадясидир. Бу ҳақда “Нисо” сурасида: “Улар билан (никоҳ орқали) яқинлик қилишингиз биланоқ, белгиланган маҳрларини берингиз!” дейилади.

Ислом маҳрни аёлнинг ҳаққи қилиб тайинлаган. Шу боис бу мулкни тасар-руф қилиш хукуқи ҳам фақатгина шу аёл-га тегишли. Бундан икки ҳикмат кўзда тутилган:

1. Эркак ўзи уйланган хотинга маҳр

бериши керак. Бирон сабабга биноан бу иш орқага сурилиб турган бўлса, хотин билан ахралиш Оллоҳ буюрган маҳрни бе-ришин, яъни хотиндан қарзни узишни тезлаштиради. Бу ҳол эркакни ўзини кўлга олиб, талоқ сўзини айтмаслика, аксинча никоҳни сақлаб қолишга мажбур этади.

2. Маҳр мулкига эга бўлиш аёлни та-содифий муҳтожлиқдан ҳимоя қиласи.

Аёлнинг эри зиммасидаги моддий ҳақларидан яна бири таъминот масаласи-дир. Яъни, эр аёлнинг ейиши, ичиши, кийиниши ва уй-жойга эга бўлиши каби турмуш эҳтиёжларини имконияти даражасида таъминлаши керак. Бу ҳақда Куръони каримда бундай дейилади: “Эркаклар хотинлар устидан (оила бошлиги сифатида доимий) қоим турувчилардир. Сабаб, Оллоҳ уларнинг баъзиларини (эркаклар-ни) баъзилари(аёллар)дан (баъзи хусуси-ятларда) ортиқ қилгани ва (эркаклар ўз оиласига) ўз мол-мулкларидан сарф килиб туришларидир” (“Нисо”, 34).

Мабодо эр имконияти бўлатуриб баҳил-лик қилса ва аёлнинг таъминотига бепар-во бўлса, аёл эрининг рухсатисиз ҳам унинг пулидан эҳтиёжи даражасида олиши мум-кин. Имом Бухорий ривоят қилган қўйида-ги ҳадис бунинг тасдигидир: “Ойша она-миз (р.а.) ривоят қиладилар: “Хинд бинти Утба: “Эй Оллоҳнинг Расули, Абу Суфён хасис, мен билан боламга етарлича овқат бермайди, унга билдиримай молидан олиб тураман”, деди. Пайғамбаримиз (с.а.в.) унга: “Инсоф билан ўзинг ва болангга етар-лича олгин!” деба уқтириди”.

Аёлнинг нафақа билан таъминланиш хукуқи эри билан ажрашган ҳолда ҳам то идда муддати тугагунча сақланади. Агар аёл ҳомиладор бўлса, фарзанд туғилгун-ча унинг таъминоти эрнинг зиммасидадир. Фарзанд туғилганидан сўнг эса, аёл истаса, болани эмизгани учун ҳақ олиши ҳам мумкин.

Аёлнинг хукуқларидан яна бири — эри, яқин қариндошлари ёки отаси вафот эт-ганида уларнинг молидан мерос олиши-дир. “Аёллар учун (ҳам) ота-оналари ва яқин қариндошлари қолдириб кетган (мерос)дан улуш бордир. Бу озми-кўпми фарз қилинган улушдир” (“Нисо”, 7).

Ҳатто турмушга узатилган, бошқа хона-дон соҳибасига айланган, бутун нафақаси эрнинг зиммасига юклатилган аёл ҳам ота-си вафотидан сўнг унинг молидан мерос олишга ҳақли. Бу масалада фақат аёл киши эркакка нисбатан ярим ҳақ олиши белги-ланган: “Аллоҳ фарзандларингизга (мерос юзасидан) бир ўғил учун икки қиз улуши баробарида (мерос беришни) васият қила-ди” (“Нисо”, 11).

Мерос масаласидаги бундай тақсимот, юзаки қараганда, аёллар ҳуқуқини камси-тишга ўхшайди. Аммо сабаби чуқурроқ ўрганилса, бу масалада ҳам улар эъзоз-ланганинг гувоҳи бўламиз. Маълумки, эркак киши оиланинг моддий таъминоти учун масъул. У эр сифатида хотинини, ўғил сифатида ота-онасини, ота сифатида фар-зандларини, ака сифатида опа-сингилла-ри ва укаларини таъминлаши зарур. Шу боис унинг олган бир бутун мероси бир неча қисмга мажбуран бўлинади ва сарф-ланади. Аёл эса, оиланинг моддий таъми-ноти учун ҳеч қандай жавобгар эмас. Аксинча, бутун ҳаёти давомида аёл агар хотин бўлса эри, она бўлса фарзандлари, фарзанд бўлса отаси, опа ёки сингил бўлса aka-укалари томонидан моддий жиҳатдан таъминланиши шариатда белгилаб қўйил-ган. У олган меросини ҳою ҳавасидан бош-қа бирор нарсага сарфлашга мажбур ҳам, муҳтож ҳам эмас. Маълум бўладики, оила-нинг моддий масъулияти юкини кўтарган эркакка нисбатан адолатсизлик бўлиб қол-маслигини, шу билан бирга, аёлнинг ҳам меросда ҳаққи борлигини эътиборга олиб қилинган бу тақсимот энг тўғри ва адолат-ли тақсимотdir.

Юқорида айтиб ўтилганлар аёлнинг моддий ҳуқуқларидан баъзилари, холос. Ўз навбатида, аёлнинг маънавий ҳақ-ҳуқуқла-ри ҳам борки, булар — аёлга нисбатан ҳашни муюмала, адолатли муносабат, зулм қилинмаслиги, иззат-обрўсунинг турли ёмонликлардан ҳимоя қилиниши, Оллоҳ фарз қилган ибодат амаллари даражаси-да илим олиши ҳамда гуноҳ ишларда эрига итоат қилмаслигидир. Бу хусусда оятлар ва кўплаб ҳадислар мавжуд. Оллоҳ таоло аёл-ларни нечоғлиқ шарафлаганига Қуръони каримнинг биргина ояти каримасини ми-

сол келтириш билан кифояланамиз: “Иф-фатли аёлларни (зинкор деб) бадном қилиб, сўнgra (бу даъволарига) тўртта гувоҳ келтира олмаган кимсаларни саксон дар-радан уринглар ва абадулабад уларнинг гувоҳликларини қабул қилманглар! Ана ўша-лар фосиқлардир” (“Мўъминун”, 4).

Ислом аёлнинг меҳнат қилишига қаршими?

Пайғамбаримиз (с.а.в.) бундай деган-лар: “Сизларнинг яхшиларингиз ўз аҳли аёлига яхши муносабатда бўлганингиз-дир. Мен сизлардан кўра ҳам ўз аҳли аёлимга меҳрибонман, хотинларни фақат яхши одамларгина иззат-икром этар, фа-қат ёмонларгина хору зор қилур”.

Аёлнинг илм олиш ва меҳнат қилиш ҳуқуқига келсак, бу хусусда Шайх Муҳаммад Фаззолий “Аёл муайян ҳолатларда ижтимо-ий меҳнатда иштирок этиши мумкин. Маса-лан, болаларга таълим бериш. Лекин бу ҳолат истисно тариқасида бўлиб, аёлнинг асосий вазифаси ўй ишлари билан машғул бўлишдир”, дейди.

Мисрлик олим Абдурараб Абдуттаввоб-нинг бу хусусдаги фикри қуйидагича: “Аёл оиласида меҳнатта қодир киши бўлмагандагина ишлашга мажбур. Қуръони каримда Шуайб пайғамбарнинг қизлари тилидан айтилган “Отамиз эса қари чол” (“Қасос”, 23) ояти каримаси кўрсатганидек, икки қизни меҳнатга ундан нарса оталарининг кексалиги ва меҳнатга қодир эмаслигидир. Аёл меҳнатини окловчи бирдан-бир сабаб “Фақирлик” бўлиши мумкин”.

Айтиб ўтилган фикрлар аёлнинг меҳнат қилиши жоиз эмас, дегувчи олимлар гу-рухига тааллукли. Аёл меҳнатини жоиз деб ҳисобловчи иккинчи гуруҳ олимларнинг фикрича, аёлнинг ўзи ёки оиласи учун ризқ топиш мақсадида бирор бир касб билан шуғулланиши ёки қайсиdir фойдали имни эгаллаш учун таҳсил олиши исломда ман этилмаган, аксинча, унинг ҳукми эркак ва аёл учун баробардир. Уларнинг ҳам Қуръони карим оятларидан ўз далиллари бор. Биринчи далил “Оли Имрон” сурасининг 76-оятидир: “Раббилиари уларнинг (дуоларини) ижобат қилиб (деди):

“Албатта, Мен сизлардан амал қилувчнинг — хоҳ эркак бўлсин хоҳ аёл бўлсин — амалини зое қилмайман”.

Иккинчи далил “Наҳл” сурасининг 97-оятидир: “Эркакми ё аёлми — кимда-ким мўъмин бўлган ҳолида бирор эзгу иш қилса, бас, Биз унга пок ҳаёт бахш этурмиз ва уларни ўzlари қилиб ўтган амалларининг чиройи баробаридағи мукофот билан тақдирлаймиз”.

Учинчи далил “Нисо” сурасининг 32-оятидир: “Эркаклар ҳам ўз касбларидан улуш олурлар, аёллар ҳам ўз касбларидан улуш олурлар”.

Учинчи гурух олимлар фикрларича, аёлнинг давлат ва жамоат ишида ишланиши фитнага сабаб бўлмаса, шу боис ахлоқизлик, нопоклик, ҳаёсизлик келиб чиқмаса, шариат қонунлари бузилмаса, бунинг устига, фақат аёл киши бажариши лозим бўлган юмушлар, масалан, аёллар табобати, аёллар маслаҳати, туғруқхона сингари жойларда фаолият кўрсатса, буни шариат ман этмайди.

Умуман олганда, учала гурух ҳам аёлнинг меҳнат қилиш ва таълим олиш ҳуқуқига эга эканини турли даражада бўлса ҳам тан олади. Аёлнинг меҳнат қилиш борасида эркак-чалик имкониятга эга эмаслиги сабаби уларнинг ўзига хос аёллик хусусиятлари билан яратилганидир. Мисол учун, Имом Абу Ҳанифа аёл киши жазо ва қасос масалаларидан ташқари ҳолларда маҳкама ишларни бошқариши мумкин деб ҳисоблаган. Фикр олимлари ушбу шартни аёл кишининг табиатидан келиб чиқиб шарҳлаган. Чунки аёл киши табиатан хиссиятга берилувчан, кўнгилчан, раҳм-шафқатли ва мулоийм бўлади. Шунинг учун ҳам у ўлим, қасос ва узоқ муддатга қамаш каби ҳукмларни чиқаришга ожизлик қилиши мумкин. Кези келганда қаттиқ жазолар бермаслик эса жамиятнинг бузилишига олиб келади.

Шунингдек, аёлнинг ҳомиладор бўлиши, фарзанд туғиб уни тарбия этиши, уй юмушларини бажариши ҳамда аёллик нафосатини сақлаши зарурлиги ҳам унинг ижтимоий меҳнат билан шуғулланишини чегараловчи асосий омиллардир.

Хулоса ўрнида аёлнинг уйдан ташқарида фаолият кўрсатиши борасида

юқорида келтирилган фикрларни умумлаштирадиган бўлсақ, ислом дини айрим ҳолларда уларга меҳнат қилишга рухсат беради ва баъзан жамият учун манфаатли бўлса, аёллар меҳнатидан фойдаланишини зарур деб ҳисоблади. Шу билан бирга, аёллар зиммасига оддий меҳнат манфаатидан кўра аҳамияти жиҳатидан муҳимроқ, улуғроқ вазифалар юқлатилганини таъкидлайди.

Шундай бўлса-да, ислом жамиятининг сиёсий жабҳасида аёллар ҳам ўзига хос эътиборли мавқега эга. Бизнинг давримизда ҳам аёл, имконияти даражасида, оила ва фарзанд тарбиясига масъулликни унутмаган ҳолда, мустақил мамлакатимизни иқтисодий ва маънавий ривожлантириш йўлида хайрли ишларни адо этиши мумкин.

Исломда аёлнинг бурчи

Исломда эркак ва аёл нафақат ҳақ-ҳуқуқларда, балки бурчларни адо этишда ҳам тенгдир. Исломда оила бошлиғи сифатида эркак киши тан олиниб, унга ўзига хос вазифа ва бурч юқлатилар экан, оила-нинг яна бир шарофатли аъзоси — аёлнинг вазифаси ва бурчи нимадан иборат?

Муслима аёлнинг эрига итоати Оллоҳ розилиги йўлида қилинадиган амал бўлиб, бунинг фазилати ҳақида Пайғамбар алайҳиссаломдан кўплаб ҳадислар ривоят қилинган. Жумладан, Расулуллоҳ (с.а.в.): “Агар бир аёл беш вақт намозини ўқиб, рамазон рўзасини тутиб, номусини сақласа ва эрига итоат этса, жаннатга киради” деган. Яна бир ҳадисда эса: “Бир кишининг бошқа кишига сажда қилиши мумкин бўлганида эди, аёлларнинг эрларига сажда қилишини буюорадим” дейилади.

Аёлнинг фарзанди олдидағи бурчлари куйидагилардир:

1. Насаб. Аёл ўзининг туғилажак фарзандининг ҳалол шаръий никоҳли эридан бўлишини таъминлаб, насаб ва қон поклигини сақлаши зарур;

2. Эмизиш. Қуръони карим оятида айтилишича, она ўз фарзандини тўлиқ икки йил кўкрак сути билан боқиши зарур. Негаки, онадан сут орқали турли касаллик-

* * *

Тасодифни эътироф этиш сабабсиз ҳаракатни, моҳиятсиз мавжудликни тан олиш билан баробардир.

* * *



Кексайганда ҳам руҳий қувватни сақлай олиш ҳаётнинг маъносини англаб яшаганлик далилидир.

* * *

Муайян ғояни ҳаракатда, ҳаётда аниқ тасаввур эта олган кишигина кашфиёт қилишга қодир бўлади.

* * *

Қонунлар амалда ишлаши учун сиёсатни маънавият (ахлоқ) билан уйғунлаштириш керак.

* * *

Хоҳиш-истакка, нафсга изн бериш инсонни ҳақиқатни англаш туйғусидан маҳрум этади.

* * *

Бенжамин Франклин бир ҳуштақдан шунча хулоса чиқарибди. Бир умр яшаб бирон хулоса чиқара олмайдиган одамга ачиниш керак.

* * *

Одамлардан ўзи ҳақида сўраш мумкин, хулосани эса жавобига қараб чиқариш лозим.

* * *

Одамларга уларнинг даражасидан келиб чиқиб баҳо беринг. Чунки одам ўз табиати ҳамда савиясига кўра фикрлайди ва яшайди.

* * *

Бахтнинг тўқис бўлмаслигини англаб яшаётган одамнигина баҳтиёр деса бўлади.

* * *

Қулларча хатти-ҳаракат қилиш учун росмана қул бўлиш шарт эмас.

* * *

Ўзини қадрламаган одамнинг фожиаси шундаки, уни хеч ким қадрламайди.

* * *

Ўрганганим сари оламни билишда ожизлигимни ва чекланганимни ҳис эта бордим ва бунга икror ҳам бўлдим... Лекин мен агностик эмасман...

* * *

Оlam, ундаги нарса ва ҳодисалар чексиз уммонга ўхшайди. Уни билишда инсон доимо ожиз бўлиб қолаверади.

* * *

Одамнинг туғилишидан кўра янги фикрнинг туғилиши қийинроқ кечар экан...

* * *

Севган ўлади, севги қолади.

* * *

Инсоннинг асл қиёфасини билмоқчи бўлсангиз, уни майда (кичик) ишларда кузатинг.

* * *

Одамзод соддаликни ҳаётий аъмолига айлантиргани сари фазилатли бўлиб боради.

* * *

Тараққиёт одамни соддалиқдан бегоналашув сари ундаиди. Ақл-заковатга таяниб яшаган инсонгина бу фазилатни сақлай билади.

* * *

Ўтмишсиз яшаш — манқуртлик, фақат ўтмиш билан яшаш — нодонлик, ўтмишга таяниб бугунги кунни истиқбол билан боғлаб яшаш эса тараққиёт гаровидир.

* * *

Инсон ўз хатти-ҳаракатини мунтазам назорат қила билиши керак. Энг тўғри ва адолатли назорат виждан олдидағи назоратдир.

* * *

Аслида ҳақиқат — муайян воқеанинг содир бўлишидир. Аммо у замон ва макондан узоқлашиб боргани сари афсонага айланаб боради.

* * *

Фикр объектини аниқ тасаввур эта олган одамларнинг нутқи равон, тушунарли ва таъсиранчан бўлади.

* * *

Ҳамма билан кенгашиш мумкин, лекин раҳбарнинг айтгани бўлади... Фикрни тақиқлаб, зўравонлик билан раҳбарлик қилишга асосланган сохта демократиядан кўра шу ҳам афзалроқдир.

* * *

Адашиш — ақлсизлик дегани эмас.

* * *

Ойни этак билан ёпиб бўлмаганидек, гапни чўзиш билан фикрнинг саёзлигини яшириш имконсиздир.

* * *

Вақт қанча қисқа бўлса, моҳиятни айтиш имкони шунча юқори бўлади.

* * *

Виждонсиз ва иймони заиф кимса учун қадрият ҳам, урф-одат ҳам, ҳеч қандай қонун-қоида ҳам йўқ.

* * *

Манфаатлар тўқнашуви натижасини эмас, унинг моҳиятини англаш ривожланиш аломатидир. Манфаатлар ранг-баранглиги эса турли ижтимоий гурухлар, қатламларнинг шаклланиши самарасидир.

* * *

Одамлар кўпроқ ўтмишдан гапиради, чунки келажакдан сўз очишга қараганда бу осонроқдир.

* * *

Тарих — ўзгармас ҳақиқат. Аммо, унинг мутлақлигини таъминлаш мушкул иш...

* * *

Воқеа-ҳодисалар моҳиятини ҳар ким ўз ички маънавий дунёсига (дунёқарашига) кўра баҳолайди. Аммо бу — сўнги ҳақиқат, деган даъводан йироқ бўлиш, бошқаларнинг ҳам қарашларини ҳисобга олиш зарур.

* * *

Фикрингизни тушунадиган, ҳеч бўлмаса, шунга мойил бўлган одамга айтинг. Акс ҳолда, сўзингиз қумга қуйилган сувдек бехуда кетади.

* * *

Агар жавобингиз тўлиқ бўлишини истасангиз, саволни охиригача эшитинг. Шунда икки нарсага эришасиз. Биринчидан, фозиллигингизни намоён этасиз, иккинчидан, саволнинг ярим жавобига ҳам эга бўласиз. Баъзан эса сўровчи саволига ўзи жавоб бериб қўяди.

* * *

Ходимлар майда-чўйда, бўлар-бўлмас гаплардан юкори бўлиши учун уларни бекор қолдирмаслик раҳбарликнинг ўзига хос сиридир.

* * *

Асл фожиа билмаслика эмас, амал қилмаслика.

* * *

Устоз ўз шогирдига холис маслаҳат беришга масъулдир. Акс ҳолда, шогирд жаҳолат гирдобига тушади, жамиятга фақат зарар келтиради.

* * *

Илм, ақл-заковатни тўғри йўналтириш учун устоз сабрли, маърифатли бўлиши зарур. Ҳамма ҳам устоз бўлишга лойик бўлавермайди.

* * *

Фалсафа ҳеч қачон одамзодни баҳтга эриштироқни даъво қилмаган, аксинча, баҳтга эришиш йўлини кўрсаттан, холос.



ТО'РТ КИТОВ ТА'РИФИ

Фахриддин НИЗОМ мутолаа қилади

Ахборот технологиялари илдамлаб боргани сари классик маънодаги китоб тушунчаси ҳам ўзгариб, компьютер экранидаги варакланувчи саҳифалардан иборат нечадир кило- ёки мегабайтли файлларга айланаб бормоқда. Лекин менинг китоб ҳақидаги қарашларим ўтган асрда қотиб қолгани туфайлими, интернетдан компьютер хотирасига кўчириб олганларимни ҳам имкони борича қофозга чиқариб, муқовалатиб, китоб шаклига келтиргандан сўнггина қалам олиб, тагига чизиб ўқишга одатланаб қолганман...

**Соломон В о л к о в . Диалоги с Иосифом Бродским.
М., Изд. "Независимая газета", 1998**

Бу асар жанр жиҳатдан янгилик эмас. Турли сабабларга кўра, рус муҳожиротининг икки-уч тўлқуни вакиллари орасида бу жанрда ёзганлар талайгина. "Радио Франс интернасьонал"нинг рус хизмати ходими Виталий Амурскийнинг "Запечатленные голоса" (Парижские беседы с русскими писателями и поэтами) китоби бунинг ёрқин мисоли. Унда ҳам шоир Иосиф Бродский билан сұхбат бор. Аммо С. Волковнинг И. Бродский ҳақидаги интервью-монографияси қамровининг кенглиги, жаҳон ва рус адабиёти ҳақидаги ўзига хос қарашларни акс эттиргани билан алоҳида ажралиб турди. Яна бир муҳожир рус ёзувчиси Пётр Вайл ушбу китобни "Бродскийга хос бўлган ҳаётга ишонч ва соглом тафаккур ўта сикиқ фикр ва шеърий оҳанг тарзида пухта ўйланган матнларга жо бўлган..." деб юкори баҳолаган эди.

Шоирлар ҳақида турли монографиялар, эсселар ёзилгани маълум. Аммо ушбу китобнинг факат сұхбатлардан иборат бўлгани гаройиб ва жозибалидир. Гаройиблиги шундаки, бу жанр ўзини оқлади, ҳатто баъзи ўринларда детектив сингари "кейин нима бўларкан" дея қизиқиш билан ўқиласи. Айтилмоқчи бўлган фикрнинг салмоғи ва динамикаси ўкувчини ҳаяжонга солади. Шоир асарларини ўқиганда пайдо бўладиган аллақандай кемтиқ таассурот сұхбат жараёнида тўлишиб боради. Ҳатто унинг мулоҳазалари шеърларининг давомидай туюлади: "Венецияда кун ботаётуб, шафақ нурлари деразаларда акс этганда, улар танглари ялтираган балиқларга ўшшаб кўринади. Яримготик, тўғрироги, готикага йўғрилаётган Рим деразалари ёдингиздами? Кейинроқ, шом тушиб, чироқ ёнгач, деразалар ичи ёритилган ва ярми танга билан ёпиб кўйилган балиқларга ўшшайди". Гўё шеър билан сұхбат ёки эссе ўртасидаги тафовут йўқолиб бораётгандай.



И.Бродский, худди шеърларидағи каби, эссе ва интервьюла-рида ҳам аниқликка интилади; бошидан кечиргандарига, айниқса, СССРдан ҳайдалиши билан боғлиқ воқеаларга вазмин муносабати кишини ҳайратта солади. Шеъриятни муайян миллат характеристидаги ўзига хослик билан боғлаб кўрсатиши эса унинг кузатишларини фалсафий мушоҳада даражасига кўтаради. Назаримда, танқид аслида шундай бўлиши керакдай.

Ижодкорнинг шеър ва шоир ҳақида муроҳазалари ҳёттий, энг муҳими, адолатлидир. Шоир сұхбатда СССРдаги ўзини “зўр шоирман” деб юрган ҳамкасларининг сотқинлеклари, руҳий хасталиклар шифохонасию қамоқчоналардаги хўрликларидан тортиб Нобель мукофоти олган кунларигача бўлган таржима ҳолини ҳикоя қилиш баробарида Марина Цветаева, Анна Ахматова, Роберт Фрост, Уистен Оден сингари кўплаб шоирлар ижодини таҳлил қилиб беради.

И.Бродский М.Цветаевани XX асрнинг энг зўр шоири деб атайди. У Худо юқтирган оҳанг хисси ва ранг-баранглиги бўлмаса, шоирнинг бошидан кечиргандар, чеккан азобу укубатлари ҳеч нарсага арзимаслигини таъкидлайди: “Замон шахс билан турли овозларда гаплашади. Унинг ўз баси, ўз тенори бор. Ўзининг фальцети ҳам мавжуд. Шунақа дейиш мумкин бўлса, Цветаева даврнинг фальцетидир. Бу – нота алифбоси қонуниятлари чегарасига сигмайдиган овоздир”.

Шу билан бирга, унинг мушоҳадаларида фалати бир ҳол — қайси миллий шеърият ҳақида гапирса, унинг ўзига хослигини турли омиллар баробарида ўша тамаддун эгаллаб турган маконга боғлаб тушунтириш — кўзга ташланади. Масалан, рус шеърияти ҳақида баҳс юритганда, ҳар бир шоир, мамлакат ўлчамларидан келиб чиқиб, кенг ўқувчилар оммасини мўлжаллаб шеър ёзиши тамойили мавжудлигини, бу аксарият шоирларни алдаб қўйганини қайд этади. Шоир XX аср рус шеъриятида М.Цветаева, А.Ахматова, О.Мандельштам ва Б.Пастернакни “буюк тўртлик” деб атайди. Ёки Р.Фрост ижоди ҳақида муроҳаза юритганда уни “пасторал” шоир деб аташ билан бирга, жамиятдан узилиб қолганини таъкидлайди: “Фрост хрестоматик шоир эмас, у янада теран ва қўрқинчли ҳодисадир. Айнан мана шу ҳол соф фожиадан иборат ҳақиқий америкача онгдир. У ўзини вазмин ва оқил ҳамда тафсилотларга бой нутқи билан ниқоблайди, ўзи тасвириётган воқеа-ҳодисалар ортига бекиниб олади”. Ёки мана бу мушоҳадани олайлик: “Французд шеъриятида [ифоданинг] гажакдорлиги, айқаш-уйқашлиги, ҳаяжон билан сўзлаш ва фавқулодда баёнотлар билан чиқиш анъанаси мавжуд. Ҳуюго, Бодлер (мен учун улар турли отлар билан шеър ёзган битта шоирга ўхшайди): уларнинг ранг-баранглиги, сўзамоллиги рус кишисига тушунарли. Айни пайтда инглиз шеърий анъанасини, бир сўз билан айтадиган бўлсан (бу сийкаси чиқиб кетган ва обрў келтирумайган иш), мавхум деб аташ мумкин”.

Албатта, булар шоирнинг субъектив, баъзан мутлақо келишиб бўлмайдиган қарашлари. Аммо китоб шуниси билан қадрлики, унда турли миллатлар шеърияти, шоирлар ижоди қиёсий таҳлил этилади. Уни қандай қабул қилиш эса ҳар бир ўқувчининг шахсий иши. Муҳими, фикр уйғотадиган муроҳазаларнинг мавжудлиғи.

Шоир билан С.Волковнинг сұхбати турли рангдаги тошлардан терилган мозаик полотнога менгзайди. Яқиндан қарасангиз, фикрлар сочилиб ётгандай. Узоклашганингиз сари эса яхлитлашиб бораверади.

Бахром Р ў з и м у ҳ а м м а д . Кундуз сарҳадлари. Т., “Мехнат” нашриёти, 1999

Шеър — интим ҳодиса, деб кўп гапирамиз. Лекин ўзимиз ҳам гапимизга амал қилмаймиз-да, шеърни минбарлардан бақириб ўқиймиз, оғзидан заҳар туфлаётган илондай, туйғу сочмоқчи бўламиз, шовқин кўтарамиз. Бу қилиғимиздан кимнингки энсанси қотса, гурроҳга, “юксак шеърият”ни тушунмаганга йўямиз. Балки, ўша одам ҳақдир. Эҳтимол, у “кўчага шир яланочч чикқанимиз”ни, бу ҳам етмагандай, пешгирилик килаётганимизни юзимизга солиб тўғри қилгандир. Балки, шеърни бирорвга ўқиб бериш шарт эмасдир. Бугунги кунга келиб бу ҳодисанинг моҳияти ўзгариб кетмадимикан?



Матбуот бაъзан шоирнинг ўзи ҳам ўқимайдиган шеърларини минг-минглаб нусхада кўпайтириб ётганда, ўкувчи шеърий китобни ҳам худди роман ёки қисса каби ёстиғининг остига қўйиб ёки интернетдан бир ўзи ҳеч кимга кўрсатмай ўқийдиган, ўқиб маза қиласидиган замонлар ҳам келгандир. Ахир, бир вақтлар қиссанонлик, достонхонлик урф бўлгани рост-ку.

Бугунги кунда адабиёт эмас, унга бўлган муносабат ўзгарди. Хайриятки, унинг елкасига ортилавериб, майиб қилиб ташлаган юк анча камайди, яғири ҳам тузалиб, сонга кириб бормоқда. Лекин, бундан 20-30 йил олдингидай, стадионларда ўтириб шеър эшишини замондошимиз ақлига сифдирамикан? Ҳаётнинг абжир маромиу тараққиёт шовқини шоирнинг овозини бўғиб, сўз билан қофозга кишанлаб ташламаяптимикан?

Бундай банди сўз ўша интимлиги ёки бошқа воситалар кўплиги учун товушга айланмайди; туйгулар қофозда гуллайди, қофозда мева беради, керак бўлса, қофозда жон беради, кафандан эса фам емаса ҳам бўлади.

Шеърнинг ўлчами фалати: ҳам параллел, ҳам кетма-кет умри бор. Уни “Исо анфоси” эмас, ўкувчининг нигоҳи тирилтиради. Ўкувчи туйгусига жўр бўлган шеър қофозда питирлай бошлайди, семурға күшга айланаб, уни қанотларида еттини осмонга олиб чиқади. Шеърнинг қанчалик кучга эга экани қофозга тушган сўзларга эмас, шоирнинг унга сарфлаган юрак кўрига боғлиқ. Унинг аurasини мана шу қувват белгилайди.

Баҳром Рўзимухаммаднинг “Кундуз сарҳадлари” китоби ўзбек адабиётининг кейинги 10-15 йилдаги энг катта ютуқларидан бири бўлди. Анчадан бери мана шундай забардаст шоирга эҳтиёж бор эди. Энг қизиги, шу вақтгача шоир танлаган сўқмоғидан изчил, ўзини у ёқ-бу ёққа ташламасдан, бошқалар нима дер экан, ёзганиларим уларга маъкул бўлармикан, демасдан, бармоқ букиб муҳлис санамасдан бораётри.

Албатта, шеърлари енгил ўқилмайди, тасаввурни зўриқтиради. Баъзан яхлит шеър посангисини биргина ташбех (“Хонани советар ийги товуши”; “Мангу жароҳатдек событтир руҳим”; “Тушга соясини // ташлайдирайхон”; “Кўккарғанинг туши // сим ичидан // электр кувватига ўхшаб ўтади”) босбис кетаётгандай туюлса, бошқа ўринда шеърнинг ўзи ёйик ташбехга айланади. Аммо ҳар иккала ҳолда ҳам шоирнинг айтмоқчи бўлган фикрида яхлитлик бор, парокандалик сезилмайди. Бу шеърнинг структураси пухта ўланганида, баъзан бир-биридан жудаям узоқ бўлган ҳақиқат ёки обьектларни ташбех билан “кофиялаши”да кўзга ташланади. Шунинг учун бўлса керак, танқидчилар унинг ёдда қоладиган ташбехларини контекстдан юлиб олиб, савалашни хуш кўради. Шоирнинг новаторлиги янгича услубни топгани ю бир-иккита эсда қоладиган ташбехи ёки сатри; ниманики қаламга олса, Абдулла Каҳҳор айтмоқчи, тогорага ўтқазиб кўриб, яхши-ёмнга ёки оку корага ахратиши билан белгиланмайди. У, албатта, бадиий тафаккур имкониятларини кенгайтириш учун қотиб қолган эстетик қарашларни, поэтик ифода усусларини янгилашга интилишга мажбур. Бу — сентенция эмас, Баҳром шеъриятининг эътирофи.

Шу гапни ёзатуриб ҳам, мен уни яхлит шеърлар эмас, ташбехлар шоири деб биламан. Унинг шеърлари айнан ўша ташбехлари билан эсда қолади. Шоир, ўзи айтганидай, тасаввур илғаб-илғамайдиган, “кундуз сарҳадлари”дан ташқарида бир ўчиб, бир ёнаётган, жимиirlab кўнгил кўзини қамаштираётган сезиму қалқинишларни ифода қилишда мажоз, яъни ташбехдан унумли фойдаланади:

“Булбул ноласидан // ўчиригич ясаб// ўчириб ташлайман // чинор баргини”; ёки: “... биз артиб кўямиз юрак сатхини...” ва ёки: “...аммо хўрор қичқириғи ортига...// шафақранг қишлоғим бекиниб олган...”

Баҳром товуш, хид, ранг, туш каби тушунчаларга қайта-қайта муружаат қиласиди, ҳар бир шеърида уларнинг янги, сизу биз кўргаган қирраларини очади. Унинг ўзига хос ихтиrolаридан бири муайян предметнинг биз кўнишиб қолган вазифасини бемалол бошқаларига олиб бераверишидир. Унинг назарида, “ниначи товушни тешиб ўтади”; “сұхбатта тинимсиз аралашаверар // сенинг жимлигинг”; “кўйлақдай ечаман жасадимни мен”; “ӯша оғриқ.. боз ичини бир оз ёритди”; “танновул қиласиз булбул ноласин”; “ғижимланиб қолар кечаги тушим”...



Албатта, муайян шеърни таҳлил қилганда бундай ўзбошимчалик билан ташбеҳларни контекстдан юлиб олиш тўғри эмас. Бунақа дадил экспериментларнинг, П.Кодиров, Э.Очилов, Б.Саримсоқов сингари олиму ёзувчилар даъво қилаётганидай, нигилизмга ҳам, худосизликка ҳам дахлий йўқ. Агар эстетик меъёларни бузэйтган бўлса, демак, улар қотиб қолган. Замон ўзгариши билан воқеликка бўлган муносабат ҳам, анъанаю қадриятларни баҳолаш мезонлари ҳам янгиланиб боради. Бу бадиий, шунинг баробарида миллий тафаккур имкониятларини бир ангстрем нарига сура олса ҳам, ижодкор ўзининг адабиёт олдидағи вазифасини бажарган бўлади.

“Кундуз сарҳадлари” таассуротларига хулоса ўрнида рус адабиётшуноси Игорь Гариннинг “Поэты и пророки” асаридан куйидаги бир мулоҳазани келтироқчи эдим: “Юксак маданиятсиз иқтисодиётни кучайтириб бўлмайди, ибтидоий онг билан фақат ибтидоий жамият қуриш мумкин... Ҳозирги буҳроннинг энг асосий сабабларидан бири — мева бериб турган экинлар аёвсиз йўқотилиб, улар ўрнида бегона ўтлар кўкарғани бўлди. Ўша ўтлар ўрнига мевали экин экиш, худди иқтисодий ислоҳот сингари, зарурдир. Инсон кўнгли, субъективлик, ғойибдан илҳом олиш, назаркардлик, идеализм, декадентлик, модернизмга бўлган муносабатни бутунлай қайта кўриб чиқиш лозим, чунки нон микдори (фаровонлик — Ф.) билан Малларме ёки жойисимлар ўртасида мистикадан холи боғлиқлик бор”.

Эуженио Монтале. Избранное. Москва, Изд. “Прогресс”, 1979

Постмодернизм фалсафасида матн ёзилиб, чоп этилганидан сўнг муаллифнинг хеч кимга кераги йўқ, матн унинг ўлимидан сўнг ўзининг эркин ва кўчманчи ҳаётини бошлайди, деган кўзқараш бор. Ахборот асрининг мағкурасига айланган ушбу фалсафа шахснинг бошқа эркинликлари баробарида матнни ҳам эркин тушуниши, бинобарин, муайян бир асар ҳеч қаҷон бирор бир муаллифнинг ягона талқинидан иборат бўла олмаслигини назарда тутади.

Шеърни ҳам ҳар ким ўзинча талқин қиласи, ўз даражасида тушунади //тушунмайди// инкор этади. Баъзан у ёки бу шеърга муаллифнинг етти ухлаб тушига ҳам кирмаган маъно юкланиши ва энг қизиги, тўғри бўлиб чиқиши мумкин.


ХХ аср итальян адабиётининг атоқли намояндларидан бири, итальян герметизмининг йирик вакили Эуженио Монтале шеърияти ҳақида сўз юритишдан олдин турли қомуслардаги герметизмга оид таърифи эслаш зарурати бор: “Герметизмнинг асосий вазифаси поэтик сўзнинг рамзи имкониятларини максимал даражада рўёбга чиқаришидир. Сўз ёки шеърий фрагмент анъанага асосланган мантикий ва риторик боғлиқликдан, воқелик аломатларидан бошқача тарзда ифода этилади. У инсоннинг субъектив олами теранлигига асосланади”.

Э.Монтале (1896-1981) ижоди жаҳон шеъриятининг бетакор натуларидан. Албатта, итальян тилининг жарангдорлиги ва мусиқийлигини ҳисобга олсан, уни аслиятда ўқиш мароқлироқ. Лекин таржималари ҳам шоирнинг ўзига хос услуги, поэтикаси ҳақида муайян тасаввур беради:

Шафак зарлантирган деворга
тушган сертиш пальма сояси
янги куннинг даракчисидай,
ёки хуш бир хабар вояси...

Иссиқона ташида гофил —
сукунатни уйғотиб тунда
енгил қадам гичирлар... Бу — сен,
таракорлана бошлайсан менда.

Инсон умри давомида маълум бир анъанавий тушунчалар қолипида тарбияланади ва улар кейинчалик хотирасига михланниб қолади. Табиийки, ўша михланган қарашларни янгиламоқчи бўлаётган шоир анъанавий ўкувчи тасаввурини алғов-далғов қилиб юборади. Шоир ўзбошимчалик билан у ёки бу предметга нисбат бериладиган иш-



ҳаракатни, отни, сифатловчини бошқа бир предмет ёки мавхум обьектга олиб бериб, семантикани бутунлай ўзгартериб юбораверса, бунга чидаб бўладими? У ўзи килиши керак бўлган ишни "...сени излаб...// муолишга кирап соялар", деб бошқа нарса зиммасига юкласа, сув юзасидаги ҳалқоблар ўрнига "хотиранинг ҳалқоблари чайқалса", "бир кишининг нигоҳи икки кишини бир-биридан ажратиб ташласа", одам ўрнига "оппоқ девор ҳикоя қиласа // ойдин хатоларнинг тарихин, оддий кўл ўрнига "...юрагинг кўлинини // бир лоқайдлик мавжи қопласа..", нима қилиш керак? Бу қотиб қолган тушунчаларга исёнми ёки бадий тафаккур чегараларини кенгайтириш, шеър поэтикасиюндан олдин мавжуд бўлган эстетик принципларни ўзгартиришга ҳаракатми? Катта шоир мавжуд поэтикани ҳам, эстетик қарашларни ҳам, тил меъёларини ҳам ислоҳ қилишга мажбур. Аммо ўша ислоҳот ўзини оклагандагина шоирнинг шоирлигига тан берасиз.

Ҳар бир адабиёт ялпи цензура ёки сикувларга ўзига хос тарзда жавоб беради. Совет адабиётида "самиздат" авж олиб кетган бўлса, итальян адабиётида герметизм оқими вужудга келди. Оддий инсоний тыйғу — нафратни мураккаб ташбеҳлар орқали ифода қилишнинг гўзал намунаси бўлган "Хитлер баҳори" шеърини олиб кўрайлик. Шеърда "капалаклар кутуради; кафан бўлиб ерни қоплайди", "кириб келган ёз йилнинг ўлиб қолган фаслидан тунги изгириналарни ҳайдайди"; шаҳар кўчаларида қотиллар жаҳаннам элчиси оркестри садолари остида одимлайди, ер билан ясон қилинган нарсаларни "оловдай чисирловчи, изгириндай чимчиловчи чангчи симириб юборган". Шунақ бир хунук ва таҳликали вазиятда "...музлар узра // сенинг кирғокларинг узра баҳор куртаги ҳавони ёриб чиқади". Одам қиёфасидаги маҳлуқларни шарафлаётган кўнғироқлар жарангни ғолиб ва эркин товуш, тонг шағари нафаси билан кўшилиб кетади. "Эртага жанубнинг куйиб кул бўлган саёзликларига мана шу даҳшатли канотларга даҳли бўлмаган ёруғ бир баҳор келади..." Шеърнинг ҳар бир сатрию ташбеҳидан уфуриб турган трагизм юракни ларзага солади. Халқнинг кўнглида бўртаётган норозилик куртагию келаётган шафақ нафасини ўша мўрмалаҳдай оппоқ капалаклар кўнғироқ жарангни шовқинида эшитмай қолади. Бироқ нафрат тыйғу сифатида, худди мадҳиябозлиқ сингари, шоирга ҳар доим ҳам санъат даражасидаги шеърлар ҳадя эта олмайди. Бизнинг шеъриятимизда кимларнингдир ҳасадидан зорланиш, нафратни ифодалаш, ҳатто муҳаббатни тараннум этиш баҳонасида пайдо бўлган шеърларнинг аксарияти, афсуски, санъатдан йироқ, шахсий кечинмалар ифодаси сифатида қолиб кетган.

Албатта, фашизмни қоралаш шарт. Унга ўша мафкуранинг зомбиларидан бошқа ҳеч ким нафратсиз қарай олмайди. Лекин Э.Монталедай герметизмнинг улкан бир вакили нафратни энг кутилмаган ташбеҳлар билан ифода қилаётib ҳам ҳайқирав даражага келиб қолади. Ҳайқириқ эса санъатга эш бўлиши қийин. Менинг назаримда, шоирнинг энг сара шеърлари руҳий мувозанат сакланиб турган пайтда ёзилади. Фақат кўнгли хотиржам одамгина санъат ҳақида ўйлаши, сўзни янгилашга ҳаракат қилиши мумкин. Шеъриятимиздаги вазминлик ўрнини ҳайқириқ, эмоционаллик босиб кетаётгани, афсуски, унинг сифат ўзгаришига салбий таъсир этяпти.

Ҳеч ким шоирни, ў ёки бу тыйғу ҳақида ёзма, деб чегаралай олмайди. Ҳар ким ўзи хоҳлаган воқеа-ҳодисага муносабат билдиришга ҳақли. Фақат санъат эсдан чиқмаса бўлгани.

Умуман, Э.Монтале умри давомида одамнинг қўли, нигоҳи, тасаввuri етмайдиган жойларга ташбеҳларни чўзди ва ботиний онг деб аталмиш чексиз уммонни кўзойнан тақмай, лойқа сувга тушган favvосдай, ўша ташбеҳлар билан пайпаслади, нималарнидир топди; ўзи айтгандай, луғатлардан "от етмай қолган нарсаларга" мажоз орқали янги исмлар топиб беришга интилиб яшади. Қолгани эса ўқувчининг иши.

Николай Бердяев. Русская идея. Самопознание. Москва, "Эксмо-пресс", 1999

Миллий ғоя нима ўзи? Баъзилар уни ҳалқ яратади, деса, бошқа бировлар, мутахассислар ишлаб чиқади, у муайян мамлакатда яшайдиган барча миллат ва элатларнинг истак ва интилишларини ўзида мужассам этган сиёсий, хукукий, ахлокий, диний, эстетик ва фалсафий қарашлар ҳамда ғоялар тизимиdir, дейди. Бу мафкура

эмасми? Миллий фоя муйян миллатнинг тили, дунёкараши, анъаналари, қадриятлари, урф-одатлари, фикрлаш тарзи-ку. Демак, у бор.

Рус файласуфи Н.Бердяев "Русская идея" ("Рус гояси") асарида рус гоясини кўрсатиб беришда айнан шу йўлдан боради. У рус зиёлиларининг фалсафий, адабий, публицистик асарларида қайд этилган мушоҳадаю мулоҳазалари асосида, рус кишининг хулқ-автори, ёки бу ходисага, анъаналар, урф-одатлар, қадриятларга бўлган муносабати, уларнинг жамият хаётидаги тутган ўрнидан келиб чиқиб фикр юритади.

Муаллиф русларни гарблеклар билан солишиштари экан, индивидуализм ва коммюниторлик, яъни ўзини жамоанинг бир бўллаги деб билиш уйғуналиги рус кишисини бошқалардан ажратиб туради, деб ҳисоблади. Бу хусусият унинг меҳмондўстлигида зухур бўлишини айтади.

Қизиги шундаки, у рус давлатчилигини бошдан-оёқ ислоҳ қилиб мустаҳкамлаган, Россияни буюк давлатга айлантирган Пётр Биринчининг хулқида рус кишисига хос бўлган жиҳатларни "саддалик, кўполлик, маросимлар, шартлилеклар, этикетни ёқтирасмаслик, ўзига хос демократизм, ҳақиқат ва Россияга муҳаббат" да кўради. Шу билан бирга, унинг бошқарув услубини большевикларнига қиёслайди.

Н.Бердяев социализм азалдан русларнинг қон-қонига сингиб кетганини таъкидлар экан, римликларга хос мулк тушунчаси уларга ёт бўлганини, ерга эгалик хисси бўлмай, у фақат подшога тегишли деб ҳисобланганини қайд этади ва бу ҳолни коммунистик дунёкарашининг пайдо бўлишига асос сифатида тушунтиради. Унинг назарида, бу эркинликни класла ҳам адолатни таъминла берган. Боз устига, атеизмга асосланган социализмнинг диний характерга эга бўлганини, Маркс ўз таълимотининг Россия тарихида қандай миқёс ва аҳамият касб этишини тасаввур ҳам қилолмаганини ёзди.

Файласуф эътирофича, руслар маданиятга сажда қилмайди, шунинг учун рус гояси маданият гояси эмас. Бинобарин, рус адабиётида, Гоголь, Толстой, Достоевский каби гениал ёзувчилар ижодида ренессанс, яъни уйғонишдан кўра, рус ҳалқининг изтироблари ифодаси устунроқ туради.

У рус гоясининг таркибий қисми сифатида славянпастлар православ дини, са-модержавие, яъни монархия ва ҳалқчилликдан иборат учликни таклиф қилиб келганини, уларнинг назарида, бу учлик ўша вақтдаги ҳукуматнинг расмий мафкурасидан фарқ қилишини, яъни черков билан ҳалқчиллик подшога бўйсунмаслиги кераклигина баён этади.

Асар сўнгига рус гояси қиёматга ишонишга асослангани, шунинг учун рус максимализми мавжудлиги; рус кишисиша шавкатли тарих тушунчаси ёт экани; Россия дунёдаги энг катта давлатга эга бўлатуриб ҳам фуқаролар давлатни ёқтираслиги; унинг изламлари руҳий эмас, маънавий характерга эга экани; коммюниторлик ҳалқларнинг биродарлигига таяниши; русларнинг гуноҳ ва жиноятга муносабати ўзгача бўлиб, кўпроқ мазлумларга раҳм-шафқат кўрсатиши; ҳашамларга тоби йўклиги; табақаланишдан кўра бутунликка интилиши; бир тарафдан, сабр-қаноати ва бирор нарсадан воз кечиши, бошқа тарафдан эса адолатни талаб қилиб исён кўтариши теран таҳлил қилинади.

Албатта, кичик бир мутолаа баёнида Н.Бердяевнинг "Рус гояси"да илгари сурган қарашларини тўлиқ шарҳлашнинг иложи йўқ.

Эътироф этиш керак, биз кўпинча миллий фоя ва миллий мафкура тушунчаларини чалкаштириб юборамиз. Миллий фоя ҳақида гапирганда, иложи борича миллат хулқ-авторидаги ижобий жиҳатларни бўрттириб кўрсатишга, ана шу фазилатларни миллий мафкурага асос қилиб олишга ҳаракат қиласиз. Иллатларни эса ўз-ўзидан тузалиб кетади, деб ўйлаймиз. Фарб менежментида бирор муаммони ҳам қилишдан олдин уни визуаллаш, яъни тўла кўз олдига келтириш учун кулай шаклга солиш талаб этилади. Модомики, биз ҳам иллатлардан кутулмоқчи бўлсак, мулаҗани бошлашдан аввал ташисни тўғри кўйиб олишимиз лозим. Камчилекларимизни айтаверсак, обрўйимиз тушиб қолмайдими, деб чўчимаслик керак. Бинобарин, беморни ширин сўз эмас, аччик дори тузатади.



Yangi ast falsafasi va inson

Янги давр фалсафасида турли жамиятлар, давлат тузилмалари ёки борлик билан рухий олам ўртасидаги фарқларга оид баҳслар асосий ўринни эгалламайди. Аксинча, бу масалалар иккиласи даражали бўлиб қолаётир ва ўз ўринни "инсон-коинот", "одам-олам", "инсон омили-жамият муносабатлари" каби муаммоларга бўшатиб берәтири. Янги имкониятлардан шахсий, синфиж ва ҳатто миллий манфаатларни кўзлаб эмас, биринчи навбатда, умуминсоний манфаатлар йўлида фойдалана оладиган, янгича фикрлайдиган шахслар, сиёсий ва ҳарбий аргоблар, маънавияти юксак, ахлоқи пок мутахассис олимларни шакллантириш фалсафа фанининг ҳам долзарб вазифасидир.

Мустақиллники мустаҳкамлаш, интеграция ва глобаллашув жараёнлари инсон омилини тобора биринчи ўринга чиқариб кўймоқда. Бино-барин, инсонпарварлик ғоялари ҳар бир киши ҳаётининг мақсад-муддоасига айланишига эришишда фалсафа фанининг аҳамияти ошиб бормоқда. Ҳозир техника шу даражада ривожланиб кетдики, арзимаган биргина хато учун ер курраси изидан чиқиб кетиши ҳеч гап эмас. Шу боисдан маънавияти юксак кадрларни етиштириш ҳар доимигидан ҳам муҳимдир. Инсон маънавиятининг нечоғлиқ юксаклиги унинг муоммаласи, фикри, дунёкараши, миллий қадриятларга бўлган муносабатида ўз аксини топади.

Маънавият ўз-ўзидан эмас, балки муайян ахлоқий камолот, чукур билим, фан-техника ютуклари, илмий тафаккур заминида шаклланади ва чукур илдиз отади. Бу ҳақиқатни давлатимиз раҳбари Ислом Каримов қўйидагича

ифодалайди: "Дунёнинг демократик қадриятларидан баҳраманд бўлишда аҳолининг билимдонлиги муҳим аҳамият касб этмоқда. Фақат билимли, маърифатли жамиятгина демократик тараққиётнинг барча афзалликлари ни қадрлай олишини ва аксинча, билими кам, оми одамлар авторитаризмни ва тоталитар тузумни маъкул кўришини ҳаётнинг ўзи ишонарли тарзда исботламоқда" (Ислом Каримов. Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари. Т., "Ўзбекистон", 1997, 150-бет).

Ана шу сўзлар замиридаги чукур фалсафий, тарбиявий ғояларни ўрганиш ва ҳаётда уларга амал килиш инсон маънавий камолотида катта ўрин тутади. Чунки асоси маънавият бўлган илм инсон учун бамисоли гавхардир. Илм ўз соҳибини камолот пиллапояларидан тобора юксалтирувчи бойлиқдир. Илм инсонга ҳаётда йўлдош, сирдош ва кўмақдошдир. Дунёда ҳар қандай муаммо илм, акл-идроқ ва тафаккур ёрдамида бартараФ этилади.

Хуллас, янги аср фалсафасининг муҳим масалаларидан бири — одам ва олам ўртасидаги муносабатни, унинг жамият тараққиётидаги ўринни тадқиқ этиш, муайян хулосалар чиқаришдир. Фикримизча, бу оддий баҳс мавзуси эмас, балки фалсафа фанининг илмий муаммоси, янги даврда фалсафанинг ривожланиши қонуниятларини белгилаш воситаси ҳисобланади.

Мұҳаббат ИСАЕВА,
педагогика фанлари номзоди

Rahbar bo'lish osonmi?

Юқори лавозимга эришмоқчи бўлган киши зарур билим, малака, кўниқмаларни эгаллаб бориш фурсатини бой бергудек бўлса, қанчалик қобилияти эканига қарамай, яхши раҳ-

бар бўлиб шаклана олмайди. Бу — мутахассислар хулосаси. Шунинг учун бўлажак раҳбар ходимларни масъул вазифага имкон қадар эртароқ тайёрлаш баробарида уларнинг таш-

килотчилик қобилиятини ривожлантириб бориш, мунтазам равишида ўстириш зарур.

Давлат ва жамият курилиши академиясида ташкил этилган раҳбар ходимларни тайёрлаш ва малакасини ошириш курсларида маҳсус дастур асосида "Бошқарув психологияси", "Раҳбар фаолияти психологияси" фанлари ўқитилаётгани, илмий изланишлар олиб борилаётгани бу борада муайян ишлар қилинётганини кўрсатади.

Юқори малакали раҳбар ходимлар тайёрлашга оид илмий-услубий адабиётлар ҳам чоп этилмоқда. Уларда раҳбар шахси ва раҳбарлик фаолиятига оид эътиборга молик маълумотлар, амалий тавсиялар берилган. Жумладан, И.Липсицнинг "Моҳир раҳбар сирлари" рисоласида бўлажак раҳбар иш жараёнида ходимлар билан муносабатни қандай ташкил этмоғи ва фаолият самарадорлигига унинг оиласи қандай таъсир кўрсатиши каби масалалар дунёнинг атоқли давлат арбоблари ҳаёти мисолида ёритилган. Шунингдек, мазкур асарда ходимлар ҳурматини қозониш учун раҳбар ўзига қандай талаблар қўйиши зарурлиги, бошқарув ишида психологиянинг ўрни, раҳбар фаолиятини илмий ташкил қилиш, аёл ва эркак раҳбарларнинг психология хусусиятлари, раҳбарлик ва оила ҳаёти, раҳбар ва унинг саломатлиги каби масалалар илмий таҳлил этилган.

Бугунги кун раҳбари учун фойдали қўлланмалардан яна бири Тони Бюзен, Тони Доттино ва Ричард Израэл ҳамкорлигига ёзилган "Интеллектуал раҳбар" китобидир. Бу асарда ҳозирги замон бизнесида раҳбарнинг интеллектуал имкониятларидан фойдаланиш масалаларига оид амалий тавсиялар берилган.

Асарда ҳозирги вақтда интеллектуал раҳбар ўз корхонасида ўзгаришлар ва янгилик-

ларнинг ташаббускори бўлмоғи лозимлиги таъкидланади. Муаллифлар фикрича, раҳбар ўз ходимларининг ҳурмати ва ишончини қозона олиши билан бирга, уларнинг иқтидорини рағбатлантириши ва бундан корхона манфати йўлида фойдаланиши лозим.

И.Волков "Раҳбарлик ва инсон омили ҳақида: ижтимоий-психологик практикум" асарида ҳозирги вақтда бошқарувни ташкил қилишда психологик билимга бўлган эҳтиёжнинг ортиб бораётгани ҳақида баҳс юритади. Шунингдек, мазкур китобда раҳбарлик фаолиятида йўл қўйилиши мумкин бўлган хатолар, уларни бартараф этиш усуслари, бошқарув жараёнида раҳбарга боғлиқ ёки боғлиқ бўлмаган масалалар, раҳбардан ходимлари ва ўзидан юқори лавозимдагилар нималарни кутиши масаласида илмий тавсиялар берилган.

Асарда кичик корхоналар ходимлари ўтасидаги ўзаро муносабатлар мисолида жамоа аъзоларининг ҳамкорликдаги фаолиятини ташкил қилишнинг ижтимоий-психологик жиҳатлари теран таҳлил этилган.

Албатта, сўнгги йилларда раҳбарлик фаолиятига оид кўплаб адабиётлар нашр этилмоқда. Бу эса бугунги кун раҳбар ходимлари мустақил малака ошириши учун қулай шароит яратади.

Яна шуни ҳам эътиборга олиш керакки, бундай қўлланмаларнинг аксарияти хорижий, хусусан, инглиз ва рус тилларида. Табиийки, улар ҳалқимизнинг урф-удуми, характеристи, менталитетига мўлжалланмаган. Демак, ўзбек тилидаги услубий қўлланмалар сони ва сифатини ошириш замон талабидир.

Дилбар РЎЗМЕТОВА,

ЎзФА Фалсафа ва
хукуқ институти докторанти

Osoyishita hayot tanbai

Инсоният эришган энг катта ютуқлардан бири бу оила ва оиласий қадриялардир. Инсонни мустақил ҳаётга тайёрлаш ва унинг учун зарур бўлган энг муҳим ҳаётий билим ва кўнікмаларни қалби ва тафаккурига сингдириш, соғлом дунёқараш, инсоний кечинмаларни шакллантиришда ҳеч қайси ижтимоий тузилма оиласининг ўрнини босолмайди. Жамиятга онгли ва билимли, юксак маънавиятли фуқа-

роларни етиштириб беришда оила ҳам боқча, ҳам мактаб, ҳам меҳнат жамоаси, ҳам маҳалла-кўйга хос бўлган вазифаларни бажара олади. Бир сўз билан айтганда, оила ўзида жамиятдаги инсон тарбияси билан боғлиқ барча ижтимоий функцияларни муайян даражада мужассам этган ноёб ва бетакрор тузилмадир.

Шунинг учун ҳам мустақиллик йилларида мамлакатимизда оила институтини ривожлан-

тириш, унинг баркамол инсонни тарбиялаш борасидаги имкониятларини кенгайтириш, нуфузини ошириш масалаларига катта эътибор берилмоқда. Жамиятимиз миллий мафкура асосларини ифода этадиган “Миллий истиқлолғояси: асосий тушунча ва тамойиллар” рисоласида оила тузилмасининг жамиятдаги маънавий-мафкуравий муҳитни янада яхшилаш, ҳар томонлама соғлом ва баркамол инсонларни вояга етказиш борасидаги аҳамияти алоҳида қайд этилганни ҳам бежиз эмас. Мазкур рисолада, жумладан, бундай дейилади: “Оила — мафкуравий тарбиянинг энг муҳим ижтимоий омилларидан биридир. Чунки оила — жамият негизи бўлиб, кўп асрлик мустаҳкам маънавий таянчларга эга. Миллий мафкурамизга хос бўлган илк тушунчалар, аввало оила муҳитида сингади. Бу жараён боболар ўғити, ота ибрати, она меҳри орқали амалга ошади” (Миллий истиқлолғояси: асосий тушунча ва тамойиллар”. Т., “Ўзбекистон”, 2000, 66-бет).

Дунё миқёсида глобаллашув жараёни тобора кучайиб бораётган ҳозирги мураккаб даврда оиласининг жамият ҳаётида ахлоқий қадриятларни асраб-авайлаш, меҳр-оқибат, бағрикенглик, эзгулик ва олижаноблик муҳитини, юксак туйғуларни ривожлантиришдаги аҳамияти янада ортмоқда. Айниқса, ҳалқимизнинг миллий ўзлигини, авлодлар ўртасидаги руҳий-маънавий ворисийлик анъаналарини сақлаш ва камол топтиришда оиласининг роли катта. Бунга бир мисол, бугунги энг замонавий аҳборот воситалари томонидан тинимисиз йўналтирилаётган турли аҳборот, мафкура ва гоялар босими остида ҳам ўзбек қизи ёки йигити ўзининг кимлиги, қандай буюк миллат вакили эканини, кўхна қадрият ва анъаналарини эсидан чиқармайди. Мабодо ҳаётда мураккаб бир шароитда йўл танлаш зарурати туғилгудек

бўлса, керакли маслаҳатни ана шу кўп сонли аҳборот ва мафкура манбаларидан эмас, аввало ўзининг оила муҳитидан — ота-онаси, бува ёки бувиси, бошқа қариндошларидан олади. Ба бу энг ишончли, энг беғараз манбадир. Оила аъзоларининг маслаҳати ҳеч қачон нотўғри бўлмайди. Чунки ўзаро яқинлик ва ворисийлик туйғуси нотўғри аҳборот ёки маслаҳатни раво кўрмайди. Бу эса оиласининг неча минг йиллик қадриятлар биносини бусбутун саклаб қолиш имконини беради. Оиласий анъаналарни саклаб қолиш эса уларнинг замирида неча замонлардан бўён яшаб, сайдид топиб келаётган туйғу ва тушунчаларни асраш демакдир.

Умуман, оиласининг инсон ҳаётида, айниқса, унинг тўғри йўл танлашида қандай муҳим ўрин тутишини таъқидлайдиган кўплаб мисоллар келтириш мумкин. Масалан, адашиб, фўрлик қилиб, ножӯя йўлга кириб қолган айрим ёшларнинг айнан ота-онаси, оила муҳити таъсирида яна соғлом ҳаётга қайтганини олайлик. Айнан оила туфайли қанча-қанча йигит-қизлар оғир синов ва машаққатлардан сўнг яна тинч-осуда ҳаёт кечириш кўнікмаларини эгаллайди. Яни, инсонни руҳий-маънавий жиҳатдан ҳаётга қайта мослаштиришда ҳам оила катта роль ўйнайди.

Ўзбек оиласидаги асрлардан бўён ривожланиб келаётган кўхна қадрият ва анъаналар, ўзининг маъно-мазмунига кўра, миллий истиқлолғоясининг руҳи ва фалсафасига жуда мос келади. Шунинг учун ҳам ёш авлодни миллий истиқлолғояси руҳида тарбиялашда оила муҳити катта аҳамият касб этади.

Фаридахон СОИФНАЗАРОВА,
фалсафа фанлари номзоди, доцент

Koreyada ta’lim tajribasi

Жанубий Корея Республикаси мактабларидаги таълим тизими бошланғич мактаб (1-6 синфлар), ўрта мактаб (7-9 синфлар), кучайтирилган ўрта мактаб (10-12 синфлар), икки йиллик тўлиқизсиз колледж, тўрт йиллик колледж ва университет босқичларидан иборат. Бошланғич мактабда 6-11 ёшгача бўлган болалар олти йиллик мажбурий таълим олади. Бу мактабда ўкув

дастурига саккизта фан киритилган. Улар — маънавий-ахлоқий тарбия, корейс тили, жамиятшунослик, математика, табиий фанлар, жисмоний тарбия, мусиқа ва тасвирий санъат.

“Таълим тўғрисида қонун” 1948 йили қабул қилинган бўлса-да, 1953 йили Корея уруши тугаганидан сўнггина мамлакатда тикланиш юз берди ва бу қонун бошланғич мактабларда

амалга жорий этилди. Корея Республикаси Конституциясининг 31-моддасига асосан бошлангич мактабда таълим олиш белул.

1952 йилдан бошлангич мактаб ўқувчилари кўпая борди. 1971 йилга келиб уларнинг сони беш миллионга етди. Ҳатто айрим мактабларда ўқувчилар ўн минг нафардан ошиб кетди. Синфларда эса уларнинг сони тўксон нафарга етди. Аксарият мактабларда дарсларни уч сменада ташкил килишга тўғри келди.

Ўрта мактабларда билим олиш уч босқичдан иборат. Корей ёшларининг имлга бўлган интилиши кучайгани сабабли мамлакатда ўрта мактабда ўқийдиган ўқувчилар сони ҳам йилдан-йилга ўсиб бормокда. Бу юртда ўқувчилар мактабни танлаш ҳукуқига эга эмас. Ҳар бир бола ўзи яшаб турган жойда билим олиши шарт. Ўрта мактаблар ўқув дастурига ўн икки фан киритилган.

1974 йилга келиб кучайтирилган ўрта таълим мактаблари жорий қилинди. Бу мактабга имтиҳон асосида қабул қилинади. Бугунги кунда кучайтирилган ўрта мактаблар ўқувчилари сони ҳам сезиларли даражада ўсган.

Кучайтирилган ўрта мактаблар умумий маълумот берадиган ва касб-хунар мактабларига бўлинади. Касб-хунар мактаби ўқувчилари қишлоқ хўжалиги, савдо-сотик, балиқчилик, техника, машинасозлик, санъат, денгиз соҳалари бўйича таҳсил олади.

Жанубий Кореяда бугунги кунда 765 та шундай мактаб фаолият кўрсатмоқда. Касб-хунар мактабларида дарс соатларининг 30 фоизи ижтимоий, 70 фоизи касб-хунарда доир фанларга ажратилган. Уч йиллик ўқиш даврида ўқувчи учун камида 304 соат дарс белгиланган.

Биринчи курсда умумтаълим фанлари, иккинчи ва учинчи курсларда маҳсус ихтисослик фанлари ўтилади. Ўқишнинг сўнгги босқичида уч ойгача амалиёт ўташ белгиланган.

Умумий маълумот берадиган мактаблар асосан ўқувчиларни олий ўқув юртларига тайёрлайди. Бу мактабда ўқувчилар учун куйидаги кун тартиби белгиланган: 8.00 дан 17.00 гача мактабдаги таҳсил, 22.00 дан 23.00 га қадар уйга берилган вазифаларни бажариш. Улар ҳатто якшанба ва ёзги таътил кунлари ҳам тинимсиз билим олади. Мактаблардаги имтиҳонларнинг талаби олий ўқув юртлари кириш имтиҳонлари даражасида. Чунки нуфузли олий ўқув юртларига ўқишига кириш осон эмас.

Бу юртда хусусий дарс бериш (репититорлик) қонун асосида қатъий тақиқланган. Хусусий ўқитувчилардан таълим олган ўқувчи мактабдан ҳайдалади, ўқитувчи эса ишдан бўшатиласди.

Жанубий Корея Республикасидаги олий ўқув юртларининг 80 фоизи хусусийдир. Шундай бўлса-да, ректорлар ва ректорлар кенгаши аъзолари ҳалқ таълими вазирлиги томонидан тасдиқланади. Олий ўқув юртларининг дастурларида умумий ва ижтимоий фанлар, корейс тили, иккита хорижий тил, фалсафа асослари, маданият тарихи, умумий фанлар назарияси ва жисмоний тарбия фанлари ўтилиши шарт. 1945 йилгача Жанубий Кореяда 19 та олий ўқув юрти бўлган, 1992 йилга келиб уларнинг сони 623 га етди (шундан 494 таси хусусий). Олий ўқув юртига кириш имтиҳонлари ўқувчилар ўрта мактабларда олган балл ва тест синовлари асосида ўтказилади. Бакалавриат дипломини, тибиёт ва стоматология мутахассисларидан ташқари, ҳамма олиши мумкин.

Олий ўқув юртини битирган энг аълочи талabalар давлат томонидан юқори лавозимларга, молия соҳасига, давлат бошқаруви ишларига таклиф қилинади.

Фахриддин ЎСАРОВ,

Тошкент вилоят Педагогика
институти тадқиқотчisi

Ахлоқ ва руҳиёт

Ахлоқнинг инсон руҳиятига боғлиқ жиҳатларини ўрганиш муайян илмий ва амалий аҳамиятга эга. Бинобарин, ахлоқнинг бой псиҳологик тизими ижтимоий-иктисодий ҳодисалар жараённада шаклланади. Ушбу тизим шахсий ахлоққа тегишли кўплаб элементларни камраб олади. Маънавият улар орасида катта аҳамиятга эга.

Ахлоқий фаолият, психологияк тизим унсури сифатида, предмет ёки обьектга шахснинг муносабатини ифодалайди. Зоро, ҳар қандай ҳатти-харакатни амалга оширишда индивиднинг муайян эҳтиёж ва манфаатларига қарама-қарши майл-ҳоҳиш мухим ўрин тутади.

Ижтимоий фаолиятнинг тайёрлов босқичида моҳиятнинг олдига кўйилган мақсадни амал-

га ошириш учун зарур бўлган майл шаклланади. Кўплаб ахлоқий омиллар, ҳатто ғаразли тажовузлар унга таъсир этиши мумкин. Шунинг учун бирор ҳаракатнинг моҳияти тўғрисида, жумладан, ахлоқ хусусида фикр юритилгандан, тарафдор ва карши овозлар чамалаб кўрилади. Бинобарин, бундай муҳокаманинг ўзи мотивлар курашини акс эттиради.

Ахлоқий тутумларга зид бўлган мотивни танлаш бурч ва идрок билан рақобат қиласиган мотивларни вужудга келтириши мумкин. Бунда энг диккатга сазовори — тўлақони хуносага келиш учун зарур бўлган вақт оралиги ва фикрнинг шахс психик ҳолатини белгиловчи хилма-хил вазиятда юзага чиқишидир. Маънавий ахлоқ намоён бўлишининг типик тизимлари бўйича, шунингдек, шахснинг психик ҳолатига боғлиқ ҳолда, қарор ҳар хил вақт оралиғидаги мотивациянинг турли дараражасида, баъзан эса мотивсиз қабул қилинади.

Ўзликни, моҳиятни англаш жамият ва "мен" муносабатида, айниқса, яққол намоён бўлади. Шу нуқтаи назардан, шахсда фикрлаш, қарорни ўйлаб кўриш ва қабул қилиш муайян муддатда, етарли асосланган ҳолдагина амалга ошади. Мураккаб вазиятларда содир этилган ҳаракатлар қисқа вақтда мотивнинг шаклланиши, тезкор намоён бўлишига таянган кучли хоҳиш тарзида қабул қилинган қарорлар билан олдиндан белгиланади. Бундай қарорлар,

ҳукмлар, хуносалар кучли руҳий ҳаяжон ҳолатидаги вазиятда безорилик, ахлоқсизлик, маданиятсизлик каби иллатларни келтириб чиқаради. Бу омиллар мотив шаклланишининг бир кўриниши ҳисобланиб, шахс юқори маънавий хусусиятини намоён этиши ёки бунинг акси бўлиши мумкин. Бу эса жамиятдаги тарбия услубларига ва шахснинг ахлоқий ҳамда этник хусусиятларига боғлиқ.

Агар ахлоқнинг мотивацион босқичи бирон бир қарор (хукм) қабул қилиниши билан белгиланса, у ҳолда амалга ошириш босқичи қарорни ҳаракатга айлантиради. Бунда инсоннинг руҳий сафарбарлиги мақсадга эришиш учун тезкор фаолият кўрсатишига қаратилиади. Дарҳақиқат, инсон юксак маънавиятга эга бўлгандағина ҳар қандай вазиятда ҳам ўзини бошқаради, ортиқча хатти-ҳаракат қилмайди. Бинобарин, ўз имкониятини чуқур ҳис этган ҳолда мақсад сари қатъий интилади.

Хулоса ўрнида шуни айтиш жоизки, одамлар юксак ахлоқ соҳиби бўлсагина ижтимоий-иқтисодий ҳаёт чинакамига юксалади. Коғим инсон ҳар қандай шароитда ҳам фазилатларини йўқотмайди. Бу эса ўзида ахлоқий сифатларни мужассамлаштириш натижасидир. Бинобарин, одамийликнинг асл маъносини ҳам юксак ахлоқий хусусиятлар белгилайди.

Дилрабо МУҚИМОВА,

Карши Давлат университети ўқитувчisi

"Al-Isloh" va ta'sim islohi

Туркистон жадидлари фаолиятида ёш авлод тарбиясига, таълим тизимини ислоҳ қилишга бўлган эътибор алоҳида ўрин тутган.

XX аср аввалидаги нуғузли журнallардан "Ал-Ислоҳ"да босилган материаллар ҳам ушбу фикрни тасдиқлайди. Абдураҳмон Сайёҳ ва Мунавваркори Абдурашидхонов ташаббуси ва саъӣ-ҳаракати билан дунё юзини кўрган "Ал-Ислоҳ"нинг мақсад ва вазифалари ҳақида журнالнинг 1915 йил 2-сонида кўйидагилар ёзилган: "Ислоҳи замон мусулмонларга диний, дунёвий хизмат қиласурон мажалладур. Ислоҳ мусулмонларни Китоб ва суннат тарафига чақирадурон мажалладур. Ислоҳ мусулмонларни номашру ишлардан қутқарадурон мажалладур. Ислоҳ мусулмонларни масалайи фиқ

ва эътиқоди заруриядан хабардор қиласурон мажалладур".

Журнал саҳифаларида таълим ислоҳи мавзуда туркum мақолалар, шеърий ва насрой асарлар эълон қилинган. Жумладан, Маҳмудализода Тошкандийнинг "Миллий алоқа" (1916 йил 3-сон) шеърида кўйидагиларни ўқиймиз:

Бизда кўп жаҳлу ғазаб, арбоби ғафлат
иҷра биз,
Маърифат илму фунун айлаб киром

ислоҳ қил...
Тўй учун сарф айлагаймиз неча юз
динорлар,

Русм деб исрофлар минг-минг дирам
ислоҳ қил.

Масжиду мактаб мадорис сари қилғил
назар,
Онлари илму одобда мунтазам
ислоҳ қил.

Шоирнинг ушбу мисраларида Туркистон халқи ҳаётидаги қолоқликларни, маърифат-сизликни ислоҳ қилиш тоғаси мужассам. Тўйларни ортиқча харажатлар билан дабдабали ўтказишга зўр берилаётгани, яна бунинг урф-одат деб талқин этилаётгани унинг ҳақли эътирозига сабаб бўлади. Муаллиф мактаб ва мадрасаларни ислоҳ қилиш зарурати ҳақида боңг уради.

Маърифат тарғиби, мактаблар ислоҳи муаммоси Саидхамад Васлий ижодида ҳам алоҳида ўрин тутади. Жумладан, "Ал-Ислоҳ" журналининг 1916 йил 5-сонида олимнинг "Хар мусулмоннинг араб тилига ошно бўлиши" номли маколаси ёълон қилинган. Мақолада Туркистон аҳолисининг араб тилини ўрганиши, Қуръон ва ҳадис маъноларини тушуниши, отабоболаримизнинг бу тилда ёзилган китобларини ўқиб, маърифат ҳосил қилиши зарурати таъкидланади.

Муаллиф ёш авлоднинг азиз вақтини беҳуда ўтказиб, кўча чангитиб, от чоптириб юришидан, бойларнинг фарзандлари мактаб ва мадрасаларни пора бериб тамомлашидан, оқибатда ўз оиласига фожия келтиришидан изтиробга тушади. Васлий биргина диний билимлар билан чегараланиб қолмай, дунёвий билимларни ҳам ўрганиши зарурлигини уқтиради. Жаҳолатда қолган "қора халкнинг оқариши" да бирдан-бир восита маърифат эканини таъкидлайди. Васлийнинг "Ал-Ислоҳ" журнали 1915 йил 17-сонида чоп этилган "Ислоҳ таддиси ҳақинда" сарлавҳали мусаддаси бу жиҳатдан дикқатга сазовордорид.

Шеърда дарс ислоҳи дину шариат жисмига жон бағишлиши, дарс "кўнгиллар ичра тоза руҳ ҳосил айлаши" ҳақидаги теран фикр бетакор бадиият билан ифодаланади. "Дарс ислоҳ ўлмаса, ўлмас биза файзу футиҳ" деб ўша вактда Туркистонда таълим тизими замон талабларига жавоб бермай қолганидан изтироб чекади. Айниқса, шоирнинг "Бу замонда олим ўлмокфа керакдур умри Нуҳ" деган сўзлари бу изтиробнинг нақадар чўнг эканини кўрсатади. Васлий куюниш билангина чекланмайди. Бу ҳолатдан чиқиш чораларини излайди. Натижада, "Осмони илм учундир нардбон ислоҳи дарс" деган хulosага келади:

Неча толибларни кўрдум – ўзлари
асҳоби илм,
Бўлмамишлар саъу кўшиш айлабон
арбоби илм,
Минг ташаккурлар қилурдим ҳар на бу
туллоби илм,
Неча йил умр ўткаруб гар билса фаслу
боби илм.
Бу каби толибларадур, иззу шаън
ислоҳи дарс,
Осмони илм учундур нардбон
ислоҳи дарс.

Бошқа жадид боболаримиз каби Васлий Самарқандий ҳам Туркистоннинг ўша даврдаги ҳолатига тақидиҳ назар билан қарайди. "Ишлари дарсхоналарда "ийоб ила зиҳоб" — келмагу кетмақдангина иборат бўлган, асосий вазифасини — билмагу билдиримакни унутган толиби илмларни кўриб, уларнинг ҳолига ачинади. "Айласак ислоҳи тадрис, эй гуруҳи мустатоб, Бўлмас эрди ҳолати авлоддимиз бўйла ҳароб" деб таассуф қиласди. Жаҳолатдан најот топмокнинг ягона чораси дарсни ислоҳ қилиш эканини таъкидлайди.

Мусаддаснинг сўнгги бандида шоир илм-маърифат йўлида беғараз хизмат қилаётган таҳамтантлар — паҳлавонлар борлиги учун шукр айтади. Ислоҳи дарс икки дунё нағига хизмат қилишини айтиб, шунга даъват этади:

Ори-ори бор эрур юздан бири
ахли камол,
Айлаюр хизмат шариатнинг йўлида
қадри ҳол,
Шу таҳамтантлар бақои шаръ учун
айлар хаёл,
Бу шарафлик фикр илан, ислома
ёндашмаз завол.
Алғараз ислом учундур пуштбон
ислоҳи дарс,
Икки дунё нағигадур баҳри кон
ислоҳи дарс.

Кўриниб турибдики, XX аср аввалида жадид боболаримиз бадиий ва публицистик асарларида Туркистондаги таълим тизимини ислоҳ қилиш тоғасига ҳаёт-мамот масаласи деб қараган.

Кўлдош ПАРДАЕВ,
Ўзбекистон Миллий университети
аспирантни

Zamonabor lug'atlar

"O'zbegim Dasturlari" электрон нашрлар таҳририяти "Банк", "Ташқи иқтисод", "Хуқуқ", "Иш юритиши" соҳаларида кўп кўлланадиган сўзлардан иборат "O'zbegim Dasturlari atama va iboralar lug'atlari"ни ўқувчиларига тўрт йил бурун тақдим қилган эди. Бу биринчи ўзбек электрон лугати бўлиб, тўққиз йўналишни қамраб олган. Китоб шаклидаги бир йўналишни лугатларга нисбатан электрон лугат анча қулай. Айниқса, хужжатларни давлат тилига ўтказишида жуда аскотади. Бундан ташқари, электрон лугат кирилл имлосида бўлиб, маҳсус дастур ёрдамида уни лотинчага бехато ўгериш мумкин.

2004 йили таҳририят "Банк, молия глоссарийси"ни (изохли лугатини) яратди. Мазкур асарда ҳалқаро миқёсда кўлланаётган ҳамда мамлакатимиз молия соҳасига кириб келаётган икки ярим минг атаманинг шарҳи берилган. Предмет кўрсаткичи бўйича ўқувчи ўзбек, рус ва инглиз тилларидаги керакли атамани осонгина топа олади. Глоссарий рус тилидаги муқобил атамаларнинг алифбо тартиби бўйича курилган.

Таҳририятнинг кейинги иши — "IBORA" электрон лугати бўлиб, унинг лингвистик базасида ўзбек-рус-инглиз тилларидаги 120 минг сўз изохланган. Дастур тизими ўзбекчарусча, ўзбекча-инглизча, инглизча-ўзбекча, инглизча-русча, русча-ўзбекча, русча-инглизча таржима йўналишларидан фойдаланиш имконини беради. Буларнинг қай биридан фойдаланиш танланган матннинг қайси тилдан таржима қилинишига боғлиқ. Электрон дастур воситасида мавжуд олти хил таржима йўналишини истаган тартибда ўзгартириш — бир лаҳзалик иш.

"O'zbegim Dasturlari" таҳририятида қофоз муаммоси йўқ. Чунки у Ўзбекистондаги қофозсиз "электрон китоб" чиқариш воситаси — электрон дастурлар билан куролланган дастлабки таҳририятдир. Таҳририят дастурчилари томонидан яратилган дастурий комплекс хужжатлар матнини ўзбек тилига локаллаштириш жараёнини тезлаштириш имконини берадиган сўз захираларини кенгайтириш, ўзбек тили грамматикасига мувофиқ келадиган жумлалар тузишни амалга оширувчи дастурний

моделларни ишлаб чиқиши, миллий электрон шрифтларни шакллантириш бўйича қатор муаммоларни ҳал қилди. Натижада мазкур лутатнинг дастурий қобиги ўзбек кирилл ёзуви хусусиятларини хисобга олувчи оригинал шрифтга эга бўлди. Улар томонидан электрон дастурларнинг янада такомиллаштириб борилиши электрон лугатлардан фойдаланишини осонлаштириб, улар билан ишловчиларга катта қуликлар яратади. Масалан, компьютердан керакли сўзнинг маъноси, имлоси, бошқа тилдаги ифодаси ва ҳоказоларни бир лаҳзада билиб олиш мумкин. Муҳими, компьютерга ўрнатилган электрон лугат ҳар доим фойдаланувчининг кўлида бўлади. Шу хусусиятига кўра компьютерлар ақлий меҳнат шароитини оптималлаштиришнинг энг қулявай ва самарали воситасидир. Электрон лугатлар эса компьютер хотириасида сақланаётган ва маълум тизимга солинган икки ёки ундан ортиқ тилларга тегишили муқобил сўзлар ҳақидаги лексик ахборот (маълумотларнинг луғавий базаси) ҳамда шу ахборотни қайта ишлаш учун зарур дастурлар йиғиндисидан иборатдир.

Лугатнинг ўзбекча-русча-инглизча йўналишда тузилгани узоқни кўзлаб амалга оширилган ишдир. Чунки ҳар қандай киши чет тилини ўрганишда албатта ўз она тили билан бир қаторда ўзи биладиган бошқа тилларга ҳам таянади. Зоро, ҳеч бир тилни лугатиз ўрганиб бўлмайди. Чинакамига тил ўрганмоқчи бўлган кишига ҳар хил йўналишга эга жуда кўп лугат керак. Бундай лугатлар эса осонликча топилмайди, топилгандага ҳам киммат, кўп жойни эгаллайди, оғир юк...

Электрон нашрлар таҳририяти ЎзФА Тил ва адабиёт институти билан ҳамкорликда "Ўзбек тилининг катта орфографик лугати"ни тайёрламоқда. Унда ўзбек матнлари орфографиясини автоматик текшириш, транслитератор дастурларини тайёрлаш ишлари амалга оширилади. Кейинчалик бу база тезаурус дастурини яратиш имконини беради. "Синонимлар лугати" устида олиб борилаётган иш эса яқунланиш арафасида.

Миллий университет олимлари билан ҳамкорликда икки ва уч тилли муқобил лугатларни яратиш устида иш олиб борилмоқда. Уни-

верситет мутахассислари томонидан, мантиқий моделлардан фойдаланган ҳолда, матнларни машинада таржима қилиш бўйича бир неча янгиликлар қилинган. Бу матнни автоматик таржима қилиш имконини беради.

Таҳририятнинг барча ишлари — лугатлар

ва уларга асосланган электрон ишланмалар илмий асосга эга бўлиб, ҳар доим тўлдириб борилади.

Фируз ВАЛИЕВ,

“O’zbekim Dasturlari” электрон нашрлар таҳририяти директори

Sifat va nafosat

Жамият тараққиёти жараёнида инсоннинг атроф-муҳитга бўлган эстетик муносабатлари ўзгариб боради. Бошқача айтганда, инсонда ихтимойи муносабатларнинг хусусиятларига, ҳаёт тарзининг йўналишларига мос эстетик қарашлар тизими шаклланади.

Ишлаб чиқариш характеристига мос эстетик маданият йўналишлари меҳнат тақсимоти вуҷудга келиши билан пайдо бўлгани маълум. Шу даврдан бошлаб маҳсулотларга бадиий безак бериш орқали уларни харидоргир қилиш ҳаракати авж олган. Аммо у вакътларда ишлаб чиқаришда ташки безак асосий ўрин тутмаган, тарихий тараққиётнинг янги давридагина саноат эстетикаси дунёга келиб, устувор мавкега эга бўла бошлиди. Жамиятнинг ҳозирги ривожида эса маҳсулотларни безаш, зийнатлаш мухим аҳамият касб этмоқда. Сабаби — эндилиқда техник тараққиёт ниҳоятда жадаллашиб, бу борада катта имкониятлар эшигини очди. Шу боисдан бугунги кунда ишлаб чиқарилаётган маҳсулотлар инсоннинг моддий эҳтиёжларинигина эмас, маънавий эҳтиёжларини ҳам қондириши қонуниятга айлануб бормоқда.

Саноатни гўзаллик тамойилларига бўйсундириш учун ишлаб чиқаришда маҳсулот сифати ва унинг безакдорлигига баробар эътибор қаратилади. Шунингдек, саноат безаги эстетиканинг асосий обьекти бўлмиш адабиёт ва санъатдан озикланиб, ишлаб чиқаришни ана шу асосда такомиллаштиришни ҳам ўз ичига олади. Натижада санъат ва техника нинг уйғунашган шакли — техника эстетикаси предмети пайдо бўлади.

Саноат эстетикасига оид безаклар бадиийлик ва техникавийликни мужассам этгани боис, уларнинг амалий тараққиёти бўйича муйайян назарий-методологик асослар ишлаб чиқилишини тақозо этади. Чунки эркин ракобатга асосланган бозор иқтисодиёти шароитида саноат эстетикасига доир безаклар маҳ-

сулотнинг рақобатбардошлигини таъминловчи таъсирилос виситадир. Бироқ мамлакатимизда бадиий лойиҳалаштириш фаолиятининг эстетик жиҳати нақадар долзарблигига қарамайди, ҳанузгача у етарли илмий хуросаларга эга эмас.

Професор Л.Безмоздин “В мире дизайна” асарида “Саноат технологиясига оид безакларимиз марказида саноат-технологик, мухандислик-психологик, эргономик вазифалар ва маҳсулот-ашёларнинг ташки кўринишига жило бериш, уларни санъат асари даражасига кўтариш мақсади туради”, деб ёзди (Л.Безмоздин. *В мире дизайна*. Т., 1990. стр.10).

Саноат эстетикасига оид безаклар инсоннинг гўзаллик борасидаги қарашларига мос келиши ижодкор-конструктордан жуда катта меҳнат, тинимиз изходий изланиши талаб этади. Безакчилик маълум буюм-ашёнинг кулаги амалий хизмат вазифасини таъминлаш билангина чекланмайди, у миллий маданиятни бойитишга ҳам хизмат қиласи. Чунончи, Шарқ турмуш тарзига мос безакнинг ўзига хослигига фақат шарқона услубда ишланган изходий ишлар орқалигина эришиш мумкин. Шу йўсинда миллий маданиятта янгича қарашлар, услублар натижаси бўлган тажрибалар кўшилиб, уни бойитиб боради.

Саноат эстетикаси, хусусан, безакдаги бадиийлик ва техникавийлик унсурлари диалектикасини ўрганиш технодунёнинг шиддатли тараққиёти оқибатларини англаш заруратидангина эмас, балки унинг шахс дунёқараши, маънавий маданиятга умумтаъсирини таҳлил этиш ҳамда эстетик эҳтиёжларнинг пайдо бўлиши ва уларни қондириш билан ҳам боғлиқдир.

Машхура РАШИДОВА,
Тошкент Техника университети
илмий тадқиқотчisi

Urf-udumlar zamiridagi hikmat

Аждодларимизнинг расм-русларни, дунё-караши, ишонч-эътиқоди, турмуш тарзи ва асрлар бўйи жамланган ҳаётий таҳрибаларини мужассам этган энг жозибали маросимлардан бири никоҳ тўйидир. Ўзбек тўй маросимлари-даги ўзига хос урф-удумлар элшуносликка оид бой материал беради. Фарона водийси ва Қашқадарё воҳасидаги никоҳ тўйларини қиёсий ўрганиш бу жиҳатдан айниқса аҳамиятли.

Халқимизнинг никоҳ тўй маросимларини бошлаб берувчи дастлабки қадам совчиликдир. Киз тарафидан розилик олингач, йигит томон бир неча кундан сўнг (кўпинча совчи-ларнинг учинчи келишида) алоҳида дастурхон ва совфа-салом қилиб келади. Дастурхон атрофида кудалар бўлаjak тўй ҳақида маслаҳатлашади. Шундан кейин катта ёшли, кўп фарзандли, бир никоҳли киши йигит ва қизнинг тақдири мустахкам боғланишини тилаб дуо килади. Сўнгра дастурхонга кўйилган нонлардан биттадан олиб жуфт қилади ва нонни юза тарафига қаратиб тенг қилиб синдиради. Ушбу удум халқимизда нон синдириш деб номланган. Бу маросимда йигит ва қиз томонидан тайёрланган нон ва патирлар дастурхондаги бошқа шириналар билан биргалиқда маросим қатнашчилар томонидан бўлиб олинган.

Нон — тирикликтининг энг буюк неъмати. Унаштирилаётган ёшлар нондай азис бўлсин, қадр-қимматини ҳеч қаҷон йўқотмасин, деган ният ушбу удумда мужассам. Нонни жуфт синдиришда эса келин-куёвнинг қўша қариши ҳақидаги орзу-истак ифодаланган.

Киз томонидан розилик аломати сифатида кўёвнинг онасига оқлик, отасига эса яктақ, белбоғ, чопон берилган. Бу удум қизнинг поклиги, шунингдек, энди унинг боши боғланяётгани рамзидир. "Оқлик" муқаддас урф бўлиб, уни қайтариш айб ҳисобланган.

Келиннинг сепини тайёрлаш жараённида одатда тикиш-бичиши ишларини кекса ёшли аёллар бошлаб берган. Бунда келин-куёв узоқ умр кўрсин, серфарзанд бўлсин, деган ният ифодаланган. Қашқадарёда "кийим бичар" удуми бўлиб, унда кўёв томонидан кийимлик учун берилган газламалардан ҳар иккала куданинг қариндошлари иштирокида келинга дастлаб оқ матодан, сўнг бошқаларидан кийим бичилади. Бу маросим вилоят туманларида "жомабурон", "парчабурон" номлари билан атала-ди. Кийимни бичишида газламага серфарзанд,

бир никоҳли, ували-жували аёл қайчи уриб беради. Бу келиннинг кутли, серфарзанд бўлишини тилаш демакдир.

"Кўрпа солди" маросими олдидан кекса ёшли онахонларимиз келин-куёвнинг дастлабки кўрпалари орасига турли-туман қанд қофозларини қўшиб тиккан. Бу бўлғуси оиланинг ҳаёти қанддай ширин, дастурхони кут-бара-кали, тўкин-сочин бўлишини тилаганидир.

Никоҳ куни кечки пайт күёв ўз яқин дўстлари билан ясан-тусан қилиб, кутловлар остида тўйхонадаги оқсоқолларнинг дуои фотиҳаларини олиб, келиннинг уйига "куёвнавкар"га боради. Күёвнавкарлар дастурхонига турли нознеъматлар билан бирга, бўлғуси оила серфарзанд бўлсин деб, тухум ҳам қўйилади. Улар дастурхон атрофида ўтиргач, хонадоннинг кексаси дуои фотиҳа қилади. Шундан сўнг во-дийда кўёвга аталган ширинчой, Қашқадарёда эса "ширин сув" олиб келинади. Дастлаб күёв, сўнгра дўстлари ҳаёти ширин бўлишини тилаб сув ичади.

Зиёфатдан сўнг кўёвга кўёвбелбоғ боғланган. Аёллар рўмоли каби, эрлар белбоғи ҳам, тарихий асосларга кўра, жинсларни фарқлаш учун хизмат қилади. Даврлар ўтиши билан белбогнинг рамзий маъноси кенгайиб, бойлик, давлат тушунчаларини ҳам англатган.

Келин олиб келинаётганда күёвнинг қўшнинлари, яқинлари, маҳалла ва қишлоқ аҳли араванинг (машинанинг) йўлини тўсиб, совга, инъом талаб қилади. Бунинг учун арқон тортиби йўлни тўсади. Юртимизнинг барча вилоятларида мавжуд бўлган бу удум Қашқадарёда "ба-қон тутиш", "мағулок", "пўта", "пўта тутиш", Са-марқанд вилоятининг айрим туманларида, Чимкентда ва бошқа жойларда "бақон", "арқон тутиш" деб юритилган. Арқон тутган кишиларга келин томонидан тайёрлаб кўйилган белбоғ, рўмолча ёки пул берилган. Инъомдан йигитларнинг кўнгли тўлсагина йўлни очиб берган. Бу маросим кўпинча икки қишлоқ ўртасидаги кўприклар устидан ўтаётганда ёки келиннинг қишлоғидан чишиж жойида амалга оширилган.

Кўёвникига олиб кетилаётган келин рамзий маънода қизлик оламидан аёллик дунёсига ўтади. Яни, никоҳ йигит-қизларни бир по-фонага кўтариб, эр-хотинликка ўтказувчи рамзий маросимдир. Шу боис йўлда дуч келинган кўприк мажозий маънода ана шу икки олам чегараси ҳам ҳисобланади.

Фарғона водийсида келин яқинлашгач, эшик олдида катта олов ёқилади ва күёвнинг янгалари шакар солинган сут ёки қатиқ ва бир кийимлик мато олиб чиқади. Сут яхши ниятлар билан келинчакка ичирилади. Бу унинг йўли ойдин, зурриёдли ва зотли бўлсин, деган ниятда қилинади.

Қашқадарёда эса келинни тушириб келишда куёв дарвозаси олдида уч жойга гулхан ёқилади. Келин дастлаб бу гулханлардан қайнонаси етовида алоҳида-алоҳида, сўнгра учала гулхандан бир йўла айлантирилади. Сўнгра куёв кўтариб, баъзи жойларда янга етаклаб ичкарига олиб киради.

Келин куёвнинг уйига олиб кирилгач, чимидик боғлайди. Чимилидик ҳам рамзий маънода ёмонликдан тўсиз тимсоли.

Тўй куни серфарзанд бир аёл ёки янгальардан бири келинчакнинг сочини икки ўрим қилиб кўяди. Таникли этнограф олим Карим Шониёзовнинг ёзишича, ўзбекларда қизлар, анъянага кўра, соchlарини майдалаб, келинчак ва жувонлар эса жуфт қилиб ўрган. Қашқадарёда эса сочини майдалаб ўриш келинчаклар одати. Жаҳоннинг кўпгина халқларида, жумладан, Оврупода қизлар ва майший бузук жувонлар соч ўримидан фарқланган.

Қашқадарё вилоятининг Қамаши, Чирокчи туманларида никоҳ ўқилаётган пайтда келин ва куёв серфарзанд бўлсин, деган мақсадда күёвнинг этагига арпа солиб кўйилса, Косон туманида күёвнинг кўлига 10-15 дона тухум солиб, келиннинг кўлига ёш бола тутқазилади.

Водийда никоҳ ўқилаётган пайтда келин келган жойда тошдай қотиб ўтириш, деб этагига тош бостириб, унинг кийимини игнатугма билан ўтирган кўрпачасига қадаб кўйиш ўрфга айланган. Қашқадарёда никоҳ ўқилаётганда күёвнинг ўнг кифт кийими устидан оқ илии игна ўтказилиб, ипнинг учи туғилмаган. Бу эса келин-куёв ҳаёти оқ бўлсин, деган нияти ифодалаган.

Никоҳ кечаси куёв чимидикقا кирган заҳоти келин-куёв ўртасида ўзаро "оёқ босиш" удуми ўтказилган. Бу жараённи икки томон янгалари билинтирмай кузатиб турган. Гўёки агар қиз биринчи бўлиб күёвнинг оёғини босса, оиласа, турмушда унинг мавқеи баланд, акс ҳолда куёв хукмрон бўлар экан. Ушбу удум туркий халқлардаги келин ва күёвнинг ўзаро курашиб, куч синашиш одатининг таъсири бўлса ажаб эмас.

Шундан сўнг келин-куёв биргаликда янгальар томонидан берилган кўзгуга (ойнага) қараган. Бу "ойна қараш" удуми дейилган. Бундай удумлар тожиклар, эронликлар, веда динидаги хиндиларнинг тўй маросимларида ҳам учрайди. Бу орқали келин-куёвнинг келажак

ҳаёти ойна мисоли тиник, ёруғ ва пок бўлиши ният қилинган.

Никоҳ тўйининг эртаси куни күёвнинг барча яқин кишилари, қариндош-уруглар, кўни-кўшнилар келинга атаб совғалар олиб келади. Ушбу кун келиннинг онаси бошчилигидаги аёллар күёвнинг уйига "юз очди" маросимига йиғилади. Бу маросим Фарғона водийсида "юз кўрсатар", "беточар", "рўкушоён" (тожикча рў—юз, кушоён—очар), Қашқадарёда "бет очар", "юз кўрди", "келин кўрди", "юз очар" каби номлар билан юритилади. Урф бўйича, келин юзига оқ рўмол ташланган ҳолда йигилганлар хузурига чиқади, хонадоннинг ёш боласи томонидан унинг юзидағи рўмол очилади. Кўпинча келиннинг юзини очища мевали дарахтнинг новдасидан фойдаланилади. Бунда мевали дарахтнинг серпуштлик хусусияти келинга ҳам ўтсин, серфарзанд бўлсин, деган ният мужассам. Келиннинг юзи ёш бола томонидан очишида ҳам ушбу маънони кўриш мумкин.

Халқимизда никоҳ тўйидан сўнг ўтказиладиган "беточар" маросимида "супра солди" одати бажарилган. Бу одат Фарғона водийсининг барча ҳудудлари бўйлаб кенг таркалган. Қашқадарёда бу одат "супра ёзди" деб юритилади. Бу тадбирида қатнашганлар даврасига супра ёзиб, бир товоқ ун солинади. Қайнона супрадаги ундан бир ҳовч олиб, келиннинг кўлига, келин эса супрага тўқади. Бу ҳол уч марта тақорроланади. "Супра солди", "супра ёзди" удуми яхши ният билан келин-куёвнинг ҳаёти ёрқин бўлсин, мўл-кўлчилиқда рўзгор тутсин, деган тилақда ўтказилади.

Тўйдан сўнг ўтказиладиган "куёвчақири" маросимида келиннинг қизлик хонадонидан супра, хамиртуруш, ёғ, туз ва турли-туман рўзгор буюмлари берилган. Бунда келиннинг ушбу хонадондан узилган насибаси борган хонадонига қўшилсан, деган ният ифодаланади.

Фарғона водийси ва Қашқадарёда ёш келин-куёвнинг дастлабки кирқ кунлик даври "чилла" деб аталади. Чилла даврида ёшларни ёмонликдан асраш маъносига хонадон чироги ўчирилмаган. Бу даврда келин ҳам, куёв ҳам ниҳоятда пок, тоза, соғдил, оққўнгил, бир-бирига ва атрофдагиларга ўта меҳрибон бўлиши талаб килинган. Чунки шу кунлари нимани одат қилса, умр бўйи шундай бўлади деб хисобланган.

Фарғона водийси ва Қашқадарё воҳаси аҳолисининг никоҳ тўйи удумларида умумийлик ва яқинлик борлигини этнографик тадқиқотимиз тўлиқ тасдиклайди. Бу урф-удумлар замиридаги келин-куёвнинг серфарзанд бўлиши, фаровон, баҳтли ҳаёт кечириши бош фояхисобланади.

Гулруҳ ТОШЕВА, Адҳамжон АШИРОВ,
тарих фанлари номзодлари

Farg'ona qipchoqlari

Қипчоқларнинг Фарғона водийсида қачондан бўён яшаётгани ҳакида турлича фикрлар билдирилган. Айрим тадқиқотчилар улар бу ерга XVI аср бошларида Шайбонийхон кўшини таркибида келганини таъкидлайди. Бошقا бир гурӯҳ олимлар эса қипчоқларнинг катта қисми Фарғонага XVIII асрда келиб ўрнашган деб хисоблайди. Ушбу масала билан маҳсус шуғулланган таниқли элшунос олим, академик Карим Шониёзов буни янада аниқроқ сана — XVIII асрнинг 20-30-йиллари билан боғлади. Олимнинг таъкидлашича, қалмиқлар таъқибидан қочган қипчоқларнинг катта гуруҳи айни шу даврда Шимолий Фарғонанинг тоғли ва тоғолди худудларига келиб жойлашган. Демак, бу жараён бир неча асрни ўз ичига олади. Уларнинг муайян қисми Шайбонийхон кўшини келгунга қадар ҳам Фарғона водийсида яшаган бўлиши эҳтимолдан холи эмас.

Водий худудидаги қипчоқларнинг асосий қисми XIX аср бошларидаёт ўтрок турмуш тарзига ўтиб, дехқончилик билан шуғулланган. Бироқ уларнинг аксар қисми XX аср бошларига қадар яrimўтрок ҳолда яшаб, чорвачиликни дехқончилик билан қўшиб олиб борган. Статистик материаллар таҳлили шуни кўрсатдики, қипчоқларнинг ўзбек ва қирғизлар билан қўшилиб кетиши XIX аср охири — XX аср бошларида анча жадаллашган. XIX асрнинг 90-йилларида Фарғона водийсидаги қипчоқлар сони 70 минг, 1917 йили 42,4 минг, 1926 йилга келиб эса 33,6 минг нафарни ташкил этгани ҳам буни тасдиқлайди. —

Фарғона қипчоқларининг аксарияти Андижон уездидан; Андиконсой, Норин дарёсининг кўйи қисми, Мойлисув ва Қорадарё атрофидаги қишлоқларда яшаган. Айримлари Намангандан уезди худудида — Косонсой, Сумсар, Чодак, Подшо-Ота, Норин, Фова каби дарё ва сой ҳавзаларида ҳамда Янгиарқ канали атрофидаги истиқомат қилган. Фарғона ва Кўқон уездида ҳам бир неча қипчоқ қишлоқлари бўлган.

Академик Карим Шониёзов 1961-1972 йиллар мобайнида тўплаган дала материаллари асосида Фарғона водийси худудидаги қипчоқлар яшаган яна кўплаб қишлоқларни аниқлаған. Поп, Бувайда, Дангара, Чуст, Косонсой, Норин, Учқўргон, Избоскан туманлари худудидаги бир неча қишлоқ шулар жумласидандири.

Таъкидланганидек, Фарғона қипчоқларининг салмоқли қисми қирғизлар таркибиға ҳам қўшилиб кетган. Қирғиз-қипчоқлар асосан

водийнинг шарқий ва жанубий худудларига жойлашган. Бундан ташқари, тадқиқотчилар қипчоқларнинг бир қисми водий худудидаги қорақалпоқлар таркибиға ҳам сингиб кетганини қайд этади.

Ургу қабилаларга бўлинниш қипчоқларнинг хос хусусиятларидан бўлган. XIX асрнинг иккинчи ярми — XX аср бошларида водий худудида яшаган қипчоқлар тўрт катта гурухга бўлинган. Булар — қипчоқлар (ёки тоза қипчоқлар), қирғиз-қипчоқлар, хитой-қипчоқлар ва сарт-қипчоқлар.

Ушбу қипчоқ гурухлари бир қанча уруғлардан ташкил топган. Кўғай, бугач, кумушой, ўлмас, яшик, жайдок, пучуғой, златон, бўғоз, тоз, сирмок, етиқашқа, қутлуқсаид, черек, кўкмўйин, тўрттайғир (ёки тўрт оғайни) тўрттоя, товуди, чангроқчи, чиял, кулон, оқбўйра, қорабовур, бошқирт, тикан, қоратикан, сариқипчоқ каби уруғлар шулар жумласидандири.

Бу масалани ўрганган рус олими Я. Виников Фарғона водийсида қипчоқларнинг яна яйдоқ, кўйкулок, очин, жикан, тўртойлик, туячи, сарой, ёрбоши, қози каби уруғлари яшаганини таъкидлайди. Улар ичиди энг ириклири етиқашқа, ўлмас, кулон, элатан ва яшик уруғларидир.

XIX асрнинг иккинчи ярмида ўтрок қипчоқлар сони кескин кўпайган. Водий қипчоқларининг турмуш тарзида бундай ўзгариш, аввали, иқтисодий омиллар таъсирида юз берган. Чунки бу даврга келиб водийда паҳтачиликни ривожлантиришга алоҳида эътибор қаратилиб, чорвадор ҳалклар томонидан яилов сифатида фойдаланиб келинган ерлар дехқончилик учун жадал ўзлаштирила бошланган. Бу эса ўз ўрнида водий яrimўтрок аҳолиси, хусусан, қипчоқлар чорвасининг сони кескин камайиб кетишига олиб келган. Водийнинг шимолий тоғолди зоналарида жойлашган қипчоқ уруғлари эса чорва молларини бокиши билан бир вақтда асосан лалми ерларда дехқончилик қилган.

Табиийки, ўтроклашув жараёни қипчоқлар хаётидан мухим ўрин тутган. Дехқончилик, хунармандчилик билан шуғулланиш уларнинг тараққиётга эришувида асосий омил вазифасини ўтаган.

Улугбек АБДУЛЛАЕВ,
Андижон Муҳандислик-иктисодиёт
институти доценти



RESUME

In this edition's section "What do you think, my contemporary?", medical scientist Djumanazar Beknazarov reveals his thoughts about the effects of natural and chemical medicines on human health. Using comparative analysis, the scientist states that medicines made of natural herbs have more advantages, and that chemical ones at times turn out to have side effects. The interviewee also expressed some of his points of view about topical issues like enlightenment, national literature, history and the education of the younger generation.

Today the issue of globalization is a subject of great interest as well as concern. One may count its advantages but may not ignore the disadvantages. Sa'dulla Otamurodov's "A way of protecting against attack" is dedicated to this topic. By presenting related facts, the author tries to convince the reader that as well as introducing modern technology, the process of globalization represents a cultural and lifestyle intervention in a particular society, which can damage its national stereotypes and mentality. He thinks globalization is a more civilized form of invasion.

A celebrated representative of modern Russian literature, Sergey Dovlatov, faced many difficulties in his homeland because of his liberal and critical views, which were not tolerated. This forced him to leave his country.

Although the writer's books are hardly literary nor close to traditional style of writing (they are not colourfully designed as normally expected), they still interest everybody. Today we present a chapter that is called "My brother" from the author's novel "Our family".

O

ne who chooses a path of knowledge never stops acquiring it. In this regard, a true son of the Uzbek nation and the great Uzbek prose writer, Ozod Sharafiddinov devoted his life to national literature. An article by literary expert Abdughafur Rasulov entitled "Truth seeker" is dedicated to the unforgettable memory of this celebrity and narrates his scientific researches and colourful periods of his life.

M

any believe that the founder of Uzbek pop art Botir Zokirov and music art itself are like Medjnoon and Leyli. Although a lot of time has passed since he left our world, his songs still live in the hearts of many Uzbeks. Because Botir Zokirov was a music enthusiast, great art maker, and real erudite. Art scientist Ashurali Joraev's article "Medjnoon of the music world" is about Botir Zokirov's personality, activities, and music.


S

ubjects like human perfection, knowledge of both theological and worldly sciences are thought to have been the central part of Mirzo Abdulqodir Bedil's work. When alive, Bedil tried to analyze human nature through seeking answers to the following questions: what are the greatness and problem points of humanity, what are the reasons for spiritual melancholy, what are the secrets of human skills and creativity, what are the sources of human luck and happiness. Philosophic thoughts and answers to these questions can be found in the scientist's works. They are extremely important, which is why throughout the centuries still preserve their value. Scientist Nadjmiddin Komilov's article entitled "Light of enlightenment" is dedicated to an analysis of one of Bedil's such works — to the dastan "Enlightenment".

I

slam calls for respecting women. It is believed that the status of women is equal to that of men; and according to their responsibilities, they are equal before Allah.

In Islam, economic support for women is guaranteed. Each woman, above all, is respected as mother; she is a kind teacher for her children. In Islamic scientist Rahmatulloh qori Obidov's "Woman is not a weapon of the devil" this issue is discussed.



Гул баргига шабнамлар ёэди,
Тиниб қолди қора чыралдоқ.
Майсазорга бошини қўйиб
Ухлаб қолди лолағизгалдоқ.
Бир хўрсаниб қўйди негадир
Дебор оша мўралаган гул —
Хен кимсага билдиримай сойга
Тушиб кетди ёлеизоёқ йўл...

Забо МИРЗО

ММК 1735 с

Нашр күрсөткічі: 889/870
Бағосы көлішілгән нарахда

TAFAKKUR

ТАФАККУР 2/2006

